

नमो नमो निम्नल दंसणस्य

आगमसुताणि



११

विवागसूयं

एकरसमं अंगसुतं

संसोहय-संपायग

निषुण नियमित पू. मुनिराज श्री सुधर्म सागरज्ञ म. ना शिष्य

मुनि दीपरब्लसागर

जाल व्यापारी श्री नेमिनाथाय नमः

ननो नप्ये निष्ठल दंसणास

श्री आरंद-क्षमा-विवित-सुशील-सुधर्मसागरगुरुभ्यो नमः

४५-आगमरुताणि

-: सं सो ह य-सं पा य ग :-

पूर्ज्य मुनिराज श्री सुधर्मसागरगुरु भद्राराज सारेभना शिष्य

मुनि दीपरत्नसागर

ता. २३/७/६६

सोमवार २०५२

आधार सुंद : ६

४५ आगमना सेटनी क्रिंमत - रु. १५००/-
(भावि आगम-कार्य खाते)

आगम श्रुत प्रकाशन

मुद्रक

नवमभात प्रिन्टिंग प्रेस धीकांट्यरोड, अमदावाद.

क्रमपोक्त्र

श्री ग्राहिकस २१, सुभाषनगर, गिरधरनगर,
शास्त्रीबाग, अमदावाद.

[2]

આર્થિક અનુદાન દાતા

૪૫ આગમમાં મુખ્ય દ્રવ્ય સહાયક

સિદ્ધભાઈ ક્રમલીપવર્ણ શ્રી સૌભ્યગુણાશ્રીજીની પ્રેરણાથી

ધ એ ક શુ વા નુ જ ગી ધ ન લો પ વિ ન

શ્રીમતી નયનાભેન રમેશચંદ્ર શાહ - સપરિયા [વડોદરા]

● અલગ-અલગ આગમના મુખ્ય દ્રવ્ય સહાયકો ●

- ૧ સાધ્યીશ્રી રલત્રયાશ્રીજી મ. ના પરમવિનેધા સાધ્યીશ્રી સૌભ્યગુણાશ્રીજીની પ્રેરણાથી
- શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં ધેયી જાનની ઉપજમાંથી - વડોદરા
- ૨ રલત્રયારાઘ્ર સાધ્યીશ્રી સૌભ્યગુણાશ્રીજીની પ્રેરણાથી શ્રી હરિનગર ઝૈન સંધ
વડોદરામાં શ્રી પર્યુષણ પર્વમાં ધેયી સૂત્રોની ઉપજમાંથી - સં. ૨૦૫૧
- ૩ સ્વનામધન્ય સાધ્યીશ્રી સૌભ્યગુણાશ્રીજીની પ્રેરણાથી-શ્રી શાંતિલાલ કેશવલાલના
બંગલે, વડોદરા, ૨૦૫૧ના ચોમાસાની ભારાધના નિમિત્તે
- ૪ પ્રશાંતમૂર્તિ સા. સૌભ્યગુણાશ્રીજીના રિશ્યાતપસ્વી સા. સમજાશ્રીજીના ૪૫ આગમના
૪૫ ઉપવાસ નિમિત્તે શા.કે.બંગલે ધેયેલ જ્ઞાનપૂર્ણન તથા ગુરુભક્તો તરફથી. બરોડા
- ૫ સા. શ્રી રલત્રયાશ્રીજીના પ્રશિદ્ધા સા. સમજાશ્રીજીના સિદ્ધિતપ નિમિત્તે સ્વ.
રતીલાલ કાલીદાસ વોરાના સરરાણે લીલીબેન રતીલાલ તરફથી, તુરેન્નનગર.
- ૬ પૂ. રલત્રયાશ્રીજી મ.ની દ્વિતીયપુન્યતિથિ નિમિત્તે સા. મોકારલાશ્રીજીની પ્રેરણાથી
શાહ ભીમચંદ છગનલાલ પરિવાર, દ. મંજુલા બેન. બેરવાવાળા [દાલ-મુંબઈ]
- ૭ સાધ્યી શ્રી સૌભ્યગુણાશ્રીજીના ઉપદેશાથી શ્રી ગુજરાતી સે. મૂ. ઝૈન સંધ, મદાસ
હસ્તે શ્રી ઈન્દ્રવદન રતીલાલ દામાશી - વૈદ્યિયાવાળા-દાલ-મદાસ
- ૮ સા. શ્રી સૌભ્યગુણાશ્રીજીની પ્રેરણાથી, સ્વ. ચતુરાબેન પિંતાબરદાસ પી. દામાશીના
સરરાણે તેમનો પરિવાર, દ. ઈન્દ્રવદન રતીલાલ દામાશી-વૈદ્યિયાવાળા (મદાસ)
- ૯ પૂ. ગુરુમાતા રલત્રયાશ્રીજીના અંતેવાસી સાધ્યી શ્રી સૌભ્યગુણાશ્રીજી ની પ્રેરણાથી
પૂજયશ્રીની પુન્યતિથિ નિમિત્તે, શ્રી સાંકળીબાઈ ઝૈન શ્રાવિકા ઉપાશ્રય-ચાસ્પુર તથા
શ્રી જેરાવરનગર ઝૈન શ્રાવિકાસંધની જ્ઞાનની ઉપજમાંથી
- ૧૦ શ્રીમતી દીપીબેન સુનીલભાઈ પટેલ દ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બઢેન ભરતભાઈ ગુપ્તા. દ. નયનાબેન, વડોદરા
- ૧૨ શ્રીપતી પ્રિયકાબેન પરાગભાઈ જીવેરી, દ. નયનાબેન, મુંબઈ
- ૧૩ શ્રી અલકાપુરી-સે. મૂર્તિ ઝૈનસંધ-વડોદરા-દ. નયનાબેન
- ૧૪ શ્રી વાસુપૂર્ય પૈત્ય-મેલુલ સોસાપટી, સુભાનપુરા-જ્ઞાનપાતુ-વડોદરા દ. લાલુબેન
- ૧૫ શ્રીમતી સુરિત્રાબહેન દસમુખભાઈ સંધીલી, ખાનપુર (ઇન્ડોડા) અમદાવાદ

[3]

- १६ स्व. मनसुखलाल जगछवनदास शाई तथा स्व. अंगजानेन जगछवनदासनां
स्मरकार्य शाई भेडिकल स्टोर, घोराळ वाणा, क. अनुभाई तथा जगदीशभाई
- १७ श्री कोठिपोण, चे. मूर्ति. जैनसंघ, श्री शांतिनाथ जिनालय - शानभाटु, वडोदरा
- १८ श्री कारेली बाग चे. मूर्ति. जैनसंघ, वडोदरा-इ. शांतिलाई
- १९ श्री कृष्णनगर चे. मूर्ति, जैनसंघ-अमदावाद.
- २० श्री कृष्णनगर चे. मूर्ति. जैनसंघ, अमदावाद
- २१ सिद्धान्तनिष्ठ पू. ग्राम. आ. श्री विजयरामचंद्रसूरीशरण भ.सा.ना दिव्यआशीषथी
- पटेल आशालाई सोमालाई, क. ललीतानेन, सुभानपुरा, वडोदरा
- २२ स्व. विश्वंदभाई महालाल लीबीवाणा, तथा स्व. असुदनेन विश्वंदभाईनी
शुतशानाराधानानी स्मृत्यर्थे तेमना सुपुत्रो तरक्षी, अमदावाद
- २३ वैयावच्यपरायणा श्रमजीवर्मा श्री अनंतगुप्ताश्रीज्ञनी प्रेरणाथी सम्प्रदर्शन
आराधना लवनद्रुट, अमदावाद तरक्षी [श्री महानिसीह सूत्र भाटे]

● ४५ - आगम सेट-योजना ग्राहक - दाता ●

प. पू. सा. सोम्यगुप्ताश्री भ. ना उपटेश तथा तेमना संसारीभाई
श्री ईन्द्रवदन रत्नलाल दामाशी (रिधीयावाणा) - पदाराना प्रेरक सौजन्यथी।

- श्रीमती गुहीनेन जयनंदभाई सी. देहारी, पालनपुर, छाल-मद्रास
- श्रीमती देव्यानीनेन चंद्रकान्तभाई एम. वोलीमा, वांकानेर, छाल-मद्रास
- श्रीमती सुरीलालनेन शांतिलाई एन. वोरा, अमनगर, छाल-मद्रास
- श्रीमती पुष्पानेन अमृतलाल टी. शाई, चुडा, छाल-मद्रास
- श्रीमती निर्भलानेन जयतिलाई एस. मरेता, धान, छाल-मद्रास
- श्रीमती पुष्पुकान्तानेन रतिलाल चे. शाई, वांडीपा, छाल-मद्रास
- श्रीमती गुणिनेन दिनेशभाई सी. शाई, पालनपुर, छाल-मद्रास
- श्रीमती भूदुलानेन श्रियकान्तभाई सी. शाई, मूर्णी, छाल-मद्रास
- श्रीमती नपनानेन नरेन्द्रभाई आर. शाई, मूर्णी, छाल-मद्रास
- श्रीमती मंजुलानेन शुक्लवंतभाई सी. दोशी, मद्रास
- श्रीमती झुँझनेन रत्नलाल चे. शाई कापडीया परिवार तरक्षी लाभतर, छाल-मद्रास
- श्री वापीलाल काणीदासभाई दोशी, नोरश्री, छाल-मद्रास
- से. पी. बी. शाई एन फु. क. अरविंदभाई गोरनी, छाल-मद्रास
- स२. मातुश्री चंपानेना स्मरकार्य श्री नगीनदास अमृतलाल शाई, मद्रास
- अमरीभाईना स्मरकार्य उ. बाबुलाल - भद्रावीरमें बोकरा, मद्रास

[4]

सा. मोक्षरत्नश्रीज्ञ तथा सा. श्री समग्रश्रीज्ञ-नी प्रेरक्षाधी - छात्र पुस्तियावाणा

- | | |
|---|--------------------------------|
| १. कृतिलाल हजारीलाल गोवडीया | २. संघवी रतनबाल भगवानदास राठोड |
| ३. पवुती राजेब रेडासनी | ४. सरलालेन रमेशचंद्र वोरा |
| | ५. मुमनभाऊ भालवंडक गोवडीया |
| ६. अ.सौ. उंसालेन उत्तमलाल मुखीयाना वर्षितप निमित्ते उत्तमलाल चटीलाल चतुपुरावाणा तरकथी | |
| ७. स्व. पू. रिताशी रतिलाल ताचंद तथा कान्तपलेन रतीलालना अग्नत्रियाणी तेमना मुपुओ तरकथी | |

१. मुखीया उत्तमलाल वनेयंद (अमवंचली) नंदुरभार
२. गं. स्व. सुरजलेन पदमरी शाह, ड. ज्योतिलेन नंदुरभार
३. सा. समग्रश्रीज्ञ-नी प्रेरक्षाधी श्री अकितनाथ - मंडिर से. मूर्ति संघना शाविकालहेनो नंदुरभार
४. सा. समग्रश्रीज्ञ-नी प्रेरक्षाधी - शाह मुनिलालज शिवलालज, सोनगीर
५. मुखीया चत्रभुज जगमोहनदास उ. वीराजाई - पोराळ
६. शाह महेतलाल फीरयंद, विपिकार (इभोठ) छात्र-अमदावाद
७. सा. श्री सौभ्यगुजाश्रीज्ञ-नी प्रेरक्षाधी रमेशयंद भनसुभवाल शाह, अमदावाद
८. सा. श्री सौभ्यगुजाश्रीज्ञ-नी प्रेरक्षाधी श्रीमती अमुदलेन लस्थीयंद मेता, उ. इन्दुभाऊ घामाती, मुरत
९. सा. श्री मोक्षरत्नश्रीज्ञ-नी प्रेरक्षाधी स्व. सोभयंद बोधाभाऊ परिवार उ. बाबुलेन, रामपुरा
१०. पू. भागमोदारकश्रीना समुदायना दीर्घिंस्पभी दिकुभी सा. श्री मुत्ताचश्रीज्ञ अमनगरवालाना उपदेशी तथा तेमना पद्धिखानी भुग्नित प्रेरक्षाधी
११. लोगीलाल श्रीभोवनदास शाह, उ. नपनालेन, वडोदरा
१२. संगीता अक्षमेरीया - मोरधी

● ४५ आमग्रहेट वोजना-नामदाता ●

१. परमार दीपी राजेशकुमार-वडोदरा
२. सा. श्री सौभ्यगुजाश्रीज्ञ-नी प्रेरक्षाधी उड्रक्षालेन अकितकुमार कापीया, वडोदरा
३. सा. श्री समग्रश्रीज्ञ-नी प्रेरक्षाधी - श्री निष्ठापुरा फैन संघ,
४. सा. श्री समग्रश्रीज्ञ-नी प्रेरक्षाधी - रंदिकालेन मदेशभाऊ शाह,
५. सा. श्री मोक्षरत्नश्रीज्ञ-नी प्रेरक्षाधी गं. स्व. वसंतलेन त्रिलक्ष्मी दोशी, नंदुरभार
६. माझेक्कलेन शाह-
७. शोभनालेन शाह -

:- गं था णु क्क म :-
अ पढ मो सु-य-क्खं-यो अ

क्रमांक	अन्नपर्व	सुतं	वाहा	अनुद्देश	मिट्ठंडे
१	मियापुत्रे	१-६	१-२	१-१०	३-५
२	उच्चित्रयए	४-१३	-	११-१७	१-१४
३	अभग्नसेपे	१४-१९	-	१८-२३	१४-१९
४	सगडे	२०-२२	-	२४-२६	१९-२७
५	बहस्सइदते	२३-२४	-	२७-२८	२९-२३
६	नंदिवल्लो	२५-२६	-	२९-३०	२३-२५
७	उंवरदते	२७-	-	३१-	२५-२८
८	सोरियदते	२८-	-	३२-	२८-३१
९	देवदत्त	२९-	-	३३-	३१-३५
१०	जंबू	३०-	-	३४-	३५-३६

अ वी ओ सु-य-क्खं-यो अ

क्रमांक	अन्नपर्व	सुतं	वाहा	अनुद्देश	मिट्ठंडे
१	सुवारू	३१-	३-	३५-३७	३६-३९
२	महनंदी	३२-	-	३८-	३९-
३	सुजाए	३२-	-	३९-	३९-
४	सुवासव	३२-	-	४०-	३९-
५	जिनदास	३२-	-	४१-	३९-
६	धन्नवई	३२-	-	४२-	४०-
७	महखल	३२-	-	४३-	४०-
८	महनंदी	३२-	-	४४-	४०-
९	महच्चंद	३२-	-	४५-	४०-
१०	वरदत	३३-३४	-	४६-४७	४०-

परिसेट्ट-निदंसण

क्रम	परिसेट्ट	मिट्ठंडे
१	विसयानुद्देश	८
२	विसेट्टवादानुद्देश	८
३	विसेत्त नवानुद्देश	८
४	वाहानुद्देश	८
५	शुत्रानुद्देश	८

સુચનાપત્ર

૧. આગમ સૂત્રોમાં ડાબી બાજુને છપાયેલ પ્રથમ-અંક, સૂત્ર તથા ગાથાનો સંયુક્ત સરણે ક્રમાંક સૂચવે છે. [અણુક્રમ]
૨. છેડે જમણી બાજુને દર્શાવિલ હિન્દી ક્રમાંકન આગમમંજુષામાં છપાયેલ સૂત્રાંક અને ગાથાંક સૂચવે છે. [કમ]
૩. સૂત્રને જાણાવવા માટે અહીં ઉભા લીટા । । ની વચ્ચે આગમમંજુષાનો સૂત્રાંક મુકેલો છે. [સુત્તંકો]
૪. ગાથાને જાણાવવા માટે અહીં બે ઉભા લીટા ॥ ॥ ની વચ્ચે આગમમંજુષા નો ગાથાંક મુકેલો છે. [ગાહંકો]
૫. છેડે જમણી બાજુને દર્શાવિલ અંગ્રેજી ક્રમાંક - વૃત્તિનો અંક જાણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અધ્યયનાદિ નો વૃત્તિમાં જે અંક હોય તે જ અંક અહીં અંગ્રેજી ક્રમાંકન કરી નોંધેલો છે.
૬. અંગ્રેજી ક્રમાંકન માં જ્યાં અંક પછી ર આવે ત્યાં આ સૂત્રાંક કે ગાથાંક વૃત્તિમાં બીજી વખત આવેલો જાણાવો. - શોધવો.
૭. જ્યાં સૂત્રોમાં [] આ રીતે ચોરસ કોંસ મુકેલા છે તે બે ચોરસ કોંસ વચ્ચેનું લખાય જાવ વાળા પાઠોની કરેલ પૂર્તિ દર્શાવે છે.

नमो नमो निष्पत्ति दंसणस्स
पंचम गणाधर श्री सुधर्मस्त्वमिनेनमः

११ विवाग सुयं

एक्कारसमं अंगमुत्त

पदमं सुयक्खंयं

पदमं अज्ञायणं मियापुत्त

(१) तेणं कालेणं तेणं समएणं चंपा नामं नयरी-होत्या-वण्णओ पुत्रभद्रे चेइए तेणं कालेणं तेणं समएणं समणस्स भगवओ महावीरस्स अंतेवासी अञ्जसुहम्बे नामं अणगारे जाइसंपत्रे वण्णओ चउद्दसपुच्ची चउनाणोवगाए पंचहिं अणगारसणहिं सङ्क्षि संपारिवुडे पुव्वाणपुच्चि [चरमाणे गापाणुगामं दूज्जमाणे सुहंसुहेणं विहरमाणे जेणेव चंपा नवरी] जेणेव पुत्रभद्रे चेइए तेणेव उवागच्छ उवागच्छिता अहापडिस्वं [ओणगं ह ओगिण्हिता संजपेणं तवसा अपाणं भावेमाणे विहरइ परिसा निणया धम्बं सोद्धा निसप्प जापेव दिसं पाउभ्या तामेव दिसं पडिगया तेणं कालेणं तेणं समएणं अञ्जसुहम्बास्स अंतेवासी अञ्जजयू नामं अणगारे सत्तुसेहें जहा गोयमसामी तहा जाव झाणकोट्टोवगाए संजपेणं तवसा अपाणं भावेमाणे विहरइ तएणं अञ्जजंबू नामे अणगारे जायसइडे जाव जेणेव अञ्जसुहम्बे अणगारे तेणेव उयागाए तिक्खुत्तो आयाहिण-पयाहिणं कोइ करेता यंदइ नमंसइ वंदिता नमंसिता जाव पञ्चुद्वासमाणे एवं वयासी ।१-१

(२) जइ पं भंते समणेणं भगवया महावीरेणं जाव संपत्तेणं दसमस्स अंगस्स पणहावागारणाणं अयमद्वे पत्रते एक्कारसमस्स णं भंते अंगस्स विवागसुयस्स समणेणं भगवया महावीरेणं जाव संपत्तेणं के अद्वे पत्रते तएणं अञ्जसुहम्बे अणगारे जंबू-अणगारं एवं वयासी-एवं खलु जंबू समणेणं भगवया महावीरेणं जाव संपत्तेणं एक्कारसमस्स अंगस्स विवागसुयस्स दो सुयक्खंया पन्तता तं जहा-दुहविवागा य सुहविवागा य जइ पं भंते समणेणं भगवया महावीरेणं जाव संपत्तेणं एक्कारसमस्स अंगस्स विवागसुयस्स दो सुयक्खंया पत्रता तं जहा-दुहविवागा य सुहविवागा य पढमस्स णं भंते सुयक्खंयां दुहविवागाणं समणेणं भगवया महावीरेणं जाव संपत्तेणं के अद्वे पत्रते तएणं अञ्जसुहम्बे अणगारे जंबू-अणगारं एवं वयासी-एवं खलु जंबू समणेणं भगवया महावीरेणं जाव संपत्तेणं दुहविवागाणं दस अज्ञायणा पत्रता तं जहा-।२-१।२-१

(३) मियउत्ते य उज्जियथए अभाग सगडे बहस्सई नंदी

उंवा सोरियदत्ते य देवदत्ता य अंजू य ॥१॥-१

(४) जइ पं भंते समणेणं भगवया महावीरेणं जाव संपत्तेणं दुहविवागाणं दस अज्ञायणा पत्रता तं जहा-मियउत्ते जाव अंजू य पढमस्स णं भंते अज्ञायणस्स दुहविवागाणं समणेणं भगवया महावीरेणं जाव संपत्तेणं के अद्वे पत्रते तएणं सुहम्बे अणगारे जंबू-अणगारं एवं वयासी-एवं खलु जंबू तेणं कालेणं तेणं समएणं मियगामे नामं नयरो होत्या-वण्णओ तस्स णं मियगापस्स नयरस्स बहिया उत्तरपुरात्थिये दिसीभाए चंदणपाववे नामं उझाणे होत्या-सव्वोउय-पुफ-फल-समिडे-

कण्णओ तत्व णं सुहम्पस्स जक्खस्स जक्खायपणे होत्या-चिराइए जहा पुण्णभदे तत्व णं मियग्गामे नयरे विजए नामं खतिए राया परिवेसइ-वण्णओ, तस्स णं विजयस्स खतियस्स मिया नामं देवी होता-अहीण-पडिपुत्रपर्विदियसरीरा-वण्णओ तस्स णं विजयस्स खतियस्स पुते मियाए देवीए अतए मियापुते नामं दारए होत्या-जातिअंधे जातिमूए जातिबहिरे जातिपुतुले हुँडे य वायव्ये नत्यि णं तस्स दारगस्स हत्या वा पाया वा कण्णा वा अच्छी वा नासा वा केवलं से तेसि अंगोवंगाणं आगिती आगितिमेते तए णं सा मियादेवी तं मियापुतं दारगं रहस्यिंसि भूमिधरंसि रहस्यिएणं भत्तपाणेण पडिजागरमाणी-पडिजागरमाणी विहरइ ।२-२

(५) तत्व णं मियग्गामे नयरे एगे जाइअधे पुरिसेपरिवेसइ, से णं एगेणं सद्यक्खुएणं पुरिसेण पुरओ दंडएणं पकडिद्जमाणे-पकडिद्जमाणे फट्ट-हडाहृ-सीसे मव्विड्या-चडगर-पहकरेण अणिङ्गमाणमग्गे मियग्गामे नयरे गेहे-नेहे कोलुण-वडियाए वित्ति कप्पेमाणे विहरइ तेण कालेण तेणं समएणं समणे भगवं पहावीरे [पुव्वापुपुर्विव चरमाणे गामाणुगामं दूज्ज्ञमाणे सुहंसुहेण विहरमाणे मियग्गामे नयरे चंदणापायवे उज्जाणे] समोसरिए परिसा निग्या तए णं से विजए खतिए इभीसे कहाए लळडे समामे जहा कूणिए तहा निग्यए जाव पञ्जुवासइ तए णं से जाइअंधे पुरिसे तं महयाजप्पसहं च [जणवूहं ए जणबोलं च जणकलकलं च] सुणेता तं पुरिसं एवं वयासी-किण्णं देवाणुप्पिया अज्ञ मियग्गामे नयरे इंदमहे इ वा [संदभहे इ वा उज्जाण-गिरिजता इ वा जओ णं बहवे उण्णा भोगा एगदिसि एगाभिमुहा] निग्यच्छंति तए णं से पुरिसे तं जाइअंधं पुरिसं एवं वयासीनो खलु देवाणुप्पिया अज्ञ मियग्गामे नयरे इंदमहे इ वा जाव निग्यच्छंति एवं खलु देवाणुप्पिया समणे भगवं पहावीरे जाव विहरइ तए णं एगे जाव निग्यच्छंति तए णं से अंधे पुरिसे तं पुरिसं एवं वयासी-गच्छामो णं देवाणुप्पिया अभे वि समणं भगवं [महावीरंवदामो णमंसामो सकूकारोमो सम्माणेमो कल्पाणं मंगलं देवयं चेयं] पञ्जुवासामो तए णं से जाइअधे पुरिसे तेण एगे दंडणएणं पुरिसेण पकडिद्जमाणे पकडिद्जमाणे जेनेव समणे भगवं पहावीरे तेणेव उवागच्छ उवागच्छता तिक्खुतो आयाहिण-पयाहिणं करेह वंदइ नमंसइ जाव पञ्जुवासइ तए णं समणे भगवं पहावीरे विजयस्स रण्णो तीसे य [महदमहालियाए परिसाए मञ्जग्गए विचितं] धम्ममाइक्खइ परिसा पडिग्या विजए विगए ।३-३

(६) तेण कालेण तेणं समएणं समणस्स भगवओ महावीरस्स जेहे अंतेवासी इंद्रमूई नामं अणगारे जाव संजमेणं तवसा अप्पाणं भावेमाणे विहरइ तए णं से भगवं गोयमे तं जाइअंधं पुरिसं पासइ पासिता जायसइ जाव एवं वयासी-आत्मि णं भंते केइ पुरिसे जाइअंधे जायअंधास्वे हंता आत्मि कहं णं भंते से पुरिसे जाइअंधे जायअंधास्वे एवं खलु गोयमा इहेव मियग्गामे नयरे विजयस्स खतियस्स पुते मियादेवीए अतए मियापुते नामं दारए जायअंधे जायअंधास्वे नत्यि णं तस्स दारगस्स [हत्या वा पाया वा कण्णा वा अच्छी वा नासा वा केवलं से तेसि अंगोवंगाणं आगिती] आगितिमेते तए णं सा मियादेवी [तं मियापुतं दारगं रहस्यिंसि भूमिधरंसि रहस्यिएणं भत्तपाणेण] पडिजागरमाणी-पडिजागरमाणी विहरइ तए णं से भगवं गोयमे समणं भगवं महावीरं वंदइ नमंसइ वंदिता नमंसिता एवं वयासी-इच्छापि णं भंते अहं तुख्येहि अब्यणुण्णाए समाणे मियापुतं दारगं पासिता अहासुहं देवाणुप्पिया तए णं से भगवं गोयमे समणेण भगवया महावीरेण अब्यणुण्णाए समाण हट्टुठे समणस्स भगवओ महावीरस्स अंतियाओ पडिनिक्खमइ

सुप्रकृत्यां-१, भज्जयं-१

५

पदिनिकदमिता अतुरिय [मध्यबलमसंभंते जुगंतरपलोयणाए दिनीए पुराओ रियं सोहेमाणे सोहेमाणे जेणेव पियग्गामे नयरे तेणेव उवागच्छइ उवागच्छिता मियाग्गामं नवरं मञ्ज्ञामञ्ज्ञेण जेणेव पियादेवीए गिहे तेणेव उवागच्छइ तए णं सा पियादेवी भगवं गोवयं एञ्चमाणं पासइ पासिता हृष्टुद्द [चित्पामाणंदिया पीडमाणा परमसोमाणसिया हरिसवस-विसप्पमाण] हिव्या आसणाओ अट्युठेद अट्युठेता सत्तुपयाइ अनुगच्छइ अनुगच्छिता तिक्कुतो आयहिण-पयाहिणं करेइ वंदइ नमंसइ वंदिता नमंसिता एवं वयासी संदिसंतु णं देवाणुप्पिया किमागमण्यओयणं तए णं से भगवं गोवये मियं देविं एवं वयासी-अहं णं देवाणुप्पिये तव पुतं पासितं हव्यमागए तए णं सा पियादेवी पियापुत्तस्स दाराग्गस्स अनुगमग्गजायए चत्तारि पुते सव्वालंकारविभूसिए करेइ करेता भगवद्वाओ गोयमस्स पाएसु पाडेइ पाडेता एवं वयासी-एण भंते मपुते पासह तए णं से भगवं गोवये मियं देविं एवं वयासी-नो खलु देवाणुप्पिये अहं एण तव पुते पासितं हव्यमागए तत्यं जे से तव जेडे पुते पियापुते दारए जाइअंधे जायअंधारुवे जं णं तुमं रहस्यिंसि भूमिधरंसि रहस्यिएणं भत्पाणेणं पदिजागरमाणी-पदिजागरमाणी विहरसि तं णं अहं पासितं हव्यमागए तए णं सा पियादेवी भगवं गोयमं एवं वयासी से के णं गोयमा से तहास्ये नाणी वा तवसी वा जेणं एसमद्दे मम ताव रहसीकए तुव्यं हव्यमकखाए जओ णं तुव्ये जाणह तए णं भगवं गोयमे मियं देविं एवं वयासी एवं खलु देवाणुप्पिये मपु धमायरिए सपणे भगवं महावीरे जाव जओ णं अहं जाणामि जावं च णं पियादेवी भगववा गोयमेणं सदिं पृथमद्दु संलवद्द तावं च णं मियापुत्तस्स दाराग्गस्स पत्तवेला जाया वावि होत्या तए णं सा पियादेवी भगवं गोयमं एवं वयासी-तुव्ये णं भंते इहं देव चिदुह जाणं अहं तुव्यं मियापुत्त दारणं उवदंसेमि ति कदु जेणेव भत्परए तेणेव उवागच्छइ उवागच्छिता वस्यपरियहृवं करेइ करेता कद्गसगडियं गिणहइ गिजिता विउलस्स असण-पाण-खाइम-साइमस्स भरेइ भरेता तं कद्गसगडियं अनुकड्दमाणी-अनुकड्दमाणी जेमेव भूमिधरए तेणेव उवागच्छइ उवागच्छिता भगवं गोयमं एवं वयासी-एण भंते तुव्ये मए सदिं अनुगच्छह जाणं अहं तुव्यं मियापुत्त दारणं उवदंसेमि तए णं से भगवं गोयमे मियं देवे पिहुओ समणुगच्छइ तए णं सा पियादेवी तं कद्गसगडियं अनुकड्दमाणी-अनुकड्दमाणी जेमेव भूमिधरए तेणेव उवागच्छइ उवागच्छिता चउप्पुडेणं वत्येणं मुहं बंधपाणी भगवं गोयमं एवं वयासी तुव्ये विण भंते मुहपोतियाए मुहं बंधह तए णं से भगवं गोयमे पियादेवीए एवं वुते समाणे मुहपोतियाए मुहं बंधेइ तए णं सा पियादेवी परंमुही भूमिधरस्स दुवारं विहाडेइ तए णं गंधे निगच्छइ से जहानामए-अहिमडे इ वा [गोमडे इ वा सुणहमडे इ वा मञ्जारमडे इ वा पणुस्समडे इ वा महिसमडे इ वा मूसगमडे इ वा आसपडे इ वा हत्यिमडे इ वा सीहमडे इ वा वाप्पमडे इ वा विगमडे इ वा दीविगमडे इ वा मथ-कुहिय-विणह-दुरभिवावण-दुविमंगंधे किमिजालाउल-संसत्ते असुइ-विलीण-विगय-यीभत्सदरिसणिझे भवेयास्त्रवे सिया नो इण्डे समडे एत्तो अणिहृतराए देव अकंताराए देव अणियतराए देव अमणुण्णतराए देव अमणापत्तराए देव] गंधे पत्रते तए णं से मियापुते दारए तस्स विउलस्स असण-पाण-खाइम-साइमस्स गंधेणं अभिभूए समाणे तंसि विउलंसि असण-जाव मुचिए गढ़े गिहे अञ्जोववरणे तं विउलं असण-जाव आसएणं आहोरेइ आहोरेता खिप्पामेव विद्धुसेता तओ पच्छा पूत्ताए य सोणियत्ताए य पारिणामेइ तं पि य णं पूयं च सोणियं च आहोरेइ तए णं भगवओ गोयपस्स तं मियापुत्त दारणं पासिता अवभेयास्त्रवे अञ्जात्यिए विंतिए कप्पिए पत्तिए मणोगए संकप्पे समुप्पत्तिया-अहो णं इमे दारए पुरा पोराणाणं

विवागसुं - १/१/६

दुष्टिष्णाणं दुष्पिक्ककंताणं असुभाणं पावाणं कडाणं कम्माणं पावगं फलवितिविसेसं पद्यणुभव-
पाणे विहारू न मे दिद्वा नरगा वा नेरइया वा पचकखं खलु अयं पुछसे निरयपडिलवियं वेयणं वेदिति
ति कहु भियं देवि आपुच्छइ आपुच्छित्ता मियाए देवीए गिहाओ पडिनिकखमइ पडिनिकखमित्ता
मियगामं नयरं मज्जांमज्जेणं निगच्छइ निगच्छित्ता जेणेव समणे भगवं महावीरं तेणेव उवागच्छइ
उवागच्छित्ता समणे भगवं महावीरं तिक्खुत्तो आयाहिण-पयाहिणं करेइ करेता वंदइ नमंसइ वंदिता
नमंसित्ता एवं वयासी-एवं खलु अहं तुध्येहि अथवण्णाए समाणे मियगामं नयरं मज्जांमज्जेणं
अनुपविसामि जेणेव मियाए देवीए गिहे तेणेव उवागए तए णं सा मियदेवी ममं एज्ञमाणं पासइ
पासित्ता हृष्टा तं चेव सत्वं जाव पूर्वं च सेमियं च आहोइ तए णं मम एमेयाहुवे अज्ञस्तिए जाव
संकर्षे समुप्तिरित्या-अहो णं इमे दारए पुरा जाव विहारू ॥४-४॥

(७) से णं भंते पुरिसे पुत्रभवे के आसि कि नामए वा कि गोत्ते वा कपरंसि गामंसि वा
नयरंसि वा कि वा दद्या कि वा भोद्या कि वा समायरिता कोसिं वा पुरा [पोराणाणं जाव पद्यणु-
भवमाणे] विहारू गोयभाइ समणे भगवं महावीरे भगवं गोयमं एवं वयासी-एवं खलु गोयमा तेणं
कालेणं तेमं समएणं इहेव जंवुदीवे दीवे भारहे वासे सयदुवारे नामं नयरे होत्या-रिद्धत्यिमियसमिद्दे
बण्णओ तत्थं णं सयदुवारे नयरे धणवई नामं राया होत्या-बण्णओ तस्स णं सयदुवारस्स नयरस्स
अदूरसापंते दाहिणपुरियमें दिसीभाए विजयवद्धमाणे नामं खेडे होत्या-रिद्धत्यिमियसमिद्दे तस्स
णं विजयवद्धमाणस्स खेडस्स पंच गामसयाइं आभोए यावि होत्या तत्थं णं विजयवद्धमाणे खेडे
एक्काई नामं रहुकूडे होत्या-अहम्निए [अधम्नाणुए अधम्निद्दे अधम्नकडाई अधम्न-
पलज्जेण अधम्नसमुदाचारो अधम्नेण चेव वित्ति कप्पेमाणे दुसर्सिते दुव्वए] दुष्पिक्याणदे से णं
एक्काई रहुकूडे विजयवद्धमाणस्स खेडस्स पंचणहं गामसयाणे आहेवद्यं जाव पालेमाणे विहारू तए
णं से एक्काई रहुकूडे विजयवद्धमाणस्स खेडस्स पंच गामसयाइं वहूहिं करेहि य भरेहि य विद्धीहिय
उक्कोडाहि य परामधेहि य देज्जेहि य भेज्जेहि य कुतेहि य लांजपोसेहि य आलीवणेहि य पंथकोडेहि य
ओवीलेपाणे-ओवीलेमाणे विहम्मेमाणे-विहम्मेमाणे तज्जेमामे तालेमाणे-तालेमाणे निद्धणे
करेमाणे-करेमाणे विहारू तए णं से एक्काई रहुकूडे विजयवद्धमाणस्स खेडस्स बहूणं राईसर-
[तलवर-माडविय-कोडुविय-इव्य-सेड्ड-सेणावइ]-सत्यवा-हाणं अणोसिं च बहूणं गामेल्लग-पुरि-
साणं बहूसु कज्जेमु य कारणेसु य मंतेसु य गुञ्जएसु य निच्छएसु य ववहारेसु य मुनमाणे भणहइ न
सुणेमि अमुनमाणे भणइ सुणेमि एवं पस्समाणे भासमाणे, गिणहमाणे जाणमाणे वि तए णं से
एक्काई रहुकूडे एयकम्ने एयपहणे एयविज्जे एयं समायरे सुबहुं पावकम्नं कलिकलुसं समज्जिण-
पाणे विहारू तए णं तस्स एक्काइस्त रहुकूडस्स अण्णया कयाइ सरीरगंसी जमगासमगमेव सोलस
रोगायंका पाउद्यूया [तं जहा] - १५-१ १५-१

(c) सासे कासे जरे दाहे कुचिष्ठुले भगंदले
अरिसा अजीरए दिढ्डी-मुळ्डुले अकारए
अच्छिवेयणा कण्णवेयणा कंडू उदरे कोढे

॥२॥-२

(१) तए णं से एक्काई रहुकूडे सोलसहि रोगायंकेहि अभिसूए समाणे कोडुवियपुरिसे
रहावेइ सद्वेत्ता एवं वयासी-गव्यह णं तुध्ये देवाणुप्पिया विजयवद्धमाणे खेडे सिंधाडग-तिग-
चउक्क-चद्वर-चउम्हु-महापहेसु महया-भहया सद्वेण उधोसेमाणा-उधोसेमाणा एवं वयह-

सुप्रकृत्यांशो-१, अन्तर्यामी-१

५

इह खलु देवाण्यिया एककाइस्स रुक्कूडस्स सरीरगांसि सोलस रोगायंका पाउव्यूया तं जहा-सासे जाव कोडेतं जो णं इच्छादेवाण्यिया वेज्ञो वा वेज्ञुतो वा जाणुयपुतो वा तेगिच्छिओ वा तेगिच्छियपुतो वा एककाइस्स रुक्कूडस्स तेसि सोलसण्हं रोगायंकाणं एगमवि रोगायंकउव-सामिताएतसा णं एककाई-रुक्कूडे विउलं अत्यसंपयाणं दलयइ दोद्यं पि तद्यं पि उपोसेह उग्नोसेता एयमाणतिवं पद्याप्यिणह तए णं ते कोडुविवपुरिसा जाव तमाणतियं पद्याप्यिणति तए णं विजयवद्धमाणे खेडे इमं एयमर्लं उपोसेणं सोच्चा निसम्ब बहवे वेज्ञा य वेज्ञुपुता य जाणुया य जाणुयपुता य तेगिच्छिया य तेगिच्छियपुता य सत्थकोसहत्थगवा साएहि-साएहि गिहेहिंतो पडिनि-कवमंति पडिनिकवमिता विजयवद्धमाणस्स खेडस्स मन्दांपञ्जेण जेपेव एककाई-रुक्कूडस्स गिहे तेपेव उवागच्छति उवागच्छिता एककाई-रुक्कूडस्स सरीरगं परामुसंति परामुसिता तेसि रोगायं-काणं निदाणं पुच्छति पुच्छिता एककाई-रुक्कूडस्स बहूहि अभ्यंगेहि य उव्यद्वाणाहि य सिणेहपाणेहि य वमणेहि य विरेवणहि य सेयणेहि य अवद्वाणाहि य अवण्हाणेहि य अनुवाशाणाहि य वत्थिकम्भेहि य निरुलेहि य सिरावेहेहि य तच्छणेहि य पच्छणेहि य सिरवर्तीहि य तप्पणाहि य पुडपागेहि य छक्षिहि य वल्लीहि य मूलेहि य कदेहि य पत्तेहि य पुफेहि व फलेहि य दीएहि य सिलियाहि य गुलियाहि य ओसहेहि य भेसज्जेहि य इच्छंते तेसि सोलसण्हं रोगायंकाणं एगमवि रोगायंक उवसामिते नो चेव णं संचारंति उवसामिताए तए णं ते वहवे वेज्ञा य जाव तेगिच्छपुता य जाहे नो संचारंति तेसि सोलसण्हं रोगायंकाणं एगमवि रोगायंक उवसामिताए ताहे संता तंता परितंता जामेव दिसं पाउव्यूया तानेव दिसं पडिगवा तए णं एककाई-रुक्कूडे वेज्ञ-पडियाइकिखए परिवार-गपरिवते निविण्णोसहभेसज्जे सोलसरोगायंकेहि अभिभूए समाणे ऋग्ने व रह्ये व [कोसे व कोडुगारे य वले य वाहणे य पुरो य] अंतउरे य मुच्छिए गद्धिए गिर्द्धे अन्ज्ञोववणे ऋग्नं व जाव आसाएमाणे परथेनाणे पीहेमाणे अभिलसमाणे अद्वदुहड्वसहे अइदाइज्ञाइ वाससवाइं परमाउ पालइता कालमासे कालं किद्या इमीसे रथणप्थभाए पुद्वीरे उक्कोसेण सागरोवमद्विइपु नेतइएसु ने-रद्यताए उववणे से णं तओ अनंतरं उव्यद्विता इहेव मियागामे नयरे विजयस्स खत्तियस्स मियाएदेवीए कुचिंचिसि पुत्तताए उववणे तए णं तीसे मियए देवीए सरीरे वेयणा पाउव्यूया उज्जला [विउला कक्कसा पगाढा चंडा दुक्खा तिव्वा] दुरहियासा जप्पभिइं च णं मियापुते दारए मियाए देवीए कुचिंचिसगव्यत्ताए उववणे तप्पभिइं च णं मियादेवि विजयस्स खत्तियस्स अणिद्वा अकंता अप्यिया अमणुण्णा अमणामा जाया यावि होत्था तए णं तीसे मियए देवीए अणिया कपाइ पुव्य-रत्तावरतकालसमयंसि कुदुंकजागरियाए जागरमाणीए इमे एयास्वे अन्ज्ञत्यिए जाव संकपे समुप्तन्ने-एवं खलु अहं विजयस्स खत्तियस्स पुच्छ इडा जाव धेज्ञा वेसासिया अणुमया आसि जप्पभिइं च णं मम इमे गव्य कुचिंचिसि गव्यत्ताए उववणे तप्पभिइं च णं अहं विजयस्स खत्तियस्स अणिद्वा जाव जाया यावि होत्था नेच्छइ णं विजए खत्तिए मप नामं वा गोयं वा गिहिताए किमंग पुण दंसणं वा परिभोगं वा तं सेयं खलु मप एयं गव्यं बहूहि गव्यसाडणाहि य पाडणाहि य गालणाहि य माणाहि य साडिताए वा पाडिताए वा गालिताए वा मारिताए-वा-एवं संपेहेइ संपेहेता बहूणि खाराणि य कदुयाणि य तूवराणि य गव्यसाडणाणि य जाव खायमाणि या पियमाणी य इच्छइ तं गद्यं साडिताए वा जाव मारिताए वा नो चेव णं से गव्ये सड़ वा पड़ वा गलइ वा मर्द वा तए णं सा मियादेवी जाहे नो संचाएइ तं गद्यं साडिताए वा जाव मारिताए वा ताहे संता तंता परितंता

अकामिया अस्तयंवसा तं गव्यं दुहुरेण परिवहइ तस्स णं दारगस्स गव्यायस्स चेव अद्व नालीओ अविंतरप्पवहाओ अद्व नालीओ बाहिरप्पवाहाओ अद्व पूयप्पवहाओ अद्व सोणियप्पवहाओ दुवे दुवे कण्णतेरेसु दुवे दुवे अचिअंतरेसु दुवे दुवे अचिअंतरेसु दुवे दुवे धमणिअंतरेसु अभिक्खुण-अभिक्खुणं पूयं च सोणियं च परिसवमाणीओ-परिसवमाणीओ चेव चिंडति तस्स णं दारगस्स गव्यायस्स चेव अग्निए नाम वाही पाउब्बृए जे णं से दारए आहारेइ से णं खिष्पामेव विद्धुन्स-मागच्छइ पुयताए सोणियताए य परिणमइ तं पिय से पूयं च सोणियं च आहारेइ ताए णं सामियादेवी अण्णया कयाइ नवण्णं मासाणं चहुपडिपुत्राणं दारगं पवाया-ज्ञातिअंधे जाव आगितिमेते ताए णं सा मियादेवी तं दारगं हुंडं अंधरूवं पासइ पासिता भीया तथ्या तसिया उव्विण्णा संजायभया अम्बधाइं सदावेइ सदावेता एवं वयासी-गच्छह णं देवाणुप्पिया तुमं एयं दारगं एगंते उक्किरुडियाए उज्ज्ञाहि ताए णं सा अम्बधाई मियादेवीए तहति एयमद्व पडिसुणोइ पडिसुणेता जेणेव विजाए खतिए तेणेव उवागच्छइ उवागच्छिता करयलपरिग्गहियं सिरसावत्तं भत्यए अंजलिं कङ्कु एवं वयासी-एवं खलु सामी मियादेवी नवण्णं मासाणं जाव आगितिमेते ताए णं सा मियादेवी तं दारगं हुंडं अंधरूवं पासइ पासिता भीया तथ्या तसिया उव्विण्णा संजायभया ममं सदावेइ सदावेता एवं वयासी-गच्छह णं तुमं देवाणुप्पिया एयं दारगं एगंते उक्कुरुडियाए उज्ज्ञाहि तं संदिसह णं सामी तं दारगं अहं एगंते उज्ज्ञामि उदाहुमा ताए णं से विजाए खतिए तीसे अम्बधाईए अंतिए एयमद्व सोद्धा तहेव संभंते उद्वाए उद्वेइ उद्वेता जेणेव मियादेवी तेणेव उवागच्छइ उवागच्छिता मियं देविं एवं वयासी-देवाणुप्पिए तुव्यं पढेपे गव्ये तं जडिणं तुमं एयं एगंते उक्कुरुडियाए उज्ज्ञसितो णं तुव्यं पव्या नो थिरा भविस्सइ तो णं तुमं एयं दारगं रहस्तिथांसि भूमिधरंसि रहस्तिएनं मत्तपाणीए पडिजागरमाणीपडिजागरमा-णी विहराहि तो णं तुव्यं पव्या थिरा भविस्सइ ताए णं सा मियादेवी विजयस्स खतियस्स तह ति एयमद्व विएणं पडिसुणोइ पडिसुणेता तं दारगं रहस्तियंसि भूमिधरंसि जाव विहरइ एवं खलु गोयमा मियापुते दारए पुरा पोराणाणं जाव पच्छुभवमाणे विहरइ।५।-८

(१०) मियापुते णं भंते दारए इओ कालमासे कालं किद्या कहिं गमिहिइ कहिं उववजिहिइ गोयमा मियापुते दारए छव्वीसं वासाईं परमार्दं पालइत्ता कालमासे कालं किद्या इहेव जंबुद्धीवे दीवे खाढे वासे वेयद्विगिरिपावयमूले सीहकुलंसि सीहत्ताए पद्मायाहिइ से णं तत्य सीहे भविस्सइ-अहम्पिए [वहुनगरनिग्यजसे सूरे दद्धप्पहारी] साहसिए सुबहुं पावं [कम्सं कलिकलुसं] समत्रिणइ समत्रिणिता कालमासे कालं किद्या इमीसे रयणप्पभाए पुढबीए उक्कोक्ससागरोवमडिएसु [नेइ-एसु नेरइयताए] उववजिहिइ से णं तओ अनंतरं उववजित्ता सिरीसवेसु उववजिहिइ तत्य णं कालं किद्या दोद्ध्याए पुढबीए उक्कोक्सेण तिण्णि सागरोवमं से णं तओ अनंतरं उव्वजित्ता पक्खीसु उववजिजिहिइ तत्य वि कालं किद्या तद्याए पुढबीए सत्त सागरोवम से णं तओ सीहेसु तयाणंतरं चउत्त्याए उरगो पंचमीए इत्तीओ छट्टीए मणुओ अहेसत्तमाए तओ अनंतरं उव्वजित्ता से जाइइमाइं जलयरपंचिदियतितिक्ख- जोणियाणं मच्छ-कच्छभ-गाहमगर-सुंसुपाराईणं अइद्वतेरस जाइकुल-कोडिजोणिपमुहसयसहस्साइं तत्य णं एगमेंसि जोणिविहाणंसि अनेगसयसहस्रखुतो उद्वाइता-उद्वाइता तत्येव भुज्ञो-भुज्ञो पद्मायाइस्सइ से णं तओ अनंतरं उव्वजित्ता चउपएसु उरपरिसप्पेसु भुयपरिसप्पेसु खहयेसु घरतिदिएसु तेईंदिएसु बेईंदिएसु वणफङ्क-कदुयरुक्खेसु कदुयुद्धिएसु दाउ-तेउ-आउ-पुर्वीसु अनेगसयसहस्रखुतो से णं तओ अनंतरं उव्वजित्ता सुपइपुरे नयरे

सुप्रकृत्यं-१, अन्नवर्णं-१

गोणत्ताए पद्मावाहिनी से एं तत्य उम्मुकबालभावे अण्णामा कयाइ पदमाउसंसि गंगाए महानईए खलीणमहिंय खंणमाणे तडीए पेक्षिए समाणे कालगए तत्येव सुपइडपुरो नवरे सेंडिकुलंसि पुतात्ताए पद्मावाइस्सइ से एं तत्य उम्मुक्क [बालभावे विण्णय-परिणयमेतो] जोव्वणगमण्णुपत्ते तहारुवाण थेराण अंतिए धम्मं सोद्दा निसम्म मुंडे भविता अगाराओ अण्णारियं पव्वइस्सइ से एं तत्य अण्णारे भविस्सइ-इरियासमिए जाव बंभपारी से एं तत्य यहूं वासाई सामण्णपरियां पातणिता आलोइय-पडिक्ककंते समाहिपत्ते कालमासे कालं किच्चा सोहमे कप्पे देवत्ताए उच्चविहिनी से एं तत्तो अनंतरं चयं दक्ष्ता महाविदेहे वासे जाइ कुलाई घवत्ते-अझदाई अपरिभूयाईं तहप्पगारेसु कुलेसु पुमत्ताए पद्मावाहिति जहा दढपण्णे जाव सिजिहिन्द वुजिहिन्द मुद्दिहिन्द परिणिव्वाहिन्द सव्व-दुक्खाणमंतं काहिन्द एवं खलु जंवू समणेण भगवद्या महावीरेणं जाव संपत्तेण दुहिदिवागाणं पठमस्स अन्नवर्णास्स अयमद्दे पत्रते तिवेसि।१-७

● पदमे सुप्रकृत्यं धर्मं अन्नवर्णं सपतं ●

-ः बी धं अ ज्ञ य णं-उ ज्ञि य ए :-

(१) जद् णं भंते समणेण भगवद्या महावीरेणं जाव संपत्तेण दुहिदिवागाणं पठमस्स अन्नवर्णास्स अयमद्दे पत्रते दोद्यास्स पं भंते अन्नवर्णास्स समणेण भगवद्या महावीरेण के अद्दे पत्रते तए णं से सुहम्मे अणगारे जंवू-अणगारं एवं व्यासी-एवं खलु जंवू तेणं कालेणं तेणं समएणं वाणियगामे नामं नवरे होत्था-रिद्धियनियसमिद्दे तस्स पं वाणियामस्स उत्तरपुरात्यिमे दिसीभाए दूपलासे नामं उज्जाए होत्था तत्य णं दूपलासे सुहम्मस्स जक्खस्स जक्खाययणे होत्था तत्य णं वाणियगामे नवरे पिते नामं राया होत्था-व्यणओ तस्स पं पित्तस्स रण्णो सिरी नामं देवी होत्था-व्यणओ तत्य णं वाणियगामे कामन्ज्ञया नामं गणिया होत्था-अहीण-जाव सुरुवा बावत्तरिकला-पंडिया चउसद्विगणियागुणोवदेया एगूणतीसविसेसे रममाणी एक्कवीसाइगुणप्पहाणा बत्तीसपु-रिसोवद्यारकुसला नवंगसुतपिडिवोहिया अड्वारसदेसी-भासाविसारवा सिंगारागारचारुवेसा गीयर-इंगथव्यणष्टुकुसला संगय-गय-जाव] सुंदरवर्ण-जाव] ऊसियन्नया सहस्सलंभा विदिणिछत्तच्छ-मर-दालवीर्यणीया कण्णिरहप्पयावा यावि होत्था वहूं गणियासहस्साणं आहेवद्यं जाव विहरइ

।१-८

(२) तत्य णं वाणियगामे विजयमिते नामं सत्थवाहे परिवसइ-अझदे तस्स पं विजयमि-तस्स सुभद्रा नामं भारिया होत्था तस्स णं विजयमित्तस्स पुत्ते सुभद्राए भारियाए अत्तए उज्जियए नामं दारए होत्था-अहीण-जाव सुरुवे तेणं कालेणं तेणं समएणं समणे भगवं महावीरे समोसदे परिसा निग्याया राया निग्यओ जहा कूणीओ निग्यओ धम्मो कहिओ परिसा पडिग्या राया य गओ तेणं कालेणं तेणं समएणं समणस्स भगवओ महावीरस्स जेहे अंतेवासी इंद्रमूर्द नामं अणगारे गीयमगोत्तेणं जाव संखितविउलतेयलेसे छटुछट्टेणं |अनिक्षितेणं तवोकम्मे मं संजमेमं तवसा अणाणं भावेमाणे विहरइ तए णं भगवं गोयमे छटुक्खमणपारणगंसि पठमाए पोरिसीए सज्जायं कोइ वीयाए पोरिसीए झाणं झियाईं तइयाए पोरिसीए अतुरिय-मध्यवलमसंभंते मुहग्रोतियं पडिले-हेइ पडिलेहेता भायणवत्याईं पडिलेहेइ पडेलेहेता भायणाईं पमञ्जइ पमञ्जिता भायणाईं उगणहेइ उगाहेता जेणेव समणे भगवं महावीरे तेणेव उवागच्छइ उवागच्छित्ता समणं भगवं महावीरं वंदइ नमंसइ वंदिता नमंसित्ता एवं व्यासी-इच्छापि णं भंते तुम्भेहिं अवध्यणुण्णाए समाये छटुक्खमण-

पारणांसि वाणियगमे नयरे उद्य-नीय-मञ्जिमाइं कुलाइं धरसमुदाणस्स भिक्खायरियाए अडित्यए
अहासुहं देवाणुष्पिया मा पडिबंधं तए ण भगव गोयमे] जेणेव वाणियगमे नयरे तेणेव उवागच्छ
उवागच्छिता वाणियगमे नयरे उद्य-नीय-मञ्जिमाइं कुलाइं धरसमुदाणं भिक्खायरियाए अडपाणे
जेणेव रायगमाणे तेणेव ओगाढे तत्य णं वहवे हर्ती पासइ-सण्णद्ध-बद्धवभिय-गुडिए उपीलिय-
कच्छे उद्यमियघंटे नाणामणिरथण-विविह-गेवेज्ञाउत्तरकंचुइज्ञे पडिकप्पिए झयपडागवर-पंचामेल-
आरुढहत्यारोहे गहियाउहप्पहरणे अण्णे य तत्य वहवे आसे पासइ-सण्णद्ध-बद्धवभिय-गडिए
आविद्युडे ओसारियपक्खरे उत्तरकंचुइ-ओचूलामुहचंदाधर-धामर-यासग-परिमंडिय कडीए
आरुढअस्सारोहे गहियाउहप्पहरणे अण्णे य तत्य वहवे पुरिसे पासइ-सण्णद्ध-बद्धवभियकवए
उपीलियसराणपट्टीए पिण्डगेवेज्ञे विमलवरबद्ध-विषपट्टे गहियाउहप्पहरणे तेसि चणं पुरिसाणं
पञ्जगवं एं पुरिसं पासइ अवद्वोडयवंधणं उक्खितं कण्णनासं नेहतुष्पियगातं वञ्जपाणपीयं
तिलं-तिलं चेव छिज्ञमाणं कागणिपंसाइं खावियंतं पावं खक्खरसएहि हम्ममाणं अनेगनर-नारी-
संपरिवुं चच्चरे-चच्चरे खंडपडहएणं उद्घोसिज्ञमाणं इमं च णं एवारुवं उग्धोसणं सुणेइ-नो खनु
देवाणुष्पिया उञ्जियगस्स दारगस्स कैइ राया वा रायपुत्रो वा अवरञ्जइ अप्पणो से सपाइं कम्माइ
अवरञ्जति। १५७

(१३) तए णं भगवओ गोयमस्स तं पुरिसं पासित्ता अथमेयारुवे अञ्जस्तिए चिंतिए कष्टिए
पत्तिए मणोगए संकष्टे समुष्पश्चित्या अहो णं इमे पुरिसे पुरा [पोराणाणं दुद्धिणाणं दुप्पडिक्कताणं
असुभाणं पावाणं कडाणं कम्माणं पावगं फलवित्तिविसेसं पद्मणुभवमाणे विहरइ न मे दिव्वा नरगा वा
नेहद्या वा पद्मक्खयं खलु अयं पुरिसे] निरयपडिस्त्वयिं वेयणं वेएइ ति कद्गु वाणियगमे नयरे उद्य-
नीय-मञ्जिम-कुलाइं अडमाणे अहापञ्चतं समुदाणं गिणहइ गिणहिता वाणियगमे नयरे मञ्जं-
मञ्जेणं पडिनिक्खमइ जाव पडिदंसेइ पडेदंसेता समर्णं भगवं महावीरं वंदइ नमंसइ वंदिता
नमंसिता एवं वयासी एवं खलु अहं भंते तुव्वेहि अब्धुष्णणाए समाणे वाणियगमे नयरे जाव तहेय
सव्यं निवेएइ से णं भंते पुरिसे पुव्वभवे के आसि जाव पद्मणुभवमाणे विहरइ एवं खलु गोयमा तेणं
कालेणं तेणं समएणं इहेव जंयुद्धीवे दीवे भारहे वासे हत्थिणाउरे नामं नयरे होत्या-रिद्धत्य-
मियसमिद्धे तत्य णं हत्थिणाउरे नयरे सुनंदे नामं राया होत्या-महया- हिमदंत-महत-पत्तय-मंदर-
महिंदसारे तत्य णं हत्थिणाउरे नयरे बहुमञ्जदेसभाए एत्य णं महं एगे गोमंडवे होत्या-अणेगखं-
भसयसंनिविडे पासाईए दरिसणिज्ञे अभिस्त्वे पडिस्त्वे तत्य णं वहवे नगरगोरुवा सणाहाय अणाहा
य नगरगावीओ य नगरत्वीवहा य नगरपट्टियाओ य नगरवसभा य पउरतण-पाणिया निव्यया
निलच्छिणा सुहंसुहेणं परिवसंति तत्य णं हत्थिणाउरे नयरे भीमे नामं कूडगाहे होत्या-अहम्भिए
जाव दुष्पडियाणदे तस्स णं भीमस्स कूडगाहस्स उप्पला नामं भारिया होत्या-अहीण-पडिपुत्र-
पंचिंदियसरीरा तए णं सा उप्पला कूडगाहिर्मा अण्णदा कवाइ आवण्णसत्ता जाया यावि होत्या तए
णं तीसे उप्पलाए कूडगाहाणीए तिहं पासाणं वहुपडिपुत्राणं अयमेयारुवे दोहले पाउव्वूए-धण्णा-
ओ णं ताओ अम्याओ [संपुण्णाओ णं ताओ अम्याओ कवत्याओ णं ताओ अम्याओ कवपुत्रा-
ओ णं ताओ अम्याओ कयलक्खणाओ णं ताओ अम्याओ कव-विहवाओ णं ताओ अम्याओ कवपुत्रा-
सुलझ्ने णं तासि माणुस्सए जम्मजीवियफले] जाओ णं बहूणं नगरगोरुवाणं सणाहाण य जाव
वसभाण य ऊहेहि य थणोहि य वसणोहि य क्लेष्याहि य कुहेहि य वहेहि य कणोहि य अचीहि य

नासाहि य जिक्षाहि य ओङ्केहि य कंवलोहि य सोङ्केहि य तत्त्वाहि य भञ्जिएहि य परिसुक्केहि य लावणोहि य सुरं च महुं च मेरां च जाइं च सीधुं च पसण्णं च आसाएमाणीओ वीसाएमाणीओ परिभाएमाणीओ परिभुजेमाणीओ दोहलं विषेति तं जइं पं अहमवि बहूर्णं नगर जाव विषिज्ञापि ति कदु तंसि दोहलंसि अविषिज्ञामाणंसि सुक्का भुक्खा निम्नसा ओलुगा ओलुगसीरा नित्येया दीणविमणवयणा पंडुब्लृद्यमुही ओमंथिय-नयणवदणकमला जहोइयं पुष्फ-वत्य-गंध-मलालंकारा-हारं अपरिभुजेमाणी करवलमलियव्य कमलमाला ओहय [मणसंकप्या करतलपल्हथमुही अहृ-ज्ञाणोवगया भूमिगयदिर्द्वीया झियाइ इंपं च णं धीमे कूडगाहे जेणेव उपला कूडगाहिणी तेणेव उवागच्छ उवागच्छित्ता ओहय जाव पासइ पासित्ता एवं वयासी-कि पं तुमं देवाणुप्यिए ओहय जाव झियासि तएं सा उपला भारिया धीमं कूडगाहं एवं वयासी-एवं खलुदेवाणुप्यिया ममं तिष्ठं नासाणं बहुपडिपुन्नाणं दोहले पाउव्यौ-धण्णाओ णं ताओ अम्ययाओ तासि मणुस्सए जम्बी-वियफले जाओ णं वहूर्णं नगरगोरुवाणं जाव लावणोहि य सुरं च महुं च मेरां च जाइं च सीधुं च पसण्णं च आसाएमाणीओ वीसाएमाणीओ परिभाएमाणीओ परिभुजेमाणीओ दोहलं विषेति तएं पं अहं देवाणुप्यिया तंसि दोहलंसि अविषिज्ञामाणंसि [सुक्का भुक्खा निम्नसा ओलुगा ओलुगसीरा नित्येया दीणविमणवयणा पंडुब्लृद्यमुही ओमंथिय-नयणवदणकमला जहोइयं पुष्फ-वत्य-गंध-मलालंकारहारं अपरिभुजेमाणी करवलमलियव्य कमलमासा ओहयमणसंकप्या करतल-पल्हथमुही अहृज्ञाणोवगया भूमिगयदिर्द्वीया] झियापि तएं से धीमे कूडगाहे उपलं भारियं एवं वयासी-मा णं तुमं देवाणुप्यिया ओहय [मणसंकप्या करतलपल्हथमुही अहृज्ञाणोवगया भूमिग-यदिर्द्वीया] झियाहि अहं पं तहा करिसामि जहा पं तव दोहलस्स संपत्ती भविस्सइ-ताहि इद्वाहि कंताहि पियाहि मणुण्णाहि मणामाहि वगूहिं समासासेइ तएं पं से धीमे कूडगाहे अदुरत्तकाल-सपवंसि एगे अर्वाए सण्णद्व-वन्दुवम्बियकवए उपीलियसरासणपट्टीए पिण्डुगोवेज्ञे विमल-वरवद्व-चिंधपट्टे गहिया उह] प्परहणे साओ गिहाओ निगच्छ निगच्छित्ता हत्यिणाउरं नयरं-मण्मंसज्जेणं जेणेव गोमंडवे तेणेव उवागए वहूर्णं नगरगोरुवाणं वसभाण य-अप्पेगइयाणं ऊहे छिद्दि [अप्पेगइयाणं थणे छिद्दि अप्पेगइयाणं वसणे छिद्दि अप्पेगइयाणं छेप्या छिद्दि अप्पेगइयाणं ककुहे छिद्दि अप्पेगइयाणं जिक्षा छिद्दि अप्पेगइयाणं ओङ्के छिद्दि] अप्पेगइयाणं कवलए छिद्दि अप्पेगइयाणं अण्णमण्णाइं अयोवंगाइं वियंगेइ वियंगेत्ता जेणेव सए गिहे तेणेव उवागच्छ उवागच्छित्ता उपलाए कूडगाहिणीए उवणोइ तएं पं सा उपला भारिया तेहि बहूहिं गोमंसेहि सोङ्केहि य तत्तिएहि य भञ्जिएहि य परिसुक्के हिय य लावणोहि य जाव तं दोहलं विषेइ तएं पं सा उपला कूडगाहिणी संपुण्णदोहला संमाणियदोहला विच्छिण्णदोहला संपन्नदोहला तं गत्यं सुंहसुहेणं परिवहृ। ११-१०

(१४) तएं सा उपला कूडगाहिणी अण्णया कवाइ नवणहं मासाणं बहुपडिपुन्नाणं दारणं पवाया तएं पं तेणं दारेणं जायेमेतेणं चेव महया-महया चिद्यी सदेणं विघुडे विस्सरे आरसिए तएं पं तस्स दारगस्स आरसियसद्वं सोद्वा निसम्भ हत्यिणाउरे नयरे वहवे नगरगोरुवा जाव वसभा य भीया तत्या तसिया उच्चिगा संजायभया सव्वओ समंता विपलाइत्या तएं पं तस्स दारगस्स अम्मापियरो अयमेवारुवं नामधेज्ञं क्रेति-जहा पं अहं- इमेणं दारएणं जायमेतेणं चेव महया-महया चिद्यी-सदेणं विघुडे विस्सरे आरसिए तएं एवत्स दारगस्स आरसियसद्वं सोद्वा निसम्भ हत्यिणाउरे नयरे

बहवे नगरगोरुवा जाव भीया तत्था तसिया उव्विणा संजायभया सव्वओ समंता विपलाइत्या तम्हा पं होउ अर्हं दारए गोत्तासे नमेणं तए णं से गोत्तासे दारए उभुक्कवालभावे जाए यावि होत्या तए पं से भीमे कूडग्गाहे अण्णया कयाइ कालधम्मुणा संजुते तए णं से गोत्तासे दारए वहूं मित नाइ-नियग-सयण-संवंधि-परियणेण सँद्हि संपरिवुडे रोयमाणे कंदमाणे विलवमाणे भीमस्स कूड-ग्गाहस्स नीहरणं करेइ करेता बहूं लोयमयकिद्याइं करेइ तए णं से सुनंदे राया गोत्तासे दारयं अण्णया कयाइ सयमेव कूडग्गाहत्ताए ठवेइ तए णं से गोत्तासे दारए कूडग्गाहे जाए यावि होत्या-अहम्पिए जाव दुष्पिण्याणदे तए णं से गोत्तासे कूडग्गाहे कलाकिं अद्वरत्तकालसमयंसि एगे अबीए सण्णद्व-यद्वयम्पियकवए जाव गहियाउह्यहरणे साओ गिहाओ निजाइ निजाइता जेणेव गोमंडवे तेणेव उवागच्छइ उवागच्छित्ता वहूं नगरगोरुवाणं सणाहाण य अणाहाण य जाव वियंगेइ वियंगेता जेणेव सए गेहे तेषेव उवागए तए णं से गोत्तासे कूडग्गाहे तेहि बहूं गोमंसेहि सोल्लेहि च तलिएहि य भजियहि य परिसुक्ककेहि य लावणेहि य सुरं च जाव परिमुंजेमाणे विहरइ तए पं से गोत्तासे कूडग्गाहे एपकम्भे एम्पणाणे एयविज्ञे एयवसमायारे सुबहुं पावकभं समज्ञिणिता पंचवाससयाई परमाऊं पालइता अद्वुह्डोवगए कालमासे कालं किद्या दोन्नाए पुढवीए उक्कोंसं तिसागरोवमठिईसु नेरएपु नेरइत्याए उववण्णे ।१०।-१।

(१५) तए ण सा विजयमित्तस्स सत्थवाहस्स सुभद्रा नामं भारिया जायनिदुवा यावि होत्या-जाया-जाया दारगा विणिहायमावङ्गांति तए णं से गोत्तासे कूडग्गाहे दोन्नाए पुढवीए अनंतरं उव्विट्टा इहेव दाणियामे नयरे विजयमित्तस्स सत्थवाहस्स सुभद्राए भारियाए कुचिंचिसि पुत्तताए उववण्णे तए णं सा युभद्रा सत्थवाही अण्णया कयाइ नवणं मासामं वहुपडिपुत्राणं दारं पयाया तए णं सा सुभद्रा सत्थवाही तं दारगं जायमेरायं देव एगंते उक्कुरुडियाए उन्नावेइ उन्नावेता दोन्नं पि गिणहवेइ गिणहवेता अनुपुव्वेणं सारक्खमाणी संगविडेइ तए णं तस्स दारगस्स अम्पणायिरो ठिवडियं च चंदसूरदंसणं च जागरियं च महया इड्ढीसक्कारसमुदाएं कर्तीत तए णं तस्स दारगस्स अम्पायिरो एक्कारसमे दिवसे निवत्ते संपते यारसाहे अयमेयास्त्रवं गोणं गुणनिष्फणं नापधेझं कर्तीत-जन्मा णं अर्हं इमे दारए जायमेत्तए चेव एगंते अक्कुरुडियाए उन्निए तम्हा पं होउ अर्हं दारए उन्निए नामेणं तए णं से उन्निए दारए पंचधाईपरिगहिए तं जहा-खीरधाईए मञ्जणधाईए मंडणधाईए कीलावणधाईए अंकधाईए] जहा ददपइणे जाव निव्वायनिव्वाधाय गिरिकंदरमझीणे व्व चंपगपायदे सुहंसुहेणं विहरइ तए णं से विजयमित्ते सत्थहे अनया कयाइ गणिमं च धरिमं च मेज्जं च पारिच्छेझं च-चउव्विं भंडं गहाय लवणसमुहं पोयवह-णेणं उवागए तए णं से विजयमित्ते तत्य लवणसमुद्दोयविवित्यं निबुद्धुभंडसारं कालधम्मुणा संजुतं सुणें-ति ते तहा हत्यनिक्कवेदं च वाहिरभंडसारं च गहाय एगंतं अवक्कमंति तए णं सा सुभद्रा सत्थवाही विजयमित्तं सत्थवाहं लवणसमुद्दोयविवित्यं निबुद्धुभंडसारं कालधम्मुणा संजुतं सुणेइ सुणेता महया पइस-ोएणं अफुणा समाणी परसुनियता इव थपगलवा धस ति धरणीयलंसि सव्वंगिं सत्रिवडिया तए णं सा सुभद्रा सत्थवाही मुहुत्तंतरेण आसत्था समाणी यहूंहि मित-जाव सँद्हि परिवुडा रोयमाणी कंदमाणीविलवमाणी विजयमित्तस्स सत्थवाहस्स लोइयाइं मयकिच्छाइं करेइ ते णं सा सुभद्रा

गुप्तकृत्यां-१, अनुच्छेदाणं-२

१३

सत्यवाही अण्णया कयाइ लवणसमुद्रोतरणं च सत्यविणासं च पोयविणासं च पइमरणं च
अनुचिंतेमाणी-अनुचिंतेमाणी कालधम्मुणा संजुता । ११-१२

(१६) तए ण ते नगरगुप्तिया गुप्तदं सत्यवाहिं कालगर्यं जाणिता उज्जियर्गं दारगं साओ
गिहाओ निव्युभेति निच्युभेता तं गिहं अण्णस्स दलर्यति तए णं से उज्जियए दारए साओ गिहाओ
निच्युद्दे समाणे वाणियगमे नगरे सिंधाडग-जाव पहेसु जूयख- लएसु वेसधरएसु पाणागारेतु य
सुहंसुहेणं परिवड्दइ तए णं से उज्जियए शारए अणोहट्टए अनिवरिए सचउंदमई सइरप्प्यारे मञ्जप्प-
संगी चोर-जूय-वेस-दारप्पसंगी जाए यावि होत्या तए णं से उज्जियए अण्णया कयाइ कामज्ञयाए
गणियाए सद्धि संपलगे जाए यावि होत्या कामज्ञयाए गणिया सद्धि उरालाइं माणुस्सगाइं भोग-
भोगाइं भुजमाणे विहरइ तए णं तस्स मित्तस्स रण्णी अण्णया कयाइ सिरीए देवीए जोणिसूले
पाउव्यूए यावि होत्या नो संचाएइ भित्ते रावा सिरीए देवीए सद्धि उरालाइं माणुस्सगाइं भोगभोगाइं
भुजमाणे विहरित्तए तए णं से मित्ते राया अण्णया कयाइ सिरीए देवीए जोणिसूले पाउव्यूए यावि
होत्या नो संचाएइ भित्ते राया सिरीए देवीए सद्धि उरालाइं माणुस्सगाइं भोगभोगाइं भुजमाणे
विहरित्तए तए णं से मित्ते राया अण्णया कयाइ उज्जियए दारए कामज्ञयाए गणियाए गिहाओ
निच्युभावेइ निच्युभावेता कामज्ञयं गणियं अवितरियं ठवेइ ठवेता कामज्ञयाए गणियाए सद्धि
उरालाइं माणुस्सगाइं भोगभोगाइं भुजमाणे विहरइ तए णं से उज्जियए दारए कामज्ञयाए गणियाए
गिहाओ निच्युभेतामे कामज्ञयाए गणियाए मुच्छिए गिर्द्धे गढिए अञ्जोववण्णे अन्नाथ कट्टइ सुइ
च रइं च घिइं च अविंदमाणे तद्विते तम्मणे तद्वेस्स तदज्ञवासाणे तदद्वोवउते तयप्पियकरणे
तद्वावणा भाविए कामज्ञयाए गणियाए वहूणि अंतराणि य छिद्राणि य पडिजाग-
रमाणे-पडिजागरमाणे विहरइ तए णं से उज्जियए दारए अण्णया कयाइ कामज्ञयाए गणियाए
अंतरं लभेइ लभेता कामज्ञयाए गणियाए गिहं रहसियं अनुप्पविसइ अनुप्पविसिता कामज्ञयाए
गणियाए सद्धि उरालाइं माणुस्सगाइं भोगभोगाइं भुजमाणे विहरइ इमं च णं मित्ते राया एहाए
कयबलिकम्ये कयकोउय-मंगल-पायवित्ते सव्वालंकारविभूसिए मणुस्सवगुरापरिविते जेणेव
कामज्ञयाए गिहे तेणेव उवागच्छइ उवागच्छिता तत्य णं उज्जियर्गं दारगं कामज्ञयाए गणियाए
सद्धि उरालाइं माणुस्सगाइं भोगभोगाइं भुजमाणं पासइ पासिता आरुहुते रुह्ये कुविए चंडिकिक्कए
मिसिमिसेमाणे तिवलि भिउड़े निडाले साहृद्दु उज्जियर्गं दारगं पुरिसेहि गिण्हावेइ गिण्हावेता अड्डे-
मुह्य-ज्ञाण-कोप्पत्पहार-संभग-महियगतं कोइ करेता अवओडग-बंधणं करेइ करेता एण्णं
विहाणेणं वज्ञं आणवेइ एवं खलु गोवमा उज्जियए दारए पुरा विहरइ । १२-१३

(१७) उज्जियए णं भंते दारए इओ कालमासे कालं किद्या कहिं गच्छिहिइ कहिं उववत्तिहिइ
गोयमा उज्जियए दारए पणुर्वासं वासाइं परमाउं पालइता अद्वेव तिभागावसेसे दिवसे सूलभिण्णे
कए समाणे कालमासे कालं किद्या इमीसे रथणप्पाए पुढ्वीए नेरइएसु नेरइयत्ताए उववत्तिहिइ से
णं तओ अनंतरं उववत्तिहिइ से णं तत्य उम्मुक्कबालभावे तिरियभोगेसु मुच्छिए गिर्द्धे गढिए अञ्जोववण्णे
जाए-जाए वानरपेत्तर वहेइ तं एयकम्ये एयप्पहाणे एयविडे एयसमायारे कालमासे कालं किद्या
इहेव जंबुहीवे दीवे भारहे वासे इंदपुरे नपरे गणियाकुलसि पुत्तताए पच्चायाहिइ तए णं तं दारयं
अम्भापियरो जायमेतकं वद्धेहिति नपुंसगाकम्यं सिक्कावयेहिति तए णं तस्स दारयस्स अम्भापियरो

निवृत्वारसाहस्स इमं एथारुवं नामधेजां करेहिति-होडणं अम्ह इमे दारए पियसेणे नामं नपुंसए तए णं से पियसेणे नपुंसए उम्मुक्कबालभावे दिण्ययपरिणमेते जोव्यगमणुप्तते रुवेणं य जोव्यणेण य लावण्णेण य उक्किङ्कड्डे उक्किङ्कड्डसरीरे भविस्सइ तए णं से पियसेणे नपुंसए इंदपुरो नयरे बहवे राई-सर-जाव पभियओ वहहि य विजापओगेहि य मंतपओगेहि य चुण्णपओगेहि हियउद्भावणेहिय निष्ठवणेहिय पण्हवणेहिय वसीकरणेहिय आभिओगिएहि आभिओगिता उरालाइं माणुसरागाइं भोगमोगाइं भुंजभाणे विहरिस्सइ तए णं से पियसेणे नपुंसए एयकमे एथप्पहाणे एयविजे एयसमावारे सुबहुं पावकमं समज्ञिणिता एक्कबीसं वाससं पराभाउं पालइता कलामासे कालं किद्या इमीसे रवणप्पभाए पुढवीए नेइःसु नेरायताए उववज्ञिहिइ ततो सिरीसिवेसु संसारो तहव जहा पढमे जाव पुढवीसु से णं तओ अनंतरं उच्चवित्ता इहेव जंबुद्वीवे दीवे भारहे वासे चंपाए नयरीए महिसत्ताए पद्मायाहिइ से णं तत्य अण्णया कयाइ गोद्विलाएहि जीवियाओववरोविए समाणे तत्येव चंपाए नयरीए सेड्डिकुलंसि पुतत्ताए पद्मायाहिइ से णं तत्य उम्मुक्कबालभावे तहारुवाणं थेराणं अंतिए केवलं वोहि वुञ्जिहिइ अणगारे भविस्सइ सोहम्मे कथे जहा पढमे जाव अंतं काहिइ। एवं खलु जंबू समणेणं भगवया महावीरेणं जाव संपत्तेणं दुहविवागाणं विड्यस्स अन्नयणस्स अयमड्डे पत्रते] ति वेमि। १३।-१४

● पठमे सुपक्वंषे बीयं अन्नयणं सप्तं ●

-ः त इ यं अ ज्ञ य ण—अ भ ग से णे :-

(१५) [जह णं भंते समणेणं भगवया महावीरेणं जाव संपत्तेणं दुहविवागाणं दोद्धस्स अन्नयणस्स अयमड्डे पत्रते तच्चस्स णं भंते अन्नयणस्स समणेणं भगवया महावीरेणं के अडे पत्रते तए णं से सुहम्मे अणगारे जंबू-अणगारं एवं वारासी]-एवं खलु जंबू तेणं कालेणं तेणं समएणं पुरिमताले नामं नयरे होत्या-रिद्धत्विमियसमिद्धे तस्स णं पुरिमतालस्स नयरस्स उत्तरपुरत्विमे दिसीभाए एत्य णं अमोहदंसिस्स जक्कबस्स आयवणे होत्या तत्य णं पुरिमताले नयरे महब्ले नामं राया होत्या तस्स णं पुरिमतालस्स नयरस्स उत्तरपुरत्विमे दिसीभाए देसप्तंते अडवि-संसिया एत्य णं सालाडवीं नामं चोरपल्ली होत्या-विसमगिरिकंदर-कोलंब-संनिविद्वा चंसीकलंक-पागारपरिशिखता छिण्णसेल-विसप्पवाय-फरिहोवगृदा अम्भितर पाणीया सुदुल्लभ-जलपेरंता अणेगखंडी विदियजणदिन्न-निग्गमप्पवेसा सुबहुस्स वि कुवियजणस्स दुप्पहंसा यावि होत्या तत्य णं सालाडवीए चोरपल्लीए विजए नामं चोरसेणावई परिवस्स-अहम्मिए अहम्मिडे जाव लोहियपाणी घुननयरनिग्गमयसे सूरे दद्धपहरे साहसिए सदवेहि असि-लह्डि-पद्ममल्ले से णं तत्य सालाडवीए चोरपल्लीए पंचर्ण चोरसयाणं आहेवचं जाव पाले माणे विहरइ। १४।-१५

(१६) तए णं से विजए चोरसेणावई अहूर्णं चोराण य पारदारियाण य गंठिभेदयाण य संधिच्छेयगाण य खंडपद्माण य अण्णेसं च वहूणं छिण्ण-भिण्ण-वाहिराहियाणं कुडंगेयावि होत्या कए णं से विजए चोरसेणावई पुरिमतालस्स नयरस्स उत्तरपुरत्विमिद्धं जणवदं वहहि गामधाएहि य नगरधाएहि य गोगाहणेहि य वंदिग्नाहणेहि य पंथकोट्टेहि य खत्तखणेहि य ओदीलेपाणे-ओवी-लेमाणे विहम्मे माणे-विहभेमाणे तज्जेमाणे-तज्जेमाणे तालेमाणे-तालेमाणे नित्याणे निद्धुणे निक्कणे करेमाणे विहरइ महब्लस्स रण्णो अभिक्खणं-अभिक्खणं कप्पायं गेणहइ तस्स णं विजयस्स चोर-सेणावइस्स खंदसिरी नामं भारिया होत्या-अहीणपडिपुन्न-पंचिंदियसरीए तस्स णं विजवस्स चोर-

सेणावद्दिस्तु पुते खंदसिरीए भारियाए अत्तए अभग्गसेणे नामं दारए होत्या-अहीणपडिपुत्र-
पंचिदियसिरीए तेणं कालेणं तेणं समएणं सपणे भावं महावीरे पुरिमताले नयरे समोसढे परिसा
निग्यया राथा निग्यओ धम्भो कहिओ परिसा राया य गओ तेणं कालेणं तेणं समएणं समणस्स
भगवद्वो महावीरस्त जेडे अंतेवासी गोयमे जाव रायमार्गसि ओगाढे तत्यं बहवे हत्या पासद
अण्णो य तत्य बहवे आसे पासइ अण्णो य तत्य बहवे पुरिसे पासइ-साणल्ह-बद्धवम्पियकवद्वेतेसिं च
यं पुरिसाणं मञ्जगवं एगं पुरिसं पासइ-अवओडप [बंधणं उकिखत-कण्णनासं नेहतुप्पियगतं
वज्ञकरकडि जुयनियच्छं कठेगुणरत्त-मल्लदामं चुण्णांडिय-गातं चुण्णार्यं वज्ञपाणपीयं तिलं-
तिलं देव छिङ्गमाणं काकणिमंसाइं खावियंतं पावं खक्खरसएहिं हम्याणं अणेगनर-नारी-संपरिवुडं
चद्वरे-चद्वरे खंडपडहएणं] उग्धोसिजमाणं इमं च यं एयासुवं उग्धोसणं सुणोइ-नो खलु देवाणुप्पिया
अभग्गसेणस्स चोरसेणावद्दिस्त केइ राया वा रायपुतो वा अवरज्ञइ अप्पणो से स्याइं कम्पाइं
अवरज्ञति तए तं पुरिसं रायपुरिसा पढमंसि चद्वरंसि निसियावेति निसियावेता अडु चुलप्पिए
आणओ धारंति धाएत्ता कसप्पहारोहिं तासेमाणा-तासेमाणा कलुणं काकणिमंसाइं खावेति सहि-
पाणं च पारंति तयाणंतरं च यं दोद्वांसि चद्वरंसि अडु चुलमात्याओ अणओ धारंति एवं तद्वे चद्वरे
अडु महापिउए चउत्ये अडु महामात्याओ पंचमे पुते छड्वे सुण्हाओ सत्तमे जामात्या अडुमे धूयाओ
नवमे नतुया दसमे नतुईओ एक्कारसमे नतुयावई वारसमे नतुइणीओ तेरसमे पित्तसियपइया
चोद्वसमे पित्तसियाओ पव्ररसमे माउसियापइया सोलसमे माउसियाओ सत्तरसमे भायियाओ
अट्टारसमे अवसेसं मित्त-नाइ-नियग-सयणसंवंधि-परियणं अग्गओ धारंति धाएत्ता कसप्पहारोहिं
तासेमाणा-तासेमाणा कलुणं काकणिमंसाइं खावेति रुहिरपाणं च पारंति १५।-१६

(२०) तए यं से भगवं गोयमे तं पुरिसं पासित्ता अयभेयारुवे अज्ञत्यिए चिंतिए कप्पिए
पत्तिए मणोगए संकप्ये समुप्पणे- [अहो यं इमे पुरिसे पुरा पोराणाणं दुश्चिण्णाणं दुप्पडिक्कंताणं
अमुभाणं पावाणं कडाणं कम्पामं पावाणं फलवित्तिविसेसं पद्याणुपावामाणे विहरइ न मे दिह्वा नरगा
वा नेइया वा पद्यकखं खलु अयं पुरिसे निरयपडिस्वियं वेयणं वेष्टि कद्वु पुरिमताले नयरे
उद्यनीय-मञ्जिम-कुलाइं अडमाणे अहापञ्चतं समुदाणं गिणहइ गिणिहता पुरिमताले नयरे पञ्ज-
मञ्जेणं पडिनिक्कद्वमह जाव समणं भगवं महावीरं वंदइ नमंसइ वंदिता नमंसिता] एवं क्यासी-एवं
खलु अहं भंते तं चेव जाव से यं भंते पुरिसे पुव्वभवे के आसी जाव विहरइ एवं खलु गोयमा तेणं
कालेणं तेणं समएणं इहेव जंबुद्वावे दीवे भारहे वासे पुरिमताले नामं नयरे होत्या-रिद्धत्यमियसमिद्वे
तत्यं पुरिमताले नयरे उदिओदिए नामं राया होत्या-भहयाहिमवंत-महंत-मलय-मंदर-महिंदरसारे
तत्यं पुरिमताले निन्नए नां अंडय-वामियए होत्या-अद्वे जाव अपरिमूए अहम्पिए जाव
दुप्पडियाणंदे तस्स यं नित्रयस्स अंडय-वाणियस्स बहवे पुरिसा दिण्णभइ-भत्त-वेयणा कला-कळिं
कुद्वालियाओ य पत्तियापडिए य गिणहंति गिणिहता पुरिमतालस्स नयरस्स परियेतेसु बहवे काइअं-
डए य घूडअंडए य पारेवइअंडए य टिड्विभिअंडए य वगिअंडए य मयूरिअंडए य कुक्कुडिअंड एय
अणेसिं च बहूणं जलयर-थलयर-खहयरमाईणं अंडाइं गेणहंति गेणिहता पत्तियपडगाइं भरोति
भरोता जेणेव निन्नए अंडवाणियए तेणेव उवागचित्ति उवागचित्ता निन्नयस्स अंडवाणियस्स
उवर्णोति तए यं तस्स निन्नयस्स अंडवाणियस्स बहवे पुरिसा दिण्णभइ-भत्त-वेयणा बहवे काइअं-
डए य जाव कुक्कुडिअंडए य अणेसिं च बहूणं जलयर-थलयर-खहयरमाईणं अंडए तवरएसु य

कवलीमु य कंडुसु य भज्ञगएसु य इंगालेमु य तलोति मज्जेति सोल्लेति तलेता भज्जेता सोल्लेता य रायमग्गे अंतरावण्णसि अंडपणिएणं विति कष्टेमाणा विहर्ति अप्पणा वि णं से नित्रवए अंड-वाणियए तेहिं बहूहिं काइअंडएहि य जाव कुक्कुडिअंडएहि य सोल्लेहि य तलएहि य भज्जिएहि य सुरं च महुं च मेरां च जाईं च सीधुं च पसण्णं च आसाएमाणे वीसाएमाणे परिभाएमाणे परिपुंजेमाणे विहरइ तए णं से नित्रए अंडवाणियए एयकम्पे एयप्पणे एयवित्रे एयसपायारे गुदहुं पाककम्पं सपञ्जिणिता एनं वाससहसं परमाउं पालइत्ता कालमासे कालं किद्या तद्याए पुढबीए उक्कोसेणं सत्तसागरोवमहिषेसु नरेसु नेत्रद्यताए उववण्णे ।१६।-१७

(२१) से णं ताओ अनतरं उववटिता इहेव सालाडवीए चोरपझ्नीए विजयस्स चोरसेणावइस्स खंदसिरीए मारियाए कुचिज्जिसि पुत्तत्ताए उववण्णे तए णं तीसे खंदसिरीए मारियाए अण्णया कयाइ तिष्ठं मासाणं वहुपडिपुत्राणं इमे एयाल्लवे दोहले पाउव्यौ-धण्णाओ णं ताओ अम्याओ जाओ णं वहूहिं मित-नाइ-नियग-सवण-संवंधि-परियणमहिलाहिं अण्णाहि य चोरमहिलाहिं सद्धि संपरि-वुडा एहाया [कयबलिकम्पा कयकोउय-मंगल]-पायच्छिता सव्यालंकारविभूसिया विउलं असणं पाणं खाइमं साइमं सुरं च महुं च जाव परिभुंजेमाणी विहरंति जिमियभुतुतरागया पुरिसनेवत्या सण्णद्ध-बद्ध-जाव प्पहर नावरणा भरिएहिं फलएहिं निक्कट्टाहिं असीहिं अंसागएहिंतोणेहिं सज्जीवेहिं अंसागहहिं धण्णोहिं समुक्किखत्तेहिं सरोहिं समुद्वालियाहिं दामाहिं ओसारियाहिं ऊरुघंटाहिं छिप्पत्रूणं बङ्ग्रमाणेणं महाया उक्किक्कु-[सीहण्णाय-द्वोलकलकल-र-वेणं] पक्खुभियमहा सभुद्ध-वभूयं पिव कोमाणीओ सालाडवीए चोरपझ्नीए सव्यओ समंता ओलोएमाणीओ-ओलोएमाणीओ आहिंडमाणीओ-आहिंडमाणीओ दोहलं विणेति तं जद्द अहहं पि जाव दोहलं विणिएज्जामि ति कद्व तमंसि दोहलंति अविणिज्जमाणंसि मुक्का मुक्का जाव अद्वन्ज्ञाणोवगया भूमिगयदिट्टीया द्विचाइ तए णं से विजए चोरसेणावई खंदसिरभारियं ओहयभणसंकर्षं जाव द्वियायमाणि पासइ पासित्ता एवं वयासी-किं णं तुमं देवाणुप्पिए ओहयमणसंकर्पा जाव भूमिगयदिट्टीया द्वियासि तए णं सा खंदसिरी विजयं चोरसेणावई एवं वयासी-एवं खलु देवाणुप्पिया भम तिष्ठं मासाणं वहुपडिपुत्राणं दोहले पाउव्यौ जाव भूमिगयदिट्टीया द्वियामि तए णं से विजए चोरसेणावी खंदसिरीए मारियाए अंतिए एयमहुं सोद्या निसम्म खंदसिरभारियं एवं वयासी-अहासुहं देवाणुप्पिए ति एयमहुं पडिसुणेइ तए णं सा खंदसिरी विजए चोरसेणावई एवं वयासी-जाव अहासुहं देवाणुप्पिए ति एयमहुं पडिसुणेइ तए णं सा खंदसिरभारिया विजएणं चोरसेणावइणा अब्मणुण्णा समाणी हृद्वुद्धा बहूहिं मित-जाव अण्णाहि य बहूहिं चोरमहिलाहिं सद्धि संपरिवुडा एहाया जाव विभूसिया विउलं असणं पाणं खाइमं साइमं सुरं च जाव परिभुंजेमाणी विहरइ जिमियभुतुतरागया पुरिसनेवत्या सण्णद्ध-बद्धवभ्यिकवइया जाव आहिंडमाणी दोहलं विणेइ तए णं सा खंदसिरभारिया संपुण्ण- दोहला एवं चेव तं गव्यं सुहंसुहेणं परि- वहइ तए णं खंदसिरी चोरसेणावइणी नवणहं मासाणं बहुपडि-पुत्राणं दारगं पयाया तए णं से विजए चोरसेणावई तस्स दारगस्स महाया इड्टीसक्कारसमुदाएणं दसरतं ठिइवडियं करेइ तए णं से विजए चोरसेणावई तस्स दारगस्स एक्कारसमे दिवसे विउलं असणं पाणं खाइमं साइमं उवक्खडावेइ जाव तस्सेव मित-नाइ-नियग-सयण-संवंधि-परियणस्स पुरओ एवं वयासी-जम्हाणं अम्हं इमंसी दारगंसि गव्यगर्यंसि समाणंसि इमे एयाल्लवे दोहले पाउव्यौ तम्हा णं होउ अम्हं दारए आभगसेणे नामेणं तए णं से अभगसेणे कुमारे पंचधाईपरिग्नहिए जाव परिवद्धइ ।१७।-१८

(२२) तए ण से अभग्गसेणे कुमारे उम्मुक्कबालभावे यावि होत्या अहु दरिथाओ जाव अहुओ दाओ उर्ध्य भुंजइ तए ण से विजए घोरसेणावई अण्णया कवाइ कालधम्मुणा संजुते तए ण से अभग्गसेणे कुमारे पंचहि चोरसएहि सद्दि संपरिवुडे रोयमाणे कंदमाणे विलवमाणे विजयरस घोरसेणावइस महया इङ्गीसक्कारसमुद्रएण नीहरण करैइ विलवमाणे विजयस घोरसेणावइस महया इङ्गीसक्कारसमुद्रएण नीहरण करैइ करेत्या बहूँ लौहियाइ मयकिच्छाइ करैइ करेत्या केणइ कालेण अप्सोए जाए यावि होत्या तए ण ताइं पंच घोरसयाइ अण्णया कवाइ अभग्गसेणं कुमारं सालाडवीए घोरपल्लीए महया-महया घोरसेणावइत्ताए अभिसिंचति तए ण से अभग्गसेणे कुमारे घोरसेणावई जाए अहन्निए जाव महब्बलस्स रण्णो अभिक्खणं-अभिक्खणं कप्पायं गिण्हि तए ण ते जाणवया पुरिसा अभग्गसेणेण घोरसेणावइण बहुगमधायणाहिं ताविया समाणा अण्णमण्णं सद्वावेति सद्वावेत्ता एवं वयासी-एवं खलु देवाणुप्पिया अभग्गसेणे घोरसेणावई पुरिमतालस्स नयरस्स उत्तरिलं जणवयं बहूहि गमधाएहि जाव निद्धृणं करेमाणे विहरइ तं सेयं खलु देवाणुप्पिया पुरिमताले नयरे महब्बलस्स रण्णो एयम्हुं विण्णवित्तए तए ण ते जाणवया पुरिसा एयम्हुं-अण्णमणेमणं पडिसुणेति पडिसुणेत्ता महत्यं महत्यं महरिहं रायारिहं पाहुँडं गिण्हति गिण्हता जेणेव पुरिमताले नयरे तेणेव उवागया महब्बलस्स रण्णो तं महत्यं जाव वाहुँडं उवणेति उवणेत्ता करथल [परिगहियं सिरसावत्तं मत्थए अंजलि] कहु महब्बलं रायं एवं वयासी एवं खु सामी सालाडवीए - घोरपल्लीए अभग्गसेणे घोरसेणावई अहु बहूहि गमधाएहि य जाव निद्धृणे करेमाणे विहरइ तं इच्छाभि यं सामी तुञ्ज्ञं बाहुच्छायापरिग्हिया निव्यया निरुव्यिग्ना सुहंसुहेणं परिवसिताए ति कहु पाववडिया पंजलिउड़ा महब्बलं रायं एयम्हुं विण्णवेति तए ण महब्बले राया तेसि जाणवयाणं पुरिसाणं अंतिए एयम्हुंसोद्या निसम्म आसुते [रुड्हे कुविए चंडिक्किए] मिसिमिसेमाणे तिविलियं भितडि निडाले साहुँडं सद्वावेइ सद्वावेत्ता एवं वयासी-गच्छणं तुमं देवाणुप्पिया सालाडविं घोरपल्लिं विलुंपाहि विलुंपिता अभग्गसेणे घोरसेणावइं जीवागाहं गेण्हाहि गेण्हता ममं उवणेहि तए ण से दंडे तह ति एयम्हुं पडिसुणेइ ते ण से दंडे बहूहि पुरिसेहिं सण्णद्ध-बछवभ्यिकदएहि जाव गहियाउहपहरणेहि सद्दि संपरिवुडे भगाइएहि फलारिहं जाव उप्पितूणं वडमाणेणं महया उकिकहिन्नेजाव करेमाणे पुरिमताले नयरं मञ्जंमञ्जेणं निगच्छइ निगच्छिता जेणेव सालाडवी घोरपल्ली तेणेव पहारेत्य गमणाए तए ण तस्स अभग्गसेणस्स घोरसेणावइस चारपुरिसा इमीसे कहाए लक्ष्मा समाणा जेणेव सालाडवी घोरपल्ली जेणेव अभग्गसेणे घोरसेणावई तेणेव उवागया करथल जाव एवं वयासी-एवं खलु देवाणुप्पिया पुरिमताले नयरे महब्बलेणं रण्णा महयामङ्गड़ग-रेण दंडे आणते-गच्छणं तुमं देवाणुप्पिया सालाडविं घोरपल्लिं विलुंपाहि अभग्गसेणे घोरसेणावइ जीवागाहं गेण्हाहि गेण्हता ममं उवणेहि तए ण से दंडे महयामङ्गड़गरेणं जेणेव सालाडवी घोरपल्ली तेणेव पहारेत्य गमणाए तए ण से अभग्गसेणे घोरसेणावई तेसि चारपुरिसाणं अंतिए एयम्हुं सोद्या निसम्मं पंच घोरसयाइं सद्वावेइ सद्वावेत्ता एवं वयासी-एवं खलु देवाणुप्पिया पुरिमताले नयरे महब्ब-लेणं रण्णा महयामङ्गड़गरेणं दंडे आणते जाव तेणेव पहारेत्य गमणाए तं सेयं खलु देवाणुप्पिया अम्हं तं दंडं सालाडविं घोरपल्लि असंपत्तं अंतरा चेव पडिसेहित्ताए तए ण ताइं पंच घोरसयाइं अभग्गसेणस्स घोरसेणावइस तहति एयम्हुं पडिसुणेति तए ण से अभग्गसेणे घोरसेणावई विउलं असणं पाणं खाइमं साइनं उवक्खडावेइ उवक्खडावेत्ता पंचहि घोरसएहि सद्दि ग्हाए जाव-

पायच्छिते भोयणमंडवंसि तं विज्लं असर्ण पाणं खाइमं साइमं सुरं च जाव परिषुंजेमाणे विहरइ जिमियभुत्तरागए विय एं समाणे आयते चोक्खे परमसुझुए पंचाईं घोरसएहि सद्धिं अज्ञं चम्बं दुरुहइ दुलहिता सण्णद्ध-न्यद्ध जाव पहरणेहि मगइएहि जाव उकिकड्हि-सीहनाय-बोल-कलकत्त-रवेणं पच्चावरण्हकालसमयंसि सालाडवीओ चोरपळीओ निगच्छड्हि निगच्छिता विसमदुगगहणं ठिए गहियभत्तापाणिए तं दंडं पडिवालेमाणे-पडिवालेमाणे चिड्ड तए पं से दंडे जेणेव अभगगसेणे घोरसेणावई तेणेव उवागच्छड्ह उवागच्छिता अभगगसेणेण घोरसेणावइणा सद्धिं संपलगे यावि होत्या तए पं से अभगगसेणे घोरसेणावई तं दंडं खिष्णामेव हय-महिय-जाव पडिसेहेति तए पं से दंडे अभगगसेणेण घोरसेणावइणा हय-जाव पडिसेहिए समाणे अद्यामे अबले अवीरिए अपुरिसक्कार-परक्कमे अधारणिझभिति कट्टु जेणेव पुरिमताले नयरे जेणेव महब्ले राया तेणेव उवागच्छड्ह उवागच्छिता करयल जाव एवं वयासी एवं खलु सामी अभगगसेणे घोरसेणावई विसमदुगगहणं ठिए गहियमत्तापाणिए नो खलु से सक्कू कैणवि सुवहुएणवि आसबलेण वा हस्तिबलेण वा जोहबलेण वा रहवलेण वा चाउरंगेण पि सेण्णबलेण उरुंउरेण शिष्णहिताए ताहे सामेण य भेण्ण य उवप्याणेण य विस्सम्भमाणेऽ पवते यावि होत्या वा विउलेण-धण-कणग-रयण-संतसार-साव-एञ्जेण भिंदि अभगगसेणसस्य घोरसेणावइस्स अभिक्खणं-अभिक्खणं-महत्याइं महाधाइं महरि-हाइं परायारिहाइं पाहुडाइं पेसेहि अभगगसेणं घोरसेणावइं वीसम्भमाणेहि।१८-१४

(२३) तए पं से महब्ले राया अण्णया कयाइ पुरिमताले नयरे एगंभं महिमहालियं कूडागारसालं कारोइ-अणेगखंभसद्यसत्रिविडुं पासाईयं दरिसणिझं अभिलवं पडिस्तुवं तए पं से महब्ले राया अण्णया कयाइ पुरिमताले नयरे उस्सुक्कं उक्कारं एवं जाव दसरते पमोयं उग्धो-सावैइ उग्धोसावेत्ता कोडुंवियपुरिसे सद्धावैइ सद्धावेत्ता एवं वयासी-गच्छह पं तुव्ये देवाणुपिया सालाडवीए चोरपळीए तत्यं पं तुव्ये अभगगसेणं घोरसेणावइं करयल जाव एवं वयह-एवं खलु देवाणुपिया पुरिमताले नयरे महब्ललस्स रण्णो उस्सुक्के जाव दसरते पमोए उग्धोसिए तं किं पं देवाणुपिया विउलं असर्ण पाणं खाइमं साइमं पुफ-वत्य-गंध-मळालंकारे य इहं हव्यमाणिझउ उदाहु सथपेव गच्छिता तए पं ते कोडुंवियपुरिसा महब्ललस्स रण्णो करयल जाव पडिसुएति पडिसुणेत्ता पुरिमतालाओ नयराओ पडिनिक्खमंति पडिनिक्खमित्ता नाइविकिड्हेहि अछ्याणेहि सुहेहि वसहिपाथरासेहि जेणेव सालाडवी चोरपळी तेणेव उवागच्छंति उवागच्छिता अभगगसेण घोरसेणावई करयल परिग्नहियं सिरसावत्तं मत्याए अंजलिं कट्टु एवं वयासी-एवं खलु देवाणुपिया पुरिमताले नयरे महब्ललस्स रण्णो उस्सुक्के जाव दसरते पमोए उग्धोसिए तं किं पं देवाणुपिया विउलं असर्ण पाणं खाइमं साइमं पुफ-वत्य-गंध-मळालंकारे य इहं हव्यमाणिझउ उदाहु सथपेव गच्छिता तए पं से अभगगसेणे घोरसेणावई ते कोडुंवियपुरिसे एवं वयासी-अहं पं देवाणुपिया पुरिमतालं नयरं सथमेव गच्छामि ते कोडुंवियपुरिसे सक्कूकारेइ सम्माणेहि पडिविसज्जेहि तए पं अभगगसेणे घोरसेणावई वहौहि मित जाव-परिधूडे ण्हाए जाव सब्बालंकाराविभूसिए सालाडवीओ चोरपळीओ पडिनिक्खमइ पडिनिक्ख- भित्ता जेणेव पुरिमताले नयरे जेणेव महब्ले राया तेणेव उवागच्छड्ह उवागच्छिता करयल जाव महब्लं रायं जएणं विजएणं वद्धावैइ वद्धावेत्ता महाधं महरिहं रायारिहं पाहुडं उवणेहि तए पं से महब्ले राया अभगगसेणस्स घोरसेणावइस्स तं महत्यं [महाधं महरिहं रायारिहं] पाहुडं पडिच्छड्ह अभगगसेणं घोरसेणावई सक्कूकारेइ सम्माणेहि विसज्जेहि

कूडागारसालं च से आवस्थिं दलदइ तए णं से अभग्सेणे चोरसेणावई महब्बलेण रण्णा विसत्रिए समाणे जेणेव कूडागारसाला तेणेव उवाच्छइ तए णं से महब्बले राया कोडुवियपुरिसे सद्वावेइ सद्वावेता एवं वयासी- गच्छणं तुद्भे देवाणुप्पिया विउलं असणं पाणं खाइमं साइमं उक्खडावेह उक्खडावेता तं विउलं असणं जाव अभग्सेणस्स चोरसेणावइस्स कूडागारसालाए उवणेह तए णं ते कोडुवियपुरिसा करयल परिगाहियं सिरासावतं मत्यए अंजलि कटु जाव उवणेतं तए णं से अभग्सेणे चोरसेणावई वहूहिं [मित-नाइ-नियग-स्ययण-संवंधि-परियणेहि] सच्छं संपरिवुडे प्हाए जाव सव्वालंकारविभूसिए तं विउलं असणं पाणं खाइमं साइमं सुरं च महूं च मेरां च जाइं च सीधुं च पसण्णं च आसाएमाणे वीसाएमाणे परिमाएमाणे परीभुंजेमाणे पमते विहरइ तए णं से महब्बले राया कोडुवियपुरिसे सद्वावेइ सद्वावेता एवं वयासी-गच्छणं तुद्भे देवाणुप्पिया पुरिमतलस्स नयरस्स दुवारस्स दुवाराइं पिहेह पिहेता अभग्सेणं चोरसेणावई जीवगाहं गिण्हहि गिण्हिता ममं उवणेह तए णं ते कोडुवियपुरिसा करयल जाव पडिसुणेता पुरिमतलस्स नयरस्स दुवाराइं पिहेति अभग्सेणं चोरसेणावई जीवगाहं गिण्हंते गिण्हिता महब्बलस्स रण्णो उवणेति तए णं से महब्बले राया अभग्सेणं चोरसेणावई एरणं विहाणेणं वज्ज्ञां आणवेइ एवं खलु गोयमा अभग्सेणे चोरसेणावई पुरा पोराणाणं [दुद्धिणाणं दुप्पिक्कंताणं असुभाणं पावाणं कडाणं कम्माणं पावगं फलविति- विसेसं पद्धाणुभवमाणे विहरइ] अभग्सेणे णं भते चोरसेणावई कालमासे कालं किद्या कहि गच्छिहि कहि उववत्रिहिं गोयमा अभग्सेणे चोरसेणावई सत्तरीसं वासाइ परभाउं पालइता अज्जेव तिमागावसेसे दिवसे सूलभिणे करए समाणे कालमासे कालं किद्या इमीसे रथणप्पभाए पुद्धीए उक्कोस नेरइसु उववत्रिहिं से णं तओ अनंतरं उव्वहिता एवं संसारो जहा पढमे जाव- पुद्धीसु तओ उव्वहिता वाणारसीए नयरीए युवरत्ताए पच्चाहिइ से णं तत्य सोयरिएहि जीवियाओ समाणे वयरोविए समाणे तत्येव वाणारसीए नयरीए सेंड्कुलंसि पुत्तताए पद्धायाहिइ से णं तत्य उमुक्कबालभावो एवं जहा पढमे जाव अंतं काहिइ [एवं खलुं जंबू समणेणं भगवया महार्यी-रेणं जाव संपत्तेण दुहविवागाणं तइस्स अज्जयण्णस्स अयमहै पत्रते] ति वेमि । ११-२०

● पठने सुखख्येतद्यं अन्नयण्णं समतं ●

—: च उ त्यं अ ज्ञ य ण—स ग डे :-

(२४) जइ णं भते [समणेणं भगवया महावीरेणं जाव संपत्तेण दुहविवागाणं तद्यस्स अन्नयण्णस्स अयमहै पत्रते चउत्त्यस्स णं भते अन्नयण्णस्स समणेणं भगवया महावीरेणं के अहै पत्रते तए णं से सुहम्मे अणगरे जंबू-अणगारं एवं वयासी।-एवं खलु जंबूतेणं कालेणं तेणं समएणं साहंजणी नामं नयरी होत्या-रिद्धियिमियसमिद्धा तीसे णं साहंजणीए नयरीए वहिया उत्तपुरुष्यमे दिसीधाए देवरमणे नामं उज्जाणे होत्या तत्य णं अमोहससज्ज्खस्स जक्क्वायणे होत्या-पोराणे तत्य णं साहंजणीए नयरीए महचंदेने नामं राया होत्या-महयाहिमवंत-महंत-मलय-मंदर-महिंदसारे तस्स णं महचंदस्स रण्णो सुसेणे नामं अमद्ये होत्या-साम-भेद-दंड-उवप्पयाण-नीति-सुप्पउत-नयविहण्णू तत्य णं साहंजणीए नयरीए सुदरिसणा नामं गणिया होत्या-वण्णओ तत्य णं साहंजणीए नयरीए सुभद्दे नामं सत्यवाहे होत्या-अङ्गृहे तस्स णं सुभद्दस्स सत्यवाहस्स पहा नामं भारिया होत्या-अहीण-पडिपुन्नपंचिदियसरीरा तस्स णं सुभद्दस्स सत्यवाहस्स पुते भद्दाए भारियाए अत्ताए साडे नामं दारए होत्या-अहीण-पडिपुन्न-पंचिदियसरीरे तेणं कालेणं तेणं समएणं समणे भगवं महावीरे समोसरिए

परिसा राया च निगणे धम्मो कहिओ परिसा गया तेण कालेण तेण समएण समणस्स भगवओ महावीरस्स जेडे अंतेवासी जाव रायपर्ण ओगाढे तत्य णं हत्थी आसे अण्णे य बहवे पुरिसे पासइ तेसि च णं पुरिसाण मञ्ज्ञगयं पासइ एं सझस्त्रियं पुरिसं अबओडयबंधणं उकिखत-कण्णनासं जाव खंडपदहेण उग्घो जाव सित्रमाणं चिंता तहेव जाव भगवं वागेइ-एवं खलु गोवमा तेण कालेण तेण समएण इहेव जंयुद्धीदे दीवे भारहे वासे छगलपुरे नामं नयरे होत्या तत्य णं सीहिगिरी नामं राया होत्या-पहयाभयं-भहत-मलय-मंदर-महिदसारे तत्य णं छगलपुरे नयरे छत्रिए नामं छागलिए परिवसइ-अइदे जाव अपरिभूत अहम्मिए जाव दुष्पिदियाणंदे तस्स णं छत्रियस्स छागलियस्स बहवे बहूणि अयाण य एलयाण य रोज्ञाण य दसभाण य ससयाण य सूर्याण य पसद्याण य सिंहाण य हीणाण य मयूराण य महिसाण य सयदद्धाणि सहस्रदद्धाणि य जूहाणि वाडगांसि मनिरुद्धाइ चिह्निति अन्ने य तत्य बहवे पुरिसा दिष्णभइ-भत्त-वेयणा बहवे अह य जाव महिसे य सारख्वमाणा संगोवेमाणा चिह्निति अण्णे य से बहवे पुरिसा दिष्णभइ-भत्त-वेयणा बहवे अए य जाव महिसे य जीवियाओ ववरोवेति ववरोवेत्ता मंसाइ कप्पार्णिकपियाइ करोति करेत्ता छत्रियस्स छागलियस्स उवणोति अण्णे य से बहवे पुरिसा ताइ बहुयाइ अथमंसाइ जाव महिसमंसाइ य तवएसु य कवळीमुय कंदुसु य भज्ञणेमुय य इंगालेसु य तलेति य सोलेति य तलेत्ता य भज्नेता य सोलेत्ता य तओ रायमागांसि विति कप्पेमाणा विहरंति अपाणा विय णं से छत्रिए छागलिए तेहिं बहूहिं अयमंसेहि य जाव महिस-मंसेहि य सोलेहि य जाव परिमुजेपाणे विहाइ तए णं से छत्रिए छागलिए एयकम्बे एयप्पहाणे एयविज्ञे एयसमायारे सुबदुं पावकम्बं कलिकलसं समज्ञिणिता सत्त वाससयाइ परमाउं पालइत्ता कालमासे कालं किंद्या चोत्थीए पुढवीए उक्कोतेण दससागरोवमधिइएसु नेरइएसु नेरइयत्ताए उवचणे ।२०-२१

(२५) तए णं सा सुभद्स्स सत्यवाहस्स भद्रा भारिया जायनिंदुया यावि होत्या-जावा-जावा दारागा विणिहायमावञ्जति तए णं से छत्रिए छागलिए चोत्थीए पुढवीए अनंतरं उव्वटिता इहेव साहंजणीए नयरीए सुभद्स्स सत्यवाहस्स भद्राए भारियाए कुचिंचिसि पुत्तत्ताए उवचणे तए णं सा भद्रा सत्यवाही अण्णया कयाइ नदवणं मासाणं बुहुपिदुव्राणं दारणं पवाया तए णं तं दारणं अभ्यापियरो जायभेत्त वेव सगडस्स हेडुओ ठवेति दोद्यं पि गिण्हावेति अनुपुल्वेण सारकवंति संगो-वेति संवद्वटेति जहा उज्जियए जाव जन्माणं अहं इमे दारए जायभेत्त वेव सगडस्स हेडुओ ठविए तफ्हा णं होउ अहं दारए सगडे नामेण सेसं जहा उज्जियए सुभद्रे लवणसमुद्रे कालगए माया वि कालगाया से वि साओ गिहाओ निच्छूदे तए णं से सगडे दारए साओ गिहाओ निच्छूदे समाणे स्तिंयाङ तहेव जाव सुदरिसणाए गणियाए सद्दि संपलग्ने यावि होत्या तए णं से सुसेणे अमद्ये तं सगडं दारणं अण्णया कयाइ सुदरिसणाए गणियाए गिहाओ निच्छुभावेइ निच्छुभावेत्ता सुदरिसणं गणियं अव्यंतरियं ठवेइ ठवेत्ता सुदरिसणाए गणियाए सद्दि उरालाइ भाणुस्सगाइ भोगभोगाइ भुजमाणे विहाइ तए णं से सगडे दारए सुदरिसणाए गणियाए गिहाओ निच्छुमेमाणे अन्तत्य कत्थइ सुईं वा अलभ अन्नया कयाइ रहिस्सर्यं सुदरिसणाए गिहाओ निच्छुमेमाणे अनुप्पविसित्ता सुदरिसणाए सद्दि उरालाइ भाणुस्सगाइ भोगभोगाइ भुजमाणे विहाइ इमं च णं सुसेणे अमद्ये णहाए जाव विभूसिए मणुस्सदगुरापरिकिखते जेषेव सुदरिसणाए गणियाए गिहे तेणेव उवागच्छइ उवागच्छित्ता सगडं दारयं सुदरिसणाए गणियाए सद्दि उरालाइ भोगभोगाइ भुजमाणं पासइ

पासिता आतुरुते जाव मिसिमिसेमाणे तिवलियं भिर्डि निडाले साहद्वु सगडं दारयं पुरिसेहिं गिण्हावेइ गिण्हावेता अहि-[मुट्ठि-जाणु-कोप्पर-पहारसंभागं] महियगतं करेइ करेता अवओडय-बंधं करेइ करेता जेणेव महचदे राया तेणेव उवागच्छइ उवागच्छिता करयल जाव एवं वयासी-एवं खलु सामी सगडे दारए ममं अंतेउरंसि अवरख्ते तएं से महचंदे राया सुसेणं अमझं एवं वयासी-तुमं चेव णं देवाणुपिचा सगडस्स दारगस्स दंडं वत्तेहिं तएं णं से सुसेणे अमझे महचंदेणं रण्णा अव्यणुण्णाए समाणे सगडं दावरं सुदरिसणं च गणियं एएं विहाणेणं वज्ञं आणवेइ तं एवं खलु गोमासगडे दारए पुरा पोराणाणं जाव पद्मणुभावमाणे] विहरइ ।२१-२२

(२६) सगडे णं भंते दारए कालगए कहिं गच्छिहि गोयमा सगडे णं दारए सत्तावण्णं वासाइं परमाउं पालइता अङ्गेव तिभागावसेसे दिवसे एंगं महं अवोपयं ततं समजोइभूयं इत्थिपडिमं अवतासाविए समाणे कालमासे कालं किद्या इमीसे रवणप्पभाए पुढ्वीए नेरइयत्ताए उववज्ञिहिं से णं तओ अनंतरं उव्वष्टिता रायगिहेनयरे मातंगकुलंसि जमलत्ताए पद्मायाहिं तएं तस्स दारगस्स अम्पापियरो निव्वत्तवासाहस्स इमं एयास्वं नायधेऽनं करिसंति-तं होउ णं दारए सगडे नामेण होउ णं दारिया सुदरिसणा नामेण तएं णं से सगडे दारए उम्मुक्कवालभावे विण्णय-परिणयमेते जोव्यणगमणुप्पते भविससइ तएं णं सा सुदरिसणावि दारिया उम्मुक्कवालभावा विण्णय-परिणयमेता जोव्यणगमणुप्पता रुवेण य जोव्यणेण य लावण्णेण य उद्यिकद्वा उकिकद्वा-सरोरा भविससइ तएं णं से सगडे दारए सुदरिसणाए रुवेण य जोव्यणेण य लावण्णेण य मुच्छिए गिन्द्वे गढिए अङ्गोवयण्णे सुदरिसणाए भइणीए सँद्धि उरालइं पाणुसगाइ भोगाभोगाइं मुंजमाणे विहरिससइ तएं णं से सगडे दारए अण्णया कयाइ सयमेव कूडगाहत्तं उवसंपत्रिता णं विहरिससइ तएं णं से सगडे दारए कूडगाहे मविससइ-अहम्निए जाव दुप्पिडियाणंदे एवकमे जाव कालमासे कालं किद्या इमीसे रवणप्पभाए पुढ्वीए नेरइएसु नेरइयत्ताए उववज्ञिहिं संसारो तहेव जाव-पुढ्वीतु से णं तओ अनंतरं उव्वष्टिता वाणासीए नयरीए मछत्ताए उववज्ञिहिं से णं तत्य मच्छवंधिएहि वहिए तत्येव वाणासीए नयरीए सेंद्धिकुलंसि पुत्तत्ताए पद्मायाहिं बोहिं पव्यज्ञा सोहम्मे कप्ये महाविदेहे वासे सिज्जिहिं [एवं खलु जंबू समणेणं भगवया महावीरेण जाव संपत्तेण दुहविवागाणं चउत्त्यस्स अज्ञायणास्स अयम्हु पत्रते ति वेमि ।२१-२३]

●पठने सुपक्षंपै चउत्त्यं अञ्जयणं तमतं ●

—: णं च मं अ ज्ञ य णं—ब ह स्त इ इ ते :-

(२७) [जइ णं भंते समणेणं भगवया महावीरेणं जाव संपत्तेणं दुहविवागाणं चउत्त्यस्स अञ्जयणास्स अयम्हु पत्रते पंचमस्स णं भंते अञ्जयणास्स समणेणं भगवया महावीरेणं के अहु पत्रते तएं णं से सुहम्मे अणगारे जंयू-अणगारं एवं वयासी]-एवं खलु जंबू तेणं कालेणं तेणं समएणं कोसंबी नामं नयरी होत्या-रिल्लिथिभियसमिद्धा बाहिं चंदोतरणे उज्जाणे सेयभद्रेजकद्वे तत्य णं कोसंबीए नयरीए सयाणिए नामं राया होत्या-पहयाहिमवंत-भहत-भलय-भंदर-महिदसारे मियावर्ड देवी तस्स णं सयाणियस्स पुत्ते मियादेवीए अत्तए उदयणे नामं कुमारे होत्या-अहाण-पडिपुन्न-पंचिदिपसरीरे जुवराया तस्स णं उदयणस्स कुमारस्स पउमावई नामं देवी होत्या तस्स णं सयाणियस्स सोमदत्ते नामं पुरोहए होत्या-रिउव्येय-यजुव्येय-सामवेय-अथव्यणवेयकुसले तस्स णं सोमदत्तस्स पुरोहियस्स क्षुद्रता नामं भारिया होत्या तस्स णं सोमदत्तस्स पुत्ते वसुदत्ताए अन्तए

बहस्सइदत्ते नामं दारए होत्या-अहीण-पडिमुन्न-पंचिंदियसरीरे तेण कालेण तेण समएण समणे
मगवं पहावीरे समोसढे तेण कालेण तेण समएण मगवं गोयमे तहेव जाव रावमग्गमोगढे तहेव
पासइहस्ती आसे पुरिसमज्ज्ञे पुरिसं चिंता तहेव पुच्छइ पुच्छवं भागवं वागरेइ- एवं खलु गोयमा तेण
कालेण तेण समएण इहेव जंखुद्वीवे दीवे भारहेवासे सव्वओभदे नाम नयरे होत्या-रिद्धत्रिमि-
यसमिद्धे तथ्य णं जियसत्तुस्स रण्णो महेसरदत्ते नामं पुरोहए होत्या-रिउव्वेय-यजुव्वेय-सामवेय-
अथव्वणवेयकुसले यावि होत्या तए णं से महेसरदत्ते पुरोहिए जियसत्तुस्स रण्णो ऋबलविवङ्ग-
ट्ट्याए कल्पाकलिं एगमेगं माहणदारयं एगमेगं खतियदारयं एगमं वइस्सदारयं एगमेगं सुदारयं
गिण्हावेइ गिण्हावेत्ता तेसि जीवंतगाणं चेव हियउंडए गिण्हावेइ गिण्हावेत्ता जियसत्तुस्स रण्णो
संतिहोमं करेइ तए णं से महेसरदत्ते पुरोहिए अदुमीचाउदसीसु- दुवे-दुवे माहण-घतिय-वइस्समुद्दे
चउण्हं मासाणं चत्तारि-चत्तारि छण्हं मासाणं अठु-अठु संवच्छरस्स सोलस-सोलस जाहे-दाहे वि य
णं जियसत्तु राया परबलेणं अभिजुञ्जइ ताहे-ताहे वि य णं से महेसरदत्ते पुरोहिए अदुसर्यं माहण-
दारगाणं अदुसर्यं खतियदारगाणं अदुसर्यं वइस्सदारगाणं अदुसर्यं सुदारगाणं पुरिसेहि गिण्हावेइ
गिण्हावेत्ता तेसि जीवंतगाणं चेव हियउंडियाओ गिण्हावेइ गिण्हावेत्ता जियसत्तुस्स रण्णो संति-
होमं करेइ तए णं से परबले खिपामेव विखंसेइ वापडिसेहिज्ज वा ।२३-२४

(२८) तए णं से महेसरदत्ते पुरोहिए एयकम्ये एयविज्ञे एयसमायारे सुबहुं
पावकम्यं समजिणिता तीसं वाससयाइं परमाउं पालइत्ता कालमासे कालं किद्या पंचमाए पुद्वीए
उक्कोसेणं सतरससागरोवमहिइए नरगे उववण्णे से णं तओ अणंतरं उबटित्ता इहेव कोसंबीए
नयरीए सोमदत्तस्स पुरोहियस्स बसुदत्ताए भारियाए पुत्तताए उववण्णे तए णं तस्स दारगस्स
अम्माभियारो निव्वत्तवारसाहस्स इर्ण एयास्वं नाम धेज्जं करेति-जङ्गा णं अम्ह इमे दारए सोमदत्तस्स
पुरोहियस्स पुत्ते बसुदत्ताए अत्तए तम्हा णं होउ अम्ह दारए बहस्सइदत्ते नामेण तए णं से बहइस्स-
इदत्ते दारए पंचधाईपिण्यहए जाव परिवङ्गइ तए णं से बहस्सइत्ते दारए उम्मुक्कबालभावे
विष्णय-परिणयमेत्ते जोव्वणगमणुप्पत्ते होत्या से णं उदयणस्स कुमारस्स पियबालवयस्सए यावि
होत्या सहजायए सहवडिछ्वए सहपंसुकीलियए तए णं से सयाणिए राया अण्णया कयाइ काल-
धम्मुणा संजुते तए णं से उदयणे कुमारे बहूहिं राईसर-जाव सत्यवाहप्पभिऊईहि सद्धि संपरिसुडे
रोयमाणे कंदमाणे विलवमाणे सयाणियस्स रण्णो महया इह्डीसक्कारसमुदजएणं नीहरणं करेइ
करेता बहूहिं लोइयाइं मविकिद्याइं करेइ तए णं ते बहवे राईसर-जाव सत्यवाहप्पभित्तो उदयणं
कुमारं महया-महया रायापिसेणं अभिसंवंति तए णं से बहस्सइदत्ते दारए उदयणस्स रण्णो
पुरोहियकम्यं करेमाणे सव्वद्वाणेसु सव्वभूमियासु अंतउरेय दिण्णवियारे जाए यावि होत्या तए णं से
बहस्सइदत्ते पुरोहिए उदयणस्स रण्णो अंतेउरं वेलासु य अवेलासु य कालेसु य अकालेसु य गाओ य
यिआले य पविसमाणे अण्णया कयाइ पउमावईए देवी सक्कि संपलग्ने यावि होत्या पउमावईए
देवीए सक्कि उरालाइं माणुस्सगाइं भोगभोगाइं भुजमाणे विहरइ इमं च णं उदयणे राया प्हाए जाव
विमूसिए जेणेव पउमावई देवी तेणेव उवागच्छइ उवाच्छित्ता बहस्सइदत्तं पुरोहियं पउमावईए
देवीए सदअधिं उरालाइं माणुस्सगाइं भोगभोगाइं भुजमाणं पासइ पासित्ता आसुरुते तिवलियं
भिउंडिं निडाले साहृ बहस्सइदत्तं पुरोहितं पुरिसेहि गिण्हावेइ जाव एणं विहाणेणं वज्ज्ञं आणवेइ
एवं खलु गोयमा बहस्सइदत्ते पुरोहिए पुरा पोराणाणं | दुष्मिणाणं दुष्पिक्कताणं असुभाणं पावाणं

कडाण कमाण पावगं फलवित्तिविसेसं पद्मणुभवमाणे] विहरइ बहस्सइदत्ते णं भंते पुरोहिए इओ कालगए समाणे कहिं गच्छिहिइ कहिं उववज्ञिहिइ गोवमा बहस्सइदत्ते णं पुरोहिए चोसाईं परमाउँ पालइत्ता अञ्जेव तिभामावसेसे दिवसे युलभिणो कए समाणे कालमासे कालं किद्या इमीसे रथणप्पभाए पुढीवीए संसारो तहेव पुढीवी तओ हत्यिणाउरे नयरे मियत्ताए पद्मायाइस्सइ से णं तत्य वाउरिएहि वहिए समाणे तत्येव हत्यिणाउरे नयरे सेढ्कुलंसि पुत्तत्ताए पद्मायाहिइ वोहिं सोहम्ये महाविदेहे वासे तिज्ञिहिइ [एवं खलु जंबू समणेण भगवया महावीरेण जाव संपत्ताणं दुहविवागाणं पंचमस्त अञ्जयणस्स अथमट्टे पन्नते] ति बेमि ।२४।१२५

● पढमे सुयक्खंघे पंचमं अञ्जयणं समतं ●

-१ छ हुं अ ज्ञ य णं—नं दि व द्व णे :-

(२१) जइ णं भंते [समणेण भगवया महावीरेण जाव संपत्तेण दुहविवागाणं पंचमस्त अञ्जयणस्स अथमट्टे पन्नते छट्स्स णं भंते अञ्जयणस्स समणेण भगवया महावीरेण के अट्टे पन्नते ताए णं से सुहम्भे अणगारे जंबू-अणगारं एवं वयासी।-एवं खलु जंबू तेणं कालेणं तेणं समएणं महुरा नामं नयरी भंडीरे उआणे सुदरिसणे जक्खे सिरिदामे राया वंधुसिरी भारिया पुत्ते नदिवद्धणे कुमारे-अहीण-।पडिपुन्र-पंचिदियसरीरे जुवराया तस्स सिरिदामस्स सुबंधु नामं अमद्ये होत्या-साम-दंड-भेद-उवप्पायाणनीति-सुप्तउत्त-नयविहणू तस्स णं सुबंधुस्स अमद्यास्स बहुमित्तपुत्ते नामं दारए होत्या-अहीण-पडिपुन्र-पंचिदियसरीरे तस्स णं सिरिदामस्स रणो चित्ते नामं अलंकारिए होत्या-सिरिदामस्स रणो चित्तं बहुविहं अलंकारियकम्यं करेमाणे सव्वद्वाणेसु य सव्वभूमियासु य अंतेउरे य दिण्णवियारे यादि होत्या तेणं कालेणं तेणं समएणं सामीरे समोसढे परिसा निगाया राया निगाओ जाव परिसा पडिगया तेणं कालेणं तेणं समएणं समणस्स भगवओ महावीरस्स जेडे अंतेवासी जाव रायमगमोगाढे तहेव हत्यी आसे पुरिसे पासइ तेसि च णं पुरिसाणं मज्जगयं एं पुरिसं पातह जाव नर-नारीसंपरिवुडं तए णं तं पुरिसं रायपुरिसा चद्ग्रांसि तत्तसि असोमयंसि समजोइभूयंसि सीहासणंसि निवेसावेंति तयाणंतरं च णं पुरिसाणं मज्जगयं बहूहिं अयकलसेहिं ततेहिं समजोइभूयहि अप्पेगइया तंबभरिएहिं अप्पेगइया तउभरिएहिं अप्पेगइया सीसगभरिएहिं अप्पेगइया कलकलभरिएहिं अप्पेगइया खातेछभरिएहिं महया-महया रायाभिसेणं अभिसिंचति तयाणंतरं च तत्तं समजोइभूयं अयोमयं संडासंगं गहायं हारं पिण्णद्वंति तयाणंतरं च णं अछहारं जाव पट्टु मउडं चित्ता तहेव जाव वागरेइ- एवं खलु गोयमा तेणं कालेणं तेणं समएणं इहेव जंबुहीवे दीदे भारहे वासे सीहुरे नामं नयरे होत्या-रिद्विथियसमिष्टे तत्य णं सीहुरे नामं नयरे सीहरहे नां राया होत्या तस्स णं सीहरस्स रणो जुझोहणे नामं चारगपाले होत्या-अहम्मिए जाव दुष्पडियाणंदे तस्स णं दुज्रोहणस्स चारगपालस्स इपेयासवे चारगम्डे होत्या- तस्स णं जुझोहणस्स चारगपालस्स बहवे अयकुंडीओ-अप्पेगइयाओ तंबभारियाओ एवं तउय सीसग-कल कल-खार तेल्लभरियो अगणिकायंसि अद्वहि-याओ चिद्विति तस्स णं दुज्रोहणस्स चारगपालस्स बहवे उद्वियाओ-अप्पेगइयाओ आसमुत्तभरियाओ अप्पेगइयाओ हत्यिमुत्तभरियाओ अप्पेगइयाओ अप्पेगइयाओ गोमुत्तभरियाओ अप्पेगइयाओ महिसमुत्तभरियाओ अप्पेगइयाओ अप्पेगइयाओ एलमुत्तभरि-याओ-बहुपडिपुन्राओ चिद्विति तस्स णं दुज्रोहणस्स चारगपालस्स बहवे हत्यंदुयाण य पायंदुयाण य हडीण य नियलाण य संकलाण य पुंजा य निगाय य संनिक्षिता चिद्विति तस्स णं दुज्रोहणस्स

चारगपालस्स बहवे वेणुलयाणं प वेत्तलयाण य चिंचालयाण य छियाण य कसाण य वायरासीण य पुंजा य निगरा य संनिक्षित्ता चिद्वृति तस्स णं दुऽग्रोहणस्स चारगपालस्स बहवे सिलाण य लउडाण य मोगराण य कणगराण य पुंजा य निगरा य संनिक्षित्ता चिद्वृति तस्स णं दुऽग्रोहणस्स चारग-पालस्स बहवे तंतीण य दरत्ताण य वागरज्जूण य थालयसुतरज्जूण य पुंजा य जाव चिद्वृति तस्स णं दुऽग्रोहणस्स चारगपालस्स बहवे असिपत्ताण य करपत्ताण य खुरपत्ताण य कलंब- चीरपत्ताण य पुंजा य जाव चिद्वृति तस्स णं दुऽग्रोहणस्स चारगपालस्स बहवे लोहखीलाण य कडसक्काराण य चम्पपट्टाण य अलीपट्टाण य पुंजा य जाव चिद्वृति तस्स णं दुऽग्रोहणस्स चारगपालस्स बहवे सत्याण य पिप्पलाण य कुहाडाण य नहच्छेयणाण य दव्वाण य पुंजा य जाव चिद्वृति तए णं से दुऽग्रोहणे चारगपाले सीहरहस्स रण्णो बहवे चोरे य पारदारिए प गंठिठेए य रायावकारी य अणहारए य बालपायए य विस्संभगावे य जूङागरे य संदपट्टे य पुरिसेहि गिण्हावैइ गिण्हावेता उत्ताणए पाडेइ लोहदंडेण मुहुं विहाडेइ विहाडेता अप्पेगइए तत्ततंबं पञ्जेइ अप्पेगइए तउयं पञ्जेइ जाव अप्पेगइए खारतेलं पञ्जेइ अप्पेगइयाणं तेणं देव अभिसेगं करेइ अप्पेगइए उत्ताणए पाडेइ पाडेता आसमुतं पञ्जेइ अप्पेगइए हथ्यिमुतं पञ्जेइ जाव एलमुतं पञ्जेइ अप्पेगइए हेडामुहए पाडेइ छडछडस्स वम्मावेइ वम्मावेता अप्पेगइए तेणं देवत्य ओरीलं दलयइ अप्पेगइए हत्यंदुयाइं बंधावेइ अप्पेगइए पायंदुए वंधावेइ अप्पेगइए हडिंबंधणं करेइ अप्पेगइए नियलबंधणं करेइ अप्पेगइए संकोडियमोहियए करेइ अप्पेगइए संकलबंधणं करेइ अप्पेगइए हत्यचिण्णणए करेइ जाव सत्योवाडियए करेइ अप्पेगइए वेणुलयाहि य जाव वायरासिहि य हणावेइ अप्पेगइए उत्ताणए कारवेइ कारवेता डेरे सिलं दलावेइ दलावेता तओ लउडं छुहावेइ छुहावेता पुरिसेहि उक्कंपावेइ अप्पेगइए तंतीहि य जाव मुतरज्जूहि य हत्येसु य पाएसु य वंधावेइ अगडंसि ओचूलं बोलगं पञ्जेइ अप्पेगइए असिपत्तेहि य जाव कलंबचौ-रपतोहि य पच्छावेइ पच्छावेता खारतेलेणं अर्खंगावेइ अप्पेगइयाण निलाडेसु य कोप्परेसु य जाणूसु खलुएसु य लोहकीलाए य कडसक्कराओ य दवावेइ अलिए भंजावेइ अप्पेगइए सूर्हओ य डंभणाणि य हत्यंगुलियासु य पायंगुलियासु य कोट्टिलाएहि आउडावेइ आउडावेता भूमिं कंडुवावेइ अप्पेगइए सत्योहि य जाव नहच्छेयपेहि य अंगं पच्छावेइ दवभेहि य कुरोहि य उळ्ळयदेहि य वेदावेइ आयवंसि दलयइ दलइत्ता सुक्के समाणे चडचडस्स उप्पाडेइ तए णं से दुऽग्रोहणे चारगपाले एयकम्भे जाव एयसमायारे सुवहुं पावकम्भं समझिणित्ता एगतीसं वाससयाइं परमाउइं पालइत्ता कालमासे कालं किद्या छट्टीए पुढवीए उक्कोसेणं बावीससागरोवमद्विइसु नेरइएसु नेरइत्ताए उव्वण्णे

१२५-२६

(३०) से णं तओ अनंतरं उव्वद्वित्ता इहेव महुराए नयरीए सिरिदामस्स रण्णो बंधुसिरीए देवीए कुच्छिसि पुतत्ताए उच्चवण्णे तए णं बंधुसिरी नवहणं मासाणं बहुपडिपुत्राणं जाव दारगं पयाया तए णं तस्स दारगस्स अम्भापियरो निव्वतबारसाहे इमं एयारुवं नामधेज्जं करेति-होउ णं अम्भं दारगे नंदिवद्धणे नामेण तए णं से नंदिवद्धणे कुमारे पंचधाईपरियुडे जाव परिवद्धइ तए णं से नंदिवद्धणे कुमारे उम्मुक्कबालभावे विहरइ जाव जुव- राया जाए यावि होत्या तए णं से नंदिवद्धणे कुमारे रजे य जाव अतेऽरे य मुच्छिए मिद्धे गढिए अज्ञोबवण्णे इच्छइ सिरिदामं रायं जीवियाओ वबरोवेता सप्तपेव रजसिरिं कारेमाणे पालेमाणे विहरित्तए तए णं से नंदिवद्धणे कुमारे सिरिदामस्स रण्णो

बहूणि अंतराणि य छिद्राणि य विरहाणि य पडिजागरमाणे विहरइ तए णं से नंदिवद्धणे कुमारे सिरिदामस्स रण्णो अंतरं अलभमाणे अण्णाचा कयाइ चितं अलंकारियं सद्वावेदि सद्वावेता एवं वयासी-तुमं णं देवाणुप्पिया सिरिदामस्स रण्णो सव्वद्वावेषु य सव्वभूमियासु य अंतेउरे य दिण्णवियारे सिरिदामस्स रण्णो अभिकृष्णं-अभिकृष्णं अलंकारियं कर्म्म करेमाणे विहरसि तं णं तुमं देवाणुप्पिया सिरिदामस्स रण्णो अलंकारियं कर्म्म करेमाणे गीवाए खुरं निवेसेहि तो णं अहं तुमं अद्भुतज्ञियं करिस्सापि तुमं अहेहि सर्व्वं उरालाइ भोगभोगाइ धुंजमाणे विहरितसि तए णं से चिते अलंकारिए नंदिवद्धणस कुमारस्स वयणं एयमद्वं पडिसुणेइ तए णं तस्स चितास्स अलंकारियस्स इमेयाहुवे अन्नत्रियेऽजाव समुपचित्या जइ णं मम सिरिदामे राया एयमद्वं आगमेइ तए णं मम न नञ्जइ केणइ अमुभेणं कुमारेणं मारिस्सइ ति कटु भीए तत्ये तसिए उच्चिरे संजावधए जेणेव सिरिदामे राया तेणेव उवागच्छइ उवागचित्ता सिरिदामं गचं रहस्यियं करवल जाव एवं वयासी- एवं खलु सार्पी नंदिवद्धणे कुमारे रज्जे य जाव अंतेउरे मुच्छिए गिर्दे गढिए अन्ज्ञोवयणे इच्छइ तुम्हे गीवियाओ ववरोविता सयमेव रङ्गसिं करेमाणे पालेमाणे विहरिताए तए णं से सिरिदामे राया चित्तास्स अलंकारियस्स अंतीए एयमद्वं सोद्या निसम्म आसुरुते जाव साहद्वं नंदिवद्धणं कुमारं पुरिसेहि गिणहावेता एएणं विहाणेण वन्नं आणवेइ तं एवुं खलु गोयमा नंदिवद्धणे कुमारे [पुरा पोराणाणं दुच्छिणाणं दुप्पडिक्कर्ताणं अनुभाणं पावाणं कडाणं कम्पाणं पावाणं फलवितिविसेसं पद्याणुभवमाणे] विहरइ नंदिवद्धणे कुमारे इओ चुए कालमासे कालं किद्या काहें गच्छिहिड कहिं उववत्रिहिड गोयमा नंदिवद्धणे कुमारे साह्वं वासाइं परमाउं पालइत्ता कालमासे कालं किद्या इमीसे रयणप्पभाए पुटवीए नेइपत्ताए उववत्रिहिड संसारो तहेव तओ हृथिणिउरे नयरे मच्छत्ताए उववत्रिहिड से णं तत्ये पचिष्ठेहि वहिए समाणे तत्येव सेढुकुले पुत्तत्ताए पद्यापाहिड वोहि सोहम्ये कप्ये महाविदेहे वासे सिन्धिहिड जाव सव्वदुक्खाणं अंतं करोहि [एवं खलु जंवु समपेणं भगवया पहावीरेण जाव संपत्तेणं दुहविवायाणं छह्सस अन्नयणस्स अयमद्वं पश्चते] ति देवि। २६।-२७

● पद्ये मुख्यकृत्यं उद्भु अन्नयणं समतं ●

-: स त मं अ न्न य णं-उ र द से :-

(३१) जइ णं भंते [समपेणं भगवया महावीरेण जाव संपत्तेणं दुहविवायाणं छह्सरा अन्नयणस्स अयमद्वं पश्चते सत्तमस्स णं भंते अन्नयणस्स समपेणं भगवया महावीरेण के अहे पश्चते तए णं से सुहम्ये अणगारे जंवू-प्रणगारं एवं वयासी]-एवं खलु जंवू तेणं कालेणं तेणं समएणं पाडलिसंडे नयरे सागरदते सत्यवाहे होत्या-अद्वे गंगाइता भारिया तस्स णं सागरदत्तस्स पुते गंगाइता भारियाए अत्तए उवरदते नामं दाराए होत्या-अहीण-पडिपुत्रा-पंचिदियसरीरे तेणं कालेणं तेणं समएणं समोसरणं जाव परिसा पडिगया तेणं कालेणं तेणं समएणं भगवं गोयमे तहेव जेणेव पाडलिसंडे नयरे तेणेव उवागच्छइ उवागचित्ता पाडलिसंडे नयरं पुरात्यपिलेणं दुवारेणं अनुप्पविस्तइ अनुप्पविसिता तत्ये णं पासइ एगं पुरिसं-कच्छुलं कोटिपं दाओयरियं घगंदलियं अरिसिलं कासिलं ससिलं सोगिलं सूयमुहं सूयहत्यं सूयपायं सडियहत्यगुलियं सडियपायंगुलियं सडियकण्ण-नासियं रसियाए य पूरणं य यिविधियितं वणमुहकिमिउत्थेत-पगलंतपूयरुहिरं लालापगलंत-कर्णनासं अभिकृष्णं-अभिकृष्णं पूयकवले य रुहिरकवले य किमियकवले य वमपाणं कठाइ

कलुणाइं दीसराइं कूवमाणं मच्छियाघडगरपहकरेणं अणिज्ञमाणमाणं फुट्टहडाहडसीसं दंडिखंड-दसणं खंडमलखंडधडहस्थायं गोहे-गेहे देहंदलियाए वित्ति कप्पेमाणं पासइ तथा भगवं गोयमे उच्चनीय- [मन्जिनय-कुलाइं अडमाणे] अहापञ्चतं समुदाणं गिण्हाइ पाडलिसंडाओ नवराओ पडिनि-कवमझइ पडिनिक्षमित्ता जेणेव समणे भगवं महावीरतेषेव उवागच्छइ उवागच्छिता भत्तपणं आलोएइ भत्तपाणं पडिंदंसेइ समणेणं भगवया महावीरेणं अव्यमुण्णाए [समणे अमुच्छिए अगिद्दे-अगढिए अणज्ञोववणे] चिलमिव पश्चगभूते अप्पाणेणं आहारमाहारेइ संजमेणं तवसा अप्पाणं भावेमाणे विहारइ तए णं से भगवं गोयमे दोद्धं पि छटुक्खमणपारणगंसि पढमाए पोरिसीए सज्जायं कोइ जाव पाडलिसंडं नयरं दाहिणिलेणं दुवारेणं अनुप्पविसइ तं चेव पुरिसं पासइ-कच्छुलं तहेव जाव संजमेणं तवसा अप्पाणं भावेमाणे विहारइ तए णं से भगवं गोयमे तद्यं पि छटुक्खमणपारणगंसि तहेव जाव पाडलिसंडं नयरं पद्धत्यिमिलेणं दुवारेणं अनुप्पविसमाणे तं चेव पुरिसं पासइ-कच्छुलं चउत्थं छटु उत्तरेणं इमेयास्त्वे अज्ञाथिए जाव संकप्ये समुप्पत्ते-अहो णं इमे पुरिसे पुरा पोराणाणं जाव एवं वयासी-एवं खलु अहं भत्ते छटुक्खमणपारणगंसि जाव रियंते जेणेलव पाडलिसंडं नयरे तेणेव उवागच्छामि उवागच्छिता पाडलिसंडं नयरं पुरत्यिमिलेणं दुवारेणं अनुप्पविद्दे तत्थं णं एगं पुरिसं पासामि कच्छुलं जाव देहंबलियाए वित्ति कप्पेमाणं तए णं अहं दोद्धछटुक्खमणपारणगंसि दाहिणिलेणं दुवारेणं तहेव तद्यछटुक्खमणपारणगंसि पद्धत्यिमिलेणं दुवारेणं तहेव तए णं अहं चोत्थालुक्खमणपारणगंसि उत्तरदुवारेणं अनुप्पविसामि तं चेव पुरिसं पासामि कच्छुलं जाव देहंबलियाए वित्ति कप्पेमाणं चिंता ममं से णं भत्ते पुरिसे पुव्वभवे के आसि (एवं) पुव्व भव पुच्छा वागरेइ एवं खलु गोयमा तेणं कालेणं तेणं समएणं इहेव जंबुदीवे दीवे भारहे वासे विजयपुरे नामं नयरे होत्या-रिद्धत्यमियसमिद्दे तत्थं णं विजयपुरे नयरे कणगरहे नामं राया होत्या तस्स णं कणगरहस्स रण्णो धण्णांतरी नामं वेझे होत्या-अटुगाउव्वेयपाढ्हए तं जहा कुमारभिद्यं सालागे सल्लहते कायतिगिच्छा जंगोते भूयविज्ञे रसायणे बाजीकरणे सिवहत्ये मुहहत्ये लहुहत्ये तए णं से धण्णांतरी वेझे विजयपुरे नयरे कणगरहस्स रण्णो अंतउरे य अण्णेसि च वहूणं राईसर-जाव सत्यवाहाणं अण्णेसि च वहूणं दुव्वलाण य गिलाणाण य वाहियाण य रोगियाण य सणाहाण य अणाहाण य समणाण य भिक्खुगाण य करेडियाण य कप्पडियाण य आउराण य-अप्पेगइयाणं मच्छमंसाइं उवदिसइ अप्पेगइयाणं कच्छमंसाइं अप्पेगइयाणं गाहमंसाइं अप्पेगइयाणं मगरमंसाइं अप्पेगइयाणं सुंसुमारमंसाइं अप्पेगइयाणं अयमंसाइं एवं-एलय-रोज्ञ-सूर्य-मिग-ससय-गो-महि-समंसाइं उवदिसइ अप्पेगइयाणं तितिरमंसाइं उवदि- सइ अप्पेगइयाणं वद्वक-ल्लावक-कोदोय-कुक्कुड-मयूरमंसाइं उवदिसइ अण्णेसि च वहूणं जलयर-थलयर-खहयरपाईणं मंसाइं उवदिसइ अप्पणा वि णं से धण्णांतरी वेझे तेहि बहूहिं मच्छमंसेहि य जाव मयूरमंसेहि य अण्णेहि य वहूहिं जलयर-थलयर-खहयरमंसेहि य मच्छरसएहिं य सोल्लेय तलिएहि य भद्रिएहि य सुरं च महुं च मेरगं च जाइं च सीधुं च पसणं च आसाएमाणे वीसाएमाणे परिभाएमाणे परिभुजेमाणे विहारइ तए णं से धन्नांतरी वेझे एयकम्बे एयविज्ञे एयसमायारे सुबहुं पावं कम्बं समजिणिता बत्तीसं वाससयाइं परमातं पालइत्ता कालमासे कालं किद्या छट्टीए पुद्वीए उक्कोसेणं बावीसासागरोवमद्विइएसु नेरइएसु नेरइत्ताए उववणे तए णं सा मंगदत्ता मारिया जायनिदुया यावि होत्या-जाया दाराण विणिधायमावञ्चति तए णं तीसे गंगदत्ताए सत्यवाहीए अण्णया

कवाइ पुव्वरतावरत्तकालसमयंसि कुङ्कुबजागरियं जागरमाणीए अयं अञ्जत्विए जाव संकपे समुप्पणे-एवं खलु अहं सागरदत्तेण सत्यवाहेण संदिं बहूदं वासाइ उरालाइ माणुस्सागाइ भोग-भोगाइ भुजमाणी विहारि नो देव णं अहं दारगं वा दारियं वा पयामि तं धण्णाओ णं ताओ अम्याओ जाव कयविहाओ णं ताओ अम्याओ सुलखे णं तासि अम्याणं माणुस्साए जम्यनी-वियफले जासि मणे नियगकुचिंसंभूयगाइ थण्दुद्धलुक्ष्याइ महुरसमुखावगाइ ममणपंजपियाइ थण्यूला कक्षदेसभागं अभिसरमाणवाइ मुद्धयाइ पुणो थ कोमलकमलोवमेहिं हत्यिहिं गिञ्छिंऊण उच्छंगे निवेसिवाइ देंति समुखावए समधुरे पुणो-पुणो मंजुलपथपणिए अहं णं अधना अपुत्रा अकवपुत्रा एतो एगतरमवि न पत्ता तं सेयं खलु मम कल्पं पाउप्यभायाए रवणीए जाव उद्घियमि सूरे सहस्ररसिस्मि दिणवरे तेयसा जलंते सागरदत्तं सत्यवाहं आपुचित्ता सुवहुं पुफ्फ-वत्य-गंध-मझालंकार गहाय बहूहिं मित-जाव परियणमहिलाहि संदिं पाडलिसंडाओ नयराओ पडिनिक्ख-मिता वहिदा जेणेव उंवरदत्तस्स जक्खस्स जक्खाययणे तेणेव उवागचित्ता तत्य णं उंवरदत्तस्स जक्खस्स पहरिहं पुफ्फयणं करेत्ताजाणुपायपडियाए ओवाइत्तए-जइ णं अहं देवाणुपिया दारगं वा दारियं वा पयामि तो णं अहं तुव्वं जायं च दायं च भायं च अञ्जवयोनेहिं च अनुवद्दिस्सामि ति कट्टु ओवाइयं ओवाइणित्तए-एवं संपेहेद्द संपेहेत्ता कलं पाउप्यभायाए रयणीए जाव उद्घियमि सूरे सहस्ररसिस्मि दिणवरे तेयसा जलंते जेणेव सागरदत्ते सत्यवाहे तेणेव उवागच्छइ उवागचित्ता सागरदत्तं सत्यवाहं एवं वयासी-एवं खलु अहं देवाणुपिया तुव्वेहिं संदिं बहूदं वासाइ उरालाइ माणुस्सागाइ भोगभोगाइ भुजमाणी जाव एतो एगमवि न पत्ता तं इच्छामि णं देवाणुपिया तुव्वेहिं अव्यणुण्णावा जाव ओवाइणित्तए तए णं से सागरदत्ते सत्यवाहे गंगदत्तं भारियं एवं वयासी ममं पि णं देवाणुपिये एस देव मनोहे कहं णं दारगं वा दारियं वा पयाएऽज्ञासि गंगदत्ताए भारियाए एयमठं अनुजाणइ तए णं सा गंगदत्ता भारिया सागरदत्तसत्यवाहेणं एयमद्वं अव्यणुण्णाया समाणी जाव पाडलिसंडं नयरं मञ्जांपञ्जेणं निगच्छइ निगचित्ता जेणेव पुक्खरिणी तेणेव उवागच्छइ उवागचित्ता पुक्खरिणीए तीरे सुवहुं पुफ्फ-वत्य-गंध-मझालंकारं ठवेइ ठवेत्ता पुक्खरिणीं ओगाहेइ ओगाहेत्ता जलमञ्जणं करेइ करेत्ता जलकिंहुं कोइ करेत्ता एहाया कयबलिक्ष्मा कयकोउय-मंगल-पायचित्ता उङ्गपसङ्किया पुक्खरिणीओ पद्मुत्तइ पद्मुत्तिरिता तं पुफ्फ-वत्य-गंध-मझालंकार गेष्हइ गेष्हित्ता जेणेव उंवरदत्तस्स जक्खस्स जक्खायणे तेणेव उवागच्छइ उवागचित्ता उंवरदत्तस्स जक्खस्स आलोए पणामं करेइ करेत्ता लोमहत्ययं परामुसइ परामुसित्ता उंवरदत्तं जक्खं लोम-हत्यएणं पमञ्जइ पमञ्जित्ता दगधाराए अव्युक्खेत्ता पमहल-सुकुमाल-गंधकासाइयाए गायलट्टी ओलूहइ ओलूहित्ता सेयाइ वत्ताइं परिहेइ परिहेत्ता महरिहं पुफ्फारुहणं मलारुहणं गंधारुहणं चुण्णारुहणं करेइ करेत्ता धूवं डहइ डहित्ता जम्युपायवडिया एवं वच्छ-जइ णं अहं देवाणुपिया दारगं वा दारियं वा पयामि तो णं जाव ओवाइणित्ता जामेव दिसं पाउव्यूया तामेव दिसं पडिगया तए णं से धण्णंतरी वेच्चे ताओ नरयाओ अनंतरं उव्वद्वित्ता इहेव जंबुदीवे दीवे पाडलिसंडे नयरे गंगदत्ताए भारियाए कुचिंसि पुत्तताए उववचणे तए णं तीसे गंगदत्ताएओ भारियाए तिणं मासाणं वहुपडिपुत्राणं अयमेयारुवे दोहले पाउव्यूय-धण्णाओ णं ताओ अम्याओ जाव फले जाओ णं विउलं असणं पाणं खाइं साइमं उवक्खडावेति उवक्खडावेत्ता बहूहिं मित-जाव संदिं परिवुडाओ तं विउलं असणं पाणं खाइं साइमं सुरं च मरुं च भेरगं च जाइं च सीधुं

च पस्त्रणं च पुष्प-[वत्य-गंध-मल्लालंकारं] गहाय पाडलिसंडं नयरं मज्जामज्जेणं पडिनिक्खमंति पडिनिक्खमिता जेणेव पुक्खरिणी तेणेव उवागच्छति उवागच्छित्ता उक्खरिणीं ओगाहेति ओगाहेता ण्हायाओ [क्यवलिकम्माओ क्यकोउय-मगंलं]-पायच्छथित्ताओ तं विउलं असणं जाव साइमं बहूहिं मित्त-जाव परिभुंजेति दोहलं विणोति-एवं संपेहेइ संपेहेत्ता कल्लं पाउप्पमाययाए रथणीए जाव उड्डियम्मि सूरे सहस्रसिस्मि दिणवरे तेयसा जलंते जेणेव सागरदत्ते सत्थवाहे तेणेव उवागच्छइ उवागच्छित्ता सागरदत्तं सत्थवाहं एवं वयासी-धण्णाओ णं ताओ अम्मयाओ जाव दोहलं विणोति तं इच्छामि णं देवाणुप्पिया तुव्वेहिं अब्धपुण्णाया जाव दोहलं विणित्तए तए णं से सागरदत्ते सत्थवाहे गंगदत्ताए भारियाए एव्यम्हं अनुजाणइ तए णं सा गंगदत्ता सागरदत्तेणं सत्थवाहेणं अब्धपुण्णाया समाणी विउलं असणं पाणं खाइमं उक्खडावेइ उवक्खडावेत्ता तं विउलं जसणं जाव परिरेणायेत्ता वहूहिं मित्त-जाव सद्दिं ण्हाया क्यवलिकम्मा क्यकोउय-मगंल-पायच्छित्ता जेणेव उंवरदत्तस्स जक्खस्स जक्खाययणे तेणेव उवागच्छइ जाव धूवं डहेइ डहेताजेणेव पुक्खरिणी तेणेव उवागच्छइ तए णं ताओ मित्त- [नाइ-नियग-सयण-संबंधिः]-परियण महिलाओ गंगदत्त सत्थवाहिं सव्यालंकार-विभूसियं करेति तए णं सा गंगदत्ता भारिय ताहिं मित्त-जाव अण्णाहि य बहूहिं नगरमहिलाहिं सद्दिं तं विउलं असणं जाव परिभुंजेमाणी दोहलं विणेइ विणेत्ता जामेव दिसं पाउब्यूया तामेव दिसं पडिगया तए णं सा गंगदत्ता सत्थवाही संपुण्णदोहला तं गव्यं सुहंसुहेणं परिवहइ तए णं सा गंगदत्ता भारिया नवण्णं मासाणं [बहुपडिपुन्नाणं दारणं] पयाया ठिङ्डिया जाव जम्हा णं अहं इमे दारए उंवरत्तस्स जक्खस्स ओवाइयलह्यए तं होउ णं दारए उंवरदत्ते नामेणं तए णं से उंवरदत्ते पंचधाईपरिगहिए परिवह्येह तए णं से सागरदत्ते सत्थवाहे जहा विजयमित्ते जाव कालमासे कालं किञ्चा गंगदत्ता वि. [एवं], तए णं ते नगरगुतिया गंगदत्त सत्थवाहिं कालगवं जाणित्ता उंवरदत्तं दारणं साओ गिहाओ निच्छुभेति निच्छुभेता तं गिहं अण्णास्स दलयंति तए णं तस्स उंवरदत्तस्स दारणस्स अन्नया क्याइ सरीरागंसि जमगसमामेव सोलस रोगायंका पाउब्यूया तए णं से उंवरदत्ते दारए सोलसहिं रोगायंकेहिं अभिभूए समाणे कच्छुले जाव देहंबलियाए विर्तिं कप्मेमाणे विहरइ एवं खलु गोयमा उंवरदत्ते दारए पुरा पोराणाणं [दुश्चिष्णाणं दुष्पडिक्कंताणं असुभाणं पावाणं कडाणं कम्माणं पावाणं फलवित्तिविसं पद्धणुमवमाणे] विहरइ उंवरदत्ते णं भंते दारए कालमासे कालं किञ्चा कहिं गच्छिहिइ कहिं उववज्जिहिइ गोयमा उंवरदत्ते दारए बावतरिं वासइं परमाउं पालइत्ता कालमासे कालं किञ्चा इमीसे रयणप्पमाए पुट्टवीए नेरइएसु नेरइयत्ताए उववज्जिहिइ संसारो तहेव तओ हत्यिणाउरे नयरे कुक्कुडत्ताए पद्धायाहिइ से पं गोद्विज्ञाएहि वहिए तत्येव हत्यिणाउरे नयरे शेष्टिकुलंसि उववज्जिहिइ बोही सोहम्ये कप्मे महाविदेवे वासे सिञ्जिहिइ [एवं खलु जंबू समणेणं पागवया महावीरेणं जाव संपत्तेणं दुहविवागाणं सत्तमस्स अज्ञायणस्स अयम्हं पत्रत्ते तिः] वेमि

१२७।-२८

● पद्मे सुयक्ष्मये सत्तवं अज्ञायणं समतं ●

-ः अ हु मं अ ज्ञ य णं-सो रि प द त्ते :-

(३२) जइ णं भंते [समणेणं भगवया महावीरेणं जाव संपत्तेणं दुहविवागाणं सत्तमस्स अज्ञायणस्स अयम्हं पत्रते अट्टमस्स णं भंते अज्ञायणस्स समणेणं भगवया महावीरेणं के अड्डे पत्रते तए णं से सुहम्ये अणगारे जंबू-अणगारं एवं खलु जंबू तेणं कालेणं तेणं समणेणं

सोरियपुरं नयरं सोरियवडेसंगं उद्गाणं सोरिओ जकखो सोरियदते राया तस्स णं सोरियपुरस्स नयरस्स बहिया उत्तरपुरत्व्यमे दिसीभाए एत्य णं एगे मच्छंघपाडए होत्या तत्य णं समुद्रदते नामं मच्छंघे परिवसइ-अहम्मिए जाव दुष्पिडियाण्दे तस्स णं समुद्रदत्तस्स समुद्रदता नामं भारिया होत्या-अहीण-पडिपुत्रपंचिदियसरीरा तस्स णं समुद्रदत्तस्स मच्छंघस्स पुते समुद्रदत्ताए भारियाए अतए सोरियदते नामं दारए होत्या-अहीण-पडिपुण्ण-पंचिदियसरीरे तेणं कालेणं तेणं समएणं सामी समोसदे जाव परिसा पडिगया तेणं कालेणं तेणं समएणं समणस्स भगवओ महावीरस्स जेढे सीसे जाव संतोरियपुरे नयरे उद्ग-नीय-मन्निमाइं कुलाइं अडमाणे अहापडत्तं समुदाणं गहाय सोरिय-पुराओ नयराओ पडिनिकखमइ पडिनिकखमिता तस्स मच्छंघपाडगास्स अटूरसामंतेणं वीईवयमाणे महाइमहालियाए मणुस्सपरिसाए मन्नागयं पासइ एगं पुरिसं-सुकूं भुक्खं निम्बांस अडिचमावणद्वं किडिकिडियामूर्य नीलसाडगनियत्यं भक्तकंटएणं गलए अनुलगणेणं कहुइं कलुणाइं वीसराइं उक्कूवमाणं अधिकखणं-अभिकखणं पूयकवले य रुहिकवले य किमियकवले य वममाणं पासइ पासिता इभेवारुवे अज्ञत्विए जाव संकपे समुप्तित्या-अहो णं इमे पुरिसे पुरा पोराणाणं जाव विहाइ-एवं संपेहइ संपेहेता जेणेव समाणे भगवं महावीरे तेणेव उवागच्छइ पुत्वपवपुच्छा जाव वागरणं एवं खलु गोयमा तेणं कालेणं तेणं समएणं इहेव जंबुद्वावे दीवे भारहे वासे नंदिपुरे नामं नयरे होत्या मिते राया तस्स णं मितस्स रण्णो सिरीए होत्या-अहम्मिए जाव दुष्पिडियाण्दे तस्स णं सिरीयस्स महाणसियस्स वहवे मच्छिया य वागुरिया य सातणिया य दिण्णयभइ-भत्त-वेयणा कलाकळिं वहवे सण्हमच्छा य जाव पडागाइपडागे य अह य जाव महिसे य तितिरे य जाव मध्ये य जीवियाओ य वरोवेंति यवरोवेता सिरीयस्स महाणसियस्स उवणेति अन्ने य से वहवे तितिरा य जाव मद्याया य पंचरंसि संनिरुद्धा विहृति अण्णे य वहवे पुरिसा दिण्णभइ-भत्तवेयणा ते वहवे तितिरे य जाव मद्यूरे य जीवंतए चेव निष्पक्खंवेति निष्पक्खेता सिरीयस्स महाणसियस्स उवणेति तेणं से सिरीए महाणसिरए दहूणं जलयर-थलयर-खहयराणं मंसाइं क्षपणी-क्षियाइं करेइ तं जहा-सप्तखंडियाणि य वद्विंडियाणि य दीहुंडियाणि य रहस्सखंडियाणि य हिमप-क्काणि य जम्पक्काणि य धम्पक्काणि य मारुयपक्काणि य कालाणि य हेरंगाणि य महिद्वाणि य आमलरसियाणि य मुद्दिवारसियाणि य कविदुरसियाणि य दालिमरसियाणि य मच्छरसियाणि य तलियाणि य भञ्जियाणि य सोलियाणि य उवक्खडावेति उवक्खडावेता अण्णे य वहवे मच्छरसए य एण्ड्रारसए य तितिरसए य जाव मधूररसए य अण्णं च विउलं हरियसां उवक्खडावेति उवक्खडावेता मितस्स रण्णो भोयणमंडवेलाए उवणेति अप्यणा वि णं से सिरीए महाणसिए तेसि च वद्वृहिं जलयर-थलयर-खहयरपंसेहि च रसिएहि य हरियसागेहि य सोल्वेहि य तलिएहि य भञ्जिएहि य सुरं च महुं च मेरां च जाइं च सीधुं च पसण्णं च आसाएमाणे वीसाएनाणे परिभाएमाणे परिभुज्जेमाणे विहाइ तए णं से सिरीए महाणसिए एयकम्मे एयपंहाणे एयविये एयसमावारे सुवहुं [पावं कर्म्म कलिकलुसं] समज्जिणिता तेतीसं वाससयाइं परमाउं पालइत्ता कालमासे कालं किद्या छहुइं पुढ्वीए उववण्णो तए णं सा समुद्रदत्ता भारिया निंदू यावि होत्या-जाया-जाया दारगा विणियायमावज्ञति जहा गंगदत्ताए विता आपुच्छणा ओवाइयं दोहलो जाव दारां पवाया जाव जम्हा णं अहं इमे दारए सोरियस्स चक्खास्स ओवाइयलद्वए तम्हा णं होउ अहं दारए सोरियदते नामेणं तए णं से सोरियदते दारए पंचधाइपरिगहिए जाव उम्मुक्कदालभावे

विण्णयपरिणयमेते जोव्यणगमणुप्पते यावि होत्या तए णं से समुद्रदत्ते अण्णया कयाइ काल-धभुणा संजुते तए णं से सोरियदत्ते दारए बहूहिं मित्त-ज्ञाव रोयमाणे कंदनाणे विलमाणे समुद्रदत्तस नीहरण करेइ करेता बहूइं लोइयाइं मयकिद्याइं करेइ अण्णया कयाइ सयमेव मच्छंधमहत्तरत्तं उवसंपत्तिता णं विहरइ तए णं से सोरियदत्ते दारए मच्छंधे जाए अहम्भिए जाव दुप्पडियाणदे तए णं तस्स सोरियदत्तस मच्छंधस्स वहवे पुरिसा दिण्णभइ भत्त वेयणा कल्लाकल्लि एगाट्टियाहिं जउणं महानइं ओगाहेत्ता बहूहिं दहगलणेहिं य दहमलणेहिं य दहमदणेहिं य दहमणेहिं य दहवहणेहिं य दहपवहणेहिं य मच्छंधुलेहिं य पंयचुलेहिं य पंयपुलेहिं य जंभाहिं य तिसराहिय भिसराहिय धिसराहिय विसराहिय हिल्लिरीहिय पिल्लिरीहिय गिल्लिरीहिय झिल्लिरीहिय जालेहिं य गलेहिं य कूडपासेहिं य वक्कवंधेहिं य सुत्तवंधेहिं य यालवंधेहिं य बहवे सण्हमच्छे जाव पडागाइपडागे य गेण्हति एगाट्टियाओ भरेत्ता कूलं गाहेत्ता गाहेत्ता मच्छखलए करेति करेता आयवंसि दलयंति अण्णे य से वहवे पुरिसा दिण्णभइ-भत्त-वेयणा आयव-तत्तरहिं मच्छेहिं सोल्लेहिं य तलिवाहिं य भज्जिएहिं य रायमाणांसि थित्तिं कथेमाणा विहरंति अण्णा विं णं से सोरिय-दरो वहूहिं सण्हमच्छेहिं य जाव पडागाइपडागेहिं य सोल्लेहिं य तलिएहिं य जाव परिभुंजेमाणे विहरइ तए णं तस्स सोरियदत्तस्स मच्छंधस्स अण्णया कयाइ ते मच्छे सोल्ले य तलिए य भज्जिए य आहारमाणास्स मच्छकंटए गलए यावी होत्या तए णं से सोरियदत्ते मच्छंधे महयाए वेयणाए अभिभूए समाणे कोङ्कियपुरिसे सदावेइ सहावेत्ता एवं वयासी-गच्छहं णं तुब्बेदेवाणुप्पिया सोरियपुरे नवरे सिंपाडग-जाव पहेसु य महया-महया सदेणं उग्धोसेमाणा एवं वयह-एवं खलु देवाणुप्पिया सोरियदत्तस्स मच्छकंटए गले लग्गे तं जो णं इच्छइ देज्जो वा वेज्जपुत्तो वा जाणुओ वा जाणुयपुत्तो वा तेगिच्छिओ वा तेगिच्छियपुत्तो वा सोरियदत्तस्स मच्छियस्स मच्छकंटवं गलाओ नीहरित्तए तस्स णं सोरियदत्ते विउलं अत्यसंपयाणं दलयइ तए णं ते कोङ्कियपुरिसा जाव उग्धो-सति तए णं ते वहवे वेज्जा य वेज्जपुत्ता य जाणुयपुत्ता य तेगिच्छिया य तेगिच्छियपुत्ता य इमं एयारुवं उग्धोसणं निसामेति निसामेत्ता जेणेव सोरियदत्तस्स गेहे जेणेव सोरियदत्ते मच्छंधे तेणेव उवागच्छेति उवागच्छिता वहूहिं उपरित्तायाहिं य वेण्णइयाहिं य कमियाहिं य परिणामियाहिं य बुद्धीहिं परिणामेमाणा-परिणामेयाणा वयणोहिं य छुहौहिं य ओवीलणेहिं य कवलागाहेहिं य समुद्ररणेहिं य विसल्लकरणेहिं य इच्छंति सोरियदत्तस्स मच्छंधस्स मच्छकंटवं गलाओ नीहरित्तए नो संचाएंति नीहरित्तए वा विसोहित्तए वा तए णं ते वेज्जा य जाव तेगिच्छियपुत्ता य जाहे नो संचाएंति सोरियदत्तस्स मच्छंधस्स मच्छकंटगं गलाओ नीहरित्तए ताहे संता तता परितंता जामेव दिसं पाउव्यवा तामेव दिसं पडिग्या तए णं से सोरियदत्ते मच्छंधे वेज्जपडियाइकिखए परियारागपरिवत्ते निव्यिणोसहमेसज्जे तेणं दुक्खेणं अभिभूए समाणे सुक्के भुक्खे जाव किमियकवले य वममाणे विहरइ एवं खलु गोयमा सोरियदत्ते पुरा पोराणाणं [दुच्छिणाणं दुप्पडिक्कंताणं असुमाणं पावाणं कडाणं कम्माणं पावाणं फलवित्तिविसेसं पञ्चणुभवमाणे] विहरइ सोरियदत्ते णं मंते मच्छंधे इओ कालमासे कालं किद्या कहिं गच्छिहिं कहिं उववत्तिहिं गोयमा सत्तरं वासाइं परमाउं पालझत्ता कालमासे कालं किद्या इमीसे र्यणप्पमाए पुढवीए नेइएसु नेरइयत्ताए उववत्तिहिं संसारो तहेव हत्यिणाउरे नयरे मच्छत्ताए उववत्तिहिं से णं तजो मच्छिएहिं जीवियाओ ववरोविए तत्त्वेव संष्टिकुलंसि उववत्तिहिं दोही सोहम्भे कथे महाविदेहे वासे सिज्जिहिं [एवं खलु जंवू समणेणं

भगवद्या महावीरेण जाव संपत्तेण दुहविवागाणं अद्वमस्स अन्नयणस्स अयमद्वे पत्रते लिः] वेगि

१२८।-२९

● पट्टे मुषकखंडे अद्वमं अन्नयणं सपत्नं ●

--ः न द मं अ ज्ञ य ण--दे व द त्ता :-

(३३) जइ णं भंते [समणेण भगवद्या महावीरेण संपत्तेण दुहविवागाणं अद्वमस्स अन्नयणस्स अयमद्वे नवमस्स पं भंते अन्नयणस्स समणेण भगवद्या महावीरेण के अद्वे पत्रतो तए पं से मुहम्मे अणगारे जंबू-अणगारं एवं वयासी]-एवं खलु जंबू तेण कालेण तेण समएणं रोहीडए नामं नयरे होत्या-रिद्धियमियसमिद्धे पुढीवडेंसए उज्जाणे धरणो जस्त्वा वेसपणदत्ते राया सिरी देवी पूसनंदी कुनारे जुवराया तत्त्वं रोहीडए नयरे दत्ते नामं गाहावई परिवसइ-अड्डे कणहसिरी भारिया तस्स पं दत्तस्स धूया कणहसिरीए अत्त्वा देवदत्ता नामं दारिया होत्या-अर्हाण-पडिपुन्न-पंचिदियसरीरा तेण कालेण तेण समएणं सामी समोसद्वे जाव परिसा पडिगया तेण कालेण तेण समएणं समणस्स भगवओ महावीरस्स जेद्वे अंतेवासी छुट्कब्बमणपारणगसि तहेव जाव रायभाग-पोगाढे इत्थी आसे पुरिसे पासइ तेसि पुरिसाणं मञ्जगायं पासइ एगं इत्थियं अवओडयवंधणं उक्तिखत्तं-कणनात्तं नेहुप्यियगतं वज्ञ-करकडि-जुवनियश्च एवं कंठेगुणरत-मल्हदामं चुण्णामुडिय-गातं चुण्णयंवज्ञ-पाणपीवं] सूले भिज्ञपाणं पासइ पासिता भगवओ गोयमस्स इमेयारुवे अन्नयिए चिंतिए कायिए पथिए मणोगए संकप्ते समुष्टुप्रित्या तहेव निग्गए जाव एवं वयासी-एस पं भंते इत्थिया पुव्वप्वे का आसि एवं खलु गोयमा तेण कालेण तेण समएणं इहेव जंबुदीवे दीवे भारहे वासे एुपझे नामं नयरे होत्या-रिद्धियमियसमिद्धे महासेणे राया तस्स पं महासेणस्स रणो धारिणीपामोक्खं देवीसाहस्रं औरोहे यावि होत्या तस्स पं महासेणरस रणो पुत्रे धारिणीए देवीए अत्तए सीहसेणे नामं कुमारे होत्या-अर्हीण-पडिपुन्न-पंचिदियसरीरे जुवराया तए पं तस्स सीह-सेणस्स कुमारस्स अम्पापिवरो अण्णया कयाइ पंच पासायवडेंसवयसयाइं करोति-अल्पुग्रायमूसियाइं तए पं तस्स सीहसेणस्स कुमारस्स अम्पापिवरो अन्नया कयाइ सामापामोक्खाणं पंचणं रायवर-कत्रगसयाणं एग दिवसे पाणिं गिण्हावेसि पंचसओ दाओ तए पं से सीहसेणे कुमारे सामा-पामोक्खदेहिं पंचहिं देवीसारहिं सञ्चिं उप्पि पासायवरगए जाव विहरइ तए पं से महासेणोराया अण्णया कयाइ कालधम्मुणा संजुते नीहरणं राया जाए तए पं से सीहसेणे राया सामाए देवीए मुच्छिए गिद्धे गढिए अन्जोववणे अवसेसाओ देवीओ नो आढाइ नो परिजाणइ अणादायमाणे अपरिजाणमाणे विहरइ तए पं तासि एगूणगाणं पंचणं देवीसयाणं एगूणाइं पंचमाइसयाइं इमीसे कहाए लद्धद्वाइं सवयणयाए-एवं खलु सीहसेणे राया सामाए देवीए मुच्छिए गिद्धे गढिए अन्जो-ववणे अर्हं धूयाओ नो आढाइ नो परिजाणइ अणादायमाणे अपरिजाणमाणे विहरइ तं सेयं खलु अर्हं सामं देविं अग्नियओगेण वा विसप्तओगेणं वा सत्थप्तओगेण वा जीवियाओ ववरोवित्ताए-एवं संपेहेति संपेहेता सामाए देवीए अंतराणि य छिद्वाणिय विवराणि य पडिजागरपाणीओ पडिजाग-रमाणीओ विहरंति तए पं सा सामा देवी इमीसे कहाए लद्धद्वाइं सवयणयाए-एवं खलु ममं एगूणगाणं पंचणं सवत्तीसवयाणं एगूणाइं पंचमाइसयाइं इमीसे कहाए लद्धद्वाइं सवयणयाए अण्णमणं एवं वयासी एवं खलु सीहसेणे राया सामाए देवीए मुच्छिए जाव पडिजागरमाणीओ विहरंति तं न नज्जइ पं ममं केणइ कु-मारेण मारिसंती ति कद्व भीया तत्त्वा तसिथा उव्विग्ना संजायभया जेणेव कोवधरे

तेणेव उवागच्छइ उवागचित्ता ओहय जाव झियाइ तए णं से सीहसेणे राया इमीसे कहाए लक्ष्मणे समाणे जेणेव कोवधरए जेणेव सामा देवी तेणेव उवागच्छइ उवागचित्ता सामं देविं ओहय जाव पासइ पासित्ता एवं वयासी किंण तुमं देवाणुप्पिए ओहय जाव झियासि तए णं सा सामा देवी सीहसेणे रणा एवं वुत्ता समाणा उप्फेणउप्फेणिं चं सीहसेणे रायं एवं वयासी-एवं खलु सामी ममं एगूणगाणं पंच सबत्तीसयाणं एगूणाइं पंच माइसयाइं इमीसे कहाए लखद्वाईं सवणायाए अण्मण्णं सदावेत्ता एवं वयासी-एवं खलु सीहसेणे राया सामाए देवीए मुच्छिए गिर्वे गढिए अज्ञोवयणे अम्हं धूयाओ नो आढाइ नो परिजाणाइ जाव अंतराणि य छिद्वाणि य विवराणि य पडिजागरमाणी-ओ-पडिजागरमाणीओ विहरंति तं न नज्जइ णं सामी ममं केणइ कुमारेण मारिसंती ति कटु भीया जाव झिवामि तए णं से सीहसेणे राया सामं देविं एवं वयासी-मा णं तुमं देवाणुप्पिया ओहय-मणसंकृप्या जाव झियाहि अहं णं तह घतिहामि जहा णं तद नत्यि कत्तो वि सरीरस्स आबाहे वा पहाहे वा भविस्सइ ति कटु ताहिं इट्टाहिं कंताहिं पियाहिं मणुण्णाहिं मणापाहिं वाग्गूहिं समासासेइ समासासेत्ता तओ पडिनिक्खुमइ पडिनिक्खुमिता कोइुवियपुरिसे सदावेइ सदावेत्ता एवं वयासी-गच्छह णं तुक्मेदेवाणुप्पिया सुपइद्वस्स नयरस्स बहिया एगं महं कूडागारसालं-अणेगाक्खंभसंनियिं पासार्दायं दरिसणिं अभिरूवं पडिरूवं करेह ममं एयमाणतियं पद्धप्पिणह तए णं से कोइुविय-पुरिसा करघल जाव पडिसुणेत्ता सुपइद्वनयरस्स बहिया पद्धत्यिमे दिसीभाए एगं महं कूडागारसालं-अणेगाक्खंभसयसं निविद्वुं पासार्दायं दरिसणिं अभिरूवं पडिरूवं करीते जेणेव सीहसेणे राया तेणेव उवागच्छति उवागचित्ता तमाणतियं पद्धप्पिणति तए णं से सीहसेणे राया अण्णया कयाइ एगूणगाणं पंचण्णं देवीसयाणं एगूणायं पंच माइसयाइ आमंतेइ तए णं तासि एगूणगाणं पंच देवीसयाणं एगूणाइं पंच माइसयाइं सीहसेणे रणा आमंतियाइ समाणाइं सब्बालंकारविभूसियाइं जहाविभवेण जेणेव सुपइद्वनयरस्स बहिया तेणेव उवेंति तए णं से सीहसेणे राया एगूणणचण्णं देवीसयाणं एगूणगाणं माइसयाणं कूडागारसालं आवासं दलयइ तए णं से सीहसेणे राया कोइुवियपुरिसे सदावेइ सदावेत्ता एवं वयासी-गच्छह णं तुक्मेदेवाणुप्पिया विउलं असणं पाणं खाइमं साइमं उवणेह सुवूहुं पुष्क-वत्य-गंध-मलालंकारं च कूडागारसालं साहरह तए णं ते कोइुवियपुरिसा तहेव जाव साहरंति तए णं तासि एगूणगाणं पंचण्णं देवीसयाणं एगूणाइं पंच माइसयाइं सब्बालंकारविभूसियाइं तं विउलं असणं जाव परिमुंजेमाणाइं गंधव्वेहि य नाडएहि य उवगीयमाणाइं-उवगीयमाणाइं विहरंति तए णं से सीहसेणे राया अद्वरतकालसमयंसि बहूहि पुरिसेहि संक्षिं संपरिवुडे जेणेव कूडागारसाला तेणेव उवागच्छइ उवागचित्ता कूडागारसालाए दुवाराइं पिहेइ पिहेत्ता कूडागारसालाए सब्बओ समंता आगणिकायं दलयइ तए णं तासि एगूणगाणं पंचण्णं देवीसयाणं एगूणगाइं पंच माइसयाइं सीहसेणे रणा आलीवियाइं समाणाइं रोयमाणाइं कंदमा- पाइं विलवमाणाइं अताणाइं असरणाइं कालधम्युणा संजुताइं तर णं से सीहसेणे राया एयकस्ये एयवित्रे एयरतमायारे सुबहुं [पादं कपमं कलिकलुसं] समज्ञिणिता चोत्तीसं वाससवाइं परमाउडं पालित्ता कालमासे कालं किद्या छट्टीए पुढीवीए उक्कोसेणं बावीससाग-रोवमद्विइसु नेरइएसु नेरइयत्ताए उववण्णे से णं तओ अनंतरं उव्वद्वित्ता इहेव रोहीडए नयरे दत्तस्स सत्य- वाहस्स कणहसिरीए भारियाए कुचिंचिसि दारियत्ताए उववण्णे तए णं सा कणहसिरी नवणहं पासाणं [बहुपडिपुत्राण] दारियं पयाया-सूमालं सुलवं तए णं तीसे दारियाए अम्भापियरो

निवृत्तवारसाहियाए विउलं असणं पाणं खाइमं साइमं उवक्खडावेति उवक्खडावेता जाव मित-
नाइ-नियग-सवण-संबंधि-परियणस्तु पुरओ नामधेज्ञं कोंति-होउणं दारिया देवदत्ता नामेणं तएणं
सा देवदत्ता दारिया पंचाधाईपरिग्नहिया जाव परिवङ्घइ तए णं सा देवदत्ता दारिया उम्मुक्क-
बालभावा जोवण्णेण रूवेण लावण्णेण य जाव अईव-अईव उक्किङ्गु उक्किङ्गुसरीरा जावा यावि
होत्था तए णं सा देवदत्ता दारिया अण्णया कयाइ प्हाया जाव विभूसिया वहूहिं खुज्जाहिं जाव
परिक्खित्ता उप्पि आगासतलगंसि कणगतिंदूसएणं कीलमाणी विहाइ इमं च णं वेसमणदते राया
ण्हाए जाव विभूसिए आसं दुरुहति दुरिहित्ता बहूहिं पुरिसेहिं सद्धिं संपरिवुडे आसवाहणियाए
निज्ञावामाणे दत्तस्त गाहावइस्स गिहस्स अदूरसामंतेणं वीईवयइ तए णं से वेसमणे राया जाव वीई-
'वयमाणे देवदत्तं शरियं उप्पि आगासतलगंसि कणगतिंदूसएणं कीलमाणिं पासइ पासिता देवत्ताए
दारियाए रूवे य जोवणे य लावण्णे य जावविहूह कोडुंवियपुरिसे सहावेइ सहावेता एवं वयासी-
कस्ता णं देवाणुप्पिया एसा दारिया किं च नामधेज्ञेणं तए णं से कोडुंवियपुरिसा वेसमणरायं करयल
(जाव) एवं वयासी-एस णं सामी दत्तस्त सत्यवाहस्स धूया कणहसिरीए भारियाए अत्यथा देवदत्ता
नामं दारिया रूवेण य जोवण्णेण च लावण्णेण य उक्किङ्गु उक्किङ्गुसरीरा तए णं से वेसमणे राया
आसवाहणियाओ पडिनियते समाणे अभिमतरठाणिज्ञे पुरिसे सद्धावेइ सद्धावेता एवं वयासी-गच्छ
णं तुव्ये देवाणुप्पिया दत्तस्त धूयं कणहसिरीए भारियाए अत्ययं देवदत्तं दारियं पूसनंदिस्स जुवरण्णो
भारियत्ताए वरेह जइ यि य सा सवरत्रसुका तए णं ते अभिमतरठाणिज्ञा पुरिसा वेसमणेणं रण्णा एवं
दुत्ता समाणा हहुतुझ्ना करयल जाव पडिसुणेति पडिसुणेता प्हाया जाव मुख्यपावेसाईं मंगलाईं
वत्याईं पवर परिहिया संपरिवुडा जेणेव दत्तस्त गिहे तेणेव उवागया तए णं से दत्ते सत्यवाहे ते
अभिमतरठाणिज्ञे पुरिसे एज्ञामाणे पासइ पासिता हहुतुझ्ने आसणाओ अट्युहै अट्युहेत्ता सत्ताई
पयाइं पच्छागए आसणेण उवनिमंतेइ उवनिमंतेता ते पुरिसे आसत्ये वीसत्ये सुहासणवरगए एवं
वयासी-सदिसंतु णं देवाणुप्पिया किं आगमणप्पोयथणं तए णं ते रायपुरिसा दत्तं सत्यवाहं एवं
वयासी-अहे णं देवाणुप्पिया तव धूयं कणहसिरीए अत्ययं देवदत्तं दारियं पूसनंदिस्स जुवरण्णो
भारियत्ताए वरेमो तं जइ णं जाणसि देवाणुप्पिया जुतं वा पत्तं वा सत्ताहणिज्ञं वा सरिसो वा संजोगो
दिज्ञुडं णं देवदत्ता दारिया पूसनंदिस्स जुवरण्णो भण देवाणुप्पिया किं दलयापो सुकं तए णं से दत्ते ते
अभिमतरठाणिज्ञे पुरि, एवं वयासी-एवं देवे णं देवाणुप्पिया ममं सुकं जं णं वेसमणे राया मम
दारियानिमितेणं अनुगिणहै ते अभिमतरठाणिज्ञपुरिसे विउलेण पुफ्फ-वत्य-गंध-मल्लालंकारेण
सक्कारेइ सम्पाणेइ सक्कारेता सम्पाणेता पडिविसज्जेइ तए णं से अभिमतरठाणिज्ञा पुरिसा जेणेव
वेसमणे राया तेणेव उवागच्छंति वेसमणस्त रण्णो एयमधुं निवेदेति तए णं से दत्ते गाहावई अण्णया
कयाइ सोभणांसि तिहि-करण-दिवस-नक्खत्त मुहुत्तसि विउलं असण पाण खाइमं साइमं उवक्ख-
डावेइ उवक्खडावेता मित-नाइ-नियग-सवण-संबंधि-परियणं आमंतेइ प्हाए [कयबलिकम्मे
कयकोउय- मंगल]-पायच्छिते सुहासणवरगएणं मित-जाव सद्धिं संपरिवुडे तं विउलं असण पाणं
जाव परिभुंजेमाणे एवं च णं विहाइ जिमियभुत्तुतरागए यि य णं आयंते चोक्खे परमसुझ्नौ तं
मित-जाव परियणं विउलेण पुफ्फ-वत्य-गंध-मल्लालंकारेण सक्कारेइ सम्पाणेइ सक्कारेता सम्पा-
णेता देवदत्तं दारियं प्हायां जाव सव्वालंकारिद्भूसियसरीरं पुरिससहस्सवाहिणि सीयं दुरुहेइ
दुरुहेता सुवहुमित्त-जाव सद्धिं संपरिवुडे सर्विङ्गीए जाव दुरुहिनिधोस-नाइयरवेणं रोहीडयं

नयरं पञ्जामञ्जेणं जेणेव वेसमणरण्णो गिहे जेणेव वेसमणे राया तेणेव उवागच्छइ उवागच्छिता करयल जाव बद्धावेइ बद्धावेता वेसमणस्स रण्णो देवदत्तं दारियं उवणेइ तए ण से वेसमणे राया देवदत्तं दारियं उवणीयं पासइ पासिता हहुतुङ्गो विउलं असणं पाणं खाइमं साइमं उवकखडावेइ उवकखडावेता मित-नाइ-जाव सम्माणेता पूसनंदि कुमारं देवदत्तं च दारियं पट्टयं दुरुहेइ दुरुहेता सेयापीएहि कलसेहि मजावेइ मजावेता वरनेवथाइं करेइ करेता अग्निहोमं करेइ करेता पूसनंदि कुमारं देवदत्ताए दारियाए पाणिं गिण्हावेइ तए ण से वेसमणदत्ते राया पूसनंदिकुमारस्स देवदत्तं दारियं सत्त्विहृषीए जाव दुंदुहिनाधोस-नाइयरवेणं महया इहृषीसक्कारसमुदाएं पाणिगाहणं करेइ करेता देवदत्ताए दारियाए अम्मापियरी मित-जाव-परियं च विउलेणं असण-पाण-खाइमं-साइमेणं पुफ्फ-वत्य-गंध-मळालंकारेणं य सक्कारेइ सम्माणेइ सक्कारेता सम्माणेता पडिविसज्जेइ ते ण से पूसनंदी कुमारे देवदत्ताए भारियाए सद्द्विं उप्पिं पासाय वारणे फुट्टमणोहि मुइंगमत्थएहि वत्तीसइबन्द्ध-नाइएहि उवागित्रमाणे-जाव विहरइ तए ण से वेसमणे राया अन्न्या कयाइ कालधम्मुणा संजुते नीहरणं जाव राया जाए पूसनंदी तए ण से पूसनंदी राया सिरीए देवीए माइमते यावि होत्या कल्लाकल्लि जेणेव सिरी देवा तेणेव उवागच्छइ उवागच्छिता सिरीए देवीए पायवडणं करेइ करेता सप्तपाग-सहस्रपागोहि तेलेहि अब्दंगावेइ अद्विसुहाए पंससुहाए तथासुहाए रोपसुहाए-यउच्चिहाए संवाहणाए संवाहावेइ संवाहावेता सुरभिणा गंधद्वएणं उवद्वावेइ उवद्वावेता तिहिं उदरएहि मजावेइ तं जहा-उसिणोदणेणं सीओदणेणं गंधोदणेणं विउलं असणं पाणं खाइमं साइमं शोयावेइ भोयावेता सिरीए देवीए पहायाए [कियबलिकम्माए क्यकोउयमंगल]-पायच्छिताए जिमिभमुतुतरागयाए तओ पच्छा ण्हाइ वा भुजइ वा उरालाइ माणुस्सगाइ भोगभोगाइ भुजमाणे विहरइ तए ण तीसे देवदत्ताए देवीए अण्णया कयाइ पुव्वरतावरत्कालसमर्वेसि कुदुंबजागरियं जागरमाणीए इमेयालवे अन्न्याल्यिए जाव संकप्पे समुप्पत्ते-एवं खलु पूसनंदि राया सिरीए देवीए माइमते जाव विहरइ तं एणं वक्खेवेणं नो संचाएमि अहं पूसनंदिणा रण्णा सद्द्विं उरालाइ माणुस्सगाइ भोगभोगाइ भुजमाणीए विहरित्तए एवं संपेहेइ संपेहेता सिरीए देवीए अंतराणि य छिद्वाणि य विवराणि य पडिजागरमाणी विहरइ तए ण सा सिरी देवी अण्णया कयाइ मजाइया विरहियसयणिज्ञंसि सुहपसुता जाया यावि होत्या इमं य ण देवदत्ता देवी जेणेव सिरी देवी तेणेव उवागच्छइ उवागच्छिता सिरीं देविं मजाइयं विरहियसयणिज्ञंसि सुहपसुतं पासइ पासिता दिसालोयं करेइ करेता जेणेव भत्तधरे तेणेव उवागच्छइ लोहदंडं परामुसइ परामुसिता लोहदंडं तावेइ तत्तं समजोइभूयं फुल्किंसुयसमाणं संडासएणं गहाय जेणेव सिरी देवी तेणेव उवागच्छइ उवागच्छिता सिरीए देवीए अवाणंसि परिखवइ तए ण सा सिरी देवी महया-महया सद्देणं आरसिता कालधम्मुणा संजुता तए ण तीसे सिरीए देवीए दासवेडीओ आरसियसहं सोद्या निष्पम जेणेव सिरी देवी तेणेव उवागच्छिति उवागच्छिता देवदत्तं देविं तओ अवक्कपमाणिं पासिति पासिता जेणेव सिरी देवी तेणेव उवागच्छिति उवागच्छिता सिरीं देविं निष्पाणं निघेडुं जीविय-विष्पदं पासंति पासिता हा हा अहो अकञ्चमिति कहु रोयमाणीओ कंदमाणीओ विलवपाणीओ जेणेव पूसनंदी राया तेणेव उवागच्छिति उवागच्छिता पूसनंदि रायं एवं खलु सामीसिरी

देवी देवदत्ताए देवीए अकाले चेव जीवियाओ बवरोविया तए णं से पूसनंदी राया तासि दासचेडीणं अंतिए एयमहुं सोद्या निसम्भ महया भाइसोएणं अफुणो समाणे परसुनिवतो विव चंपगवरपाववे धस ति धरणीयलंसि सब्वंगेहि संनिवडिए तए णं से पूसनंदी राया मुहुत्तंतरेण आसत्ये समाणे बढ़हि राईसर-जाव-सत्यावाहेहिं मित-जाव परियणेण सद्गि रोयमाणे कंदनाणे विलवमाणे सिरीए देवीए महया इडीए नीहरणं करेइ करेता आसुरुते रुडे कुविए चंडिकूकए भिसिभिरेमाणे देवदत्तं देविं पुरिसेहि गिण्हावेइ एणं विहाणेण बन्नं आणवेइ तं एवं खलु गोयमा देवदत्ता देवी पुरा पोराणाणं जाव विहरइ देवदत्ता णं भंते देवी इओ कालमासे कालं किछा कहिं गभिहिइ कहिं उववज्ञिहिइ गोयमा असोइं वासाइं परमाउं पालइत्ता कालमासे कालं किछा इर्मासे रयणप्पभाए पुढवीए नेइएसु नेइधत्ताए उववज्ञिहिइ संसारो तहेव जाव वणस्सई तओ अनंतरं उव्वहिता गंगापुरे नयरे हंसताए पद्मायाहिइ से णं तत्य साउणिएहि वाहिए समाणे तत्येव गंगापुरे नयरे सेहिकुलंसि उववज्ञिहिइ वोही सोहम्पे महाविदेहे वासे सिञ्जिहिइ [एवं खलु जंवू समणेणं भगवव्या महावीरेणं जाव संपत्तेण दुहविवागाणं नवमस्स अञ्जवयणस्स अयमहु पत्रतोति] वेमि १२।-३।

● पठमे सुयकृदंष्ठे नवमं अञ्जयणं समत्तं ●

-१: द स मं अ ज्ञ य णं-अं जू :-

(३४) जइ णं भंते [समणेणं भगवव्या महावीरेणं जाव संपत्तेण दुहविवागाणं नवमस्स अञ्जवयणस्स अयमहु पत्रतो दसमस्स णं भंते अञ्जवयणस्स समणेणं भगवव्या महावीरेण के अड्डे पत्रते तए णं से सुहम्पे अणगारे जंवू-अणगार एवं वयासी]-एवं खलु जंवू तेणं कालेणं तेणं समएणं वद्गमाणपुरे नामं नयरे होत्या विजयवद्गमाणे उज्जाणे माणिभद्दे जकखे विजयमिते राया तत्य णं धणदेवे नामं सत्यवाहे होत्या-अड्डे पियूंगं नामं भारिया अंज दारिया जाव उक्किक्कुसरिरा सपोसरणं परिसा जाव वया तेणं कालेणं तेणं समएणं समणस्स भगवओ महावीरस्स जेहुं अंतेवासी जाव अडमाणे विजयमितस्स रणो गिहस्स असोगविणियाए अद्वूरसामतेण वीईववमाणे पासइ एगं इत्यिं-सुकूं भुक्खं निम्बांसं किडिकिडियाभूयं अहिच्छम्भावणद्वे नीलसाङ्गनिथत्यं कहुइं वीसराइं द्वूक्वामाणिं पासइ पासिता चिंता तहेव जाव एवं वयासी-सा णं भंते इत्यिं पुव्वभवे का आसि वागरणं एवं खलु गोयमा तेणं कालेणं तेणं समएणं इहेव जंबुदीवे दीवे भारहे वासे इंदुरुरे नामं नयरे होत्या तत्य णं इददत्ते राया पुढविसिरी नामं गणिया होत्या-वण्णओ तए णं सा पुढविसिरी गणिया इंदपुरेनयरे वहवे राईसर-जाव प्पभियओ बहूहि य विज्ञापओगेहि य जाव आभिअंगिता उरालाइं माणुस्सगाइं भोगभोगाइं भुजमाणी विहरइ तए णं सा पुढविसिरी गणिया एयप्पहाणा एयविजा एयसमायारा सुबहुं [पावं कम्बं कलिकलुसं] समञ्जिणिता पणतीसं वाससायाइं परमाउं पालइत्ता कालमासे कालं किछा छड्हीए पुढवीए उक्कोसेणं बावीसं सागरोवमद्विइसु नेइएसु नेइधत्ताए उववण्णा सा णं तओ अनंतरं उव्वहिता इहेव वद्गमाणपुरे नयरे धणदेवस्स सत्यवाहस्स पियंगुभारियाए कुचिंचिसि दारियत्ताए उववण्णा ते णं सा पियंगुभारिया नवहं मासाणं बहुपडि-पुज्ञाणं दारियं पयाया नामं अंबू सें सं जहा देवदत्ताए तए णं से विजए राया आसवाहणियाए निजायमाणे जहा वेसमदणते तहा अंजु पासइ नवरं-अप्पणो अद्वाए बरेइ जहा तेयती जाव अंजूए भारियाए सद्गि उप्पि पासायवरागए जाव विलु माणुस्सए कामभोगे पद्मुभवमाणे विहरइ तए णं तीसे अंजूए देवीए अन्नया कयाइ जोणियूले पाउब्बूए यावी होत्या तए णं से विजए राया

कोडुंदियपुरिसे सहावेद सहावेता एवं वयासी-नच्छइ णं तुमं देवाणुप्पिया वइढमाणपुरे नयरे सिंपाडग-जाव एवं खलु देवाणुप्पिया विजयस्स रणो अंजूए देवीए जोणिसूले पाउब्बूए तं जो णं इच्छइ वेज्ञो वा वेज्ञपुतो वा जाणुओवा जाणुपुतो वा तेगिच्छिओ वा तेगिच्छियपुतोवा जाव उप्योसेति तए णं ते बहवे वेज्ञाय वेज्ञपुता य जाणुयपुता यतेगिच्छियपुता य तेगिच्छियपुता य इमं एयाख्वं उग्घोसणं सोद्धा निसमं जेणेव विजए राया तेणेव उवागच्छांति उवागच्छिता उप्पत्तियाहिं वेणदियाहिं कम्मियाहिं पारिणाभियाहिं बुद्धीहिं परिणामेमाणा इच्छांति अंजूए देवीए जोणिसूलं उवसामित्तए नो संचाएंति उवसामित्तए ताहो संता तंता परितंता जामेव दिसं पाउब्बूया तामेव दिसं पडिगया तए णं सा अंजू देवी ताए वेयणाए अभिभूया समाणी सुक्रका भुक्खा निम्मंसा कट्टाइं कलुणाइं वीसराइं विलवइ एवं खलु गोयमा अंजू देवी पुरा पोराणाणं जाव विहरइ अंजू णं भंते देवी इओ कालमासे कालं किद्धा कहिं गच्छिहिइ कहिं उवचिज्जिहिइ गोयमा अंजू णं देवी नउइ वासाइं परमाउं पालइता कालमासे कालं किद्धा इमीसे रवणप्पमाए पुढवीए नेरइएसु नेरइयत्ताए उवचिज्जिहिइ एवं संसारो जहा पढमे तहा नेयव्वं जाव वणसई सा णं तओ अनंतरं उव्वहित्ता सब्बओभद्दे नयरे मधूरताए पद्मायाहिइ से णं तत्य साउणिएहिं वहिए समाणे तत्येव सब्बओभद्दे नयरे सेङ्गिकुलंसे पुत्ताए पद्मायाहिइ से णं तत्य उम्मुकूक-बालभावे तहारुवाणं थेणाणं अंतिए पव्वइस्सइ केवलं बोहिं बुद्धिहिइ पव्वज्ञा सोहम्ने से णं तओ देवलोगाओ आउबखाएणं भवक्खाएणं ठिइक्खाएणं कहिं गच्छिहिइ कहिं उवचिज्जिहिइ गोयमा महायिदेहे वासे जहा पढमे जाव सिज्जिहिइ बुद्धिहिइ मुच्चिहिइ परिणिव्वाहिइ सब्बदुक्खाणमंतं काहिइ एवं खलु जंबू समणेणं भगवया महावीरेणं जाव संपत्तेणं दुहविवागाणं दसमस्स अञ्जन्ययणस्स अयमहेपन्नते सेव भंते सेवं भंते ति वेपि। ३०।-३२

● पृष्ठमे सुयक्खंधे दसमं अञ्जन्यणं समतं ● पृष्ठमे सुयक्खंधो समतो ●

फ्र बीओ सुयक्खंधो फ्र

-ः प ढ मं अ ज्ञ य णं-सु बा हू :-

(३५) तेणं कालेणं तेणं समएणं रायगिहे नयरे गुणसिलए येइए सुहम्मे समोसढे जंबू जाव पञ्जुवासमाणे एवं वयासी-जइ णं भंते समणेणं भगवया महावीरेणं जाव संपत्तेणं दुहविवागाणं अयमहे पत्रते सुहविवागाणं भंते समणेणं भगवया महावीरेणं जाव संपत्तेणं के अहे पत्रते तए णं से सुहम्मे अणगारे जंबू-अणगारं एवं वयासी-एवं खलु जंबू समणेणं भगवया महावीरेणं जाव संपत्तेणं सुहविवागाणं दस अञ्जन्ययणा पन्नता तं जहा। ३१।-१ ३३।-१

(३६) सुवाहू भहनंदी य सुजाए य सुवासवे

तहेव जिणदासे य धणवई य महब्बले

भदनंदी महघ्यदे वरदते तहेव य

॥३॥।-१

(३७) जइ णं भंते समणेणं भगवया महावीरेणं जाव संपत्तेणं सुहविवागाणं दस अञ्जन्ययणा पन्नता पढमस्स णं भंते अञ्जन्ययणस्स सुहविवागाणं समणेणं भगवया महावीरेणं जाव संपत्तेणं के अहे पत्रते तए णं से सुहम्मे जंबू-अणगारं एवं वयासी-एवं खलु जंबू तेणं कालेणं तेणं समएणं हस्तिसीसे नामं नयरे होथा-रिञ्चस्तिमियसमिद्दे तस्स णं हस्तिसीसस्स वहिया उत्तपुरत्यमे

दिसीपाए एत्यं पुष्पकरंड नामं उज्जाणे होत्या-सब्बोउय-पुण्फ-फल-समिद्धे तत्यं कंकवणमाल-
पियस्स जकखरस्स जकखाययणे होत्या-दिव्ये तत्यं हृत्यिसीसे नयरे अदीणसत् नामं राया होत्या-
महयाहिमंवत् महंत-मलय-मंदर-महिंदसारे तस्सं अदीणसतुस्स रण्णो धारिणीपामोक्खं देवीस-
हस्सं ओरोहे यावि होत्या तए एं सा धारिणी देवी अण्णया क्याइ तंसि तारिसगंसि वासभवणंसि
सीहं सुभिणे पासइ जहा मेहस्स जम्मणं तश्च भाणियव्यं तए एं ते सुबाहुकुमारं अम्मापियरो बाव-
त्तरिकलापंडियं जाव अलंभोगसमर्त्यं वा जाणति जागिता अम्मापियरो पंचं पासायदंसगस्याइं
कारोते-अद्युग्रमूसियपहसियाइं एं च एं महं भवणं कारोति एवं जहा महव्वलस्स रण्णो नवरं-
पुण्फ- चूलापामोक्खाणं पंचण्हं रायवरकब्रगस्याणं एगादिवसेणं पाणिं गिहावेति तहेव पंचसद्गो
दाओ जाव उप्पि पासायदरए फुट्ट्याणेहिं जाव विहाइ तेणं कालेणं तेणं समएणं समणे पगवं
महावीरे समोसदे परिसा निग्याया अदीणसत् जहा कृणिए तहा निग्याए सुबाहु वि जहा जपाली तहा
रहेण निग्याए जाव धम्मो कहिओ राया परिसा गया तए एं से सुबाहुकुमारे समणस्स पगवओ
महावीरस्स अंतिए धम्मं सोद्या निसम्मं हृष्टुद्देउद्धाए उद्देइ जाव एवं वयासी-सद्याहमि एं भंते निग्यंयं
पवयवणं जहा एं देवाणुप्पियाणं अंतिए वहवे राईसर-जाव पव्यवयंति नो खलु अहं तहा संचाएमि
पव्यद्दत्तए अहं एं देवाणुप्पियाणं अंतिए पंचाणुव्वद्ययं सत्तसिक्खावइयं-दुवालसविहं गिहिधम्मं
पडिवज्ञापि अहासुहं देवाणुप्पिया पा पडिबंधं करोह तए एं से सुबाहू समणस्स पगवओ महावीरस्स
अंतिए पंचाणुव्वद्ययं सत्तसिक्खावइयं-दुवालसविहं गिहिधम्मं पडिवज्ञइ पडिवज्ञिता तमेव
चाउधंटं आसारहं दुरुहद दुरुहिता जामेव दिसं पाउव्यूए तामेव दिसं पडिगए तेणं कालेणं तेणं
समएणं समणस्स पगवओ महावीरस्स जेड्हे अंतेवासी इंदभूई जाव एवं वयासी-अहो इणं भंते
सुबाहुकुमारे इड्हे इडुरुवे कंते कंतरुवे पिए पियरुवे मणुण्णे मणुण्णरुवे मणामे मणामरुवे सोमे
सोमरुवे सुभगे सुभगरुवे पिपदंसणे यूरुवे वहुजणस्स वि य एं भंते सुबाहुकुमारे इड्हे इडुरुवे जाव
सुरुवे साहुजणस्स वि य एं भंते सुबाहु कुमारे इड्हे इडुरुवे जाव सुरुवे सुबाहुणा भंते कुमारेण इमा
एथाख्वा उराला माणुसिद्धी किण्णा लखा किण्णा पत्ता किण्णा अभिसमण्णागया के वा एस आसि
पुव्ववदे जाव अभिसमण्णागया गोयमाइ समणे भगवं महावीरे भगवं गोथमं आमंतेता एवं वयासी-
एवं खलु गोयमा तेणं कालेणं तेणं समएणं इहेव जंबुद्दीवे दीवे भारहे चासे हत्यिणाउरे नामं नयरे
होत्या-रिद्धित्यिमियसमिद्धे तत्यं हृत्यिणाउरे नयरे सुमुहे नामं गाहावई परिवसद्ग-अइड्हे तेणं
कालेणं तेणं समएणं धम्मघोसा नामं थेरा जाइसंपत्ता जाव पंचहिं समणसाइहिं सद्धि संपरिदुडा
पुव्वाणुपुच्छि चरमाणा गामाणुगामं दूझमाणा जेणेव हत्यिणाउरे नयरे जेणेव सहस्रंदवणे उज्जाणे
तेणेव उवागगच्छंति उवागच्छिता अहापडिरुवं औगहं औगिहिता संजमेणं तवसा अप्याणं
मावेमाणा विहरंति तेणं कालेणं तेणं समएणं धम्मघोसाणं थेराणं अंतेवासी सुदते नामं अणगारे
ओराले [धोरे धोरगुणे धोरतवस्सी धोरबंधचेरवासी उच्छृङ्खसरीरे संक्षिवत्तविउला] तेयलेस्से
मासंमासेणं खममाणे विहरइ तए एं से सुदते अणगारे मासखमणपारणगंसि पढमाए पोरिसीए
सञ्ज्ञायं करेइ जहा गोयमसामी तहेव धम्मघोसे थेरे आपुच्छइ जाव अडमाणे सुपुहस्स गाहावइस्स
गिहे अनुप्पिविड्हे तए एं से सुमुहे गाहावई सुदतं अणगारं एझमाणं पासइ पासित्ता हृष्टुद्देउ आसणाओ
अव्युद्देइ अव्युहेत्ता पायवीढाओ पद्मोरुहइ पद्मोरुहिता पाउयाओ ओमुयइ ओमुहिता एगसाडियं
उत्तरासंगं कोइ करेता सुदतं अणगारं सतहु पयाइं पच्छुगच्छइ पमुगच्छिता तिक्कुत्ता आयाहिणं

पयाहिणं करोइ करेता वंदइ नमंसइ वंदिता नमंसिता जेणेव भत्तधरे तेणेव उवागच्छइ उवागच्छित्ता सयहयेण विउलेण असण-पाण-खाइम-साइनेण पडिलाभेस्सार्मीति तुडे पडिलाभेमाणे वि तुडे पडिलाभिए वि तुडे तए एं तस्स सुमुहस्स गाहावइस्स तेण दब्बसुद्धेण गाहगसुद्धेण दायगसुद्धेण तिविहेण तिकरणसुद्धेण सुदत्ते अणगारे पडिलाभिए समाणे संसारे परित्तीकए मणुस्साउए निवद्दे गोहिसि य से इमाइं पंच दिव्वाइं पाउब्बूयाइं तं जहा वुस्सारा बुद्धा दसद्ववणे कुसुमे निवातिते चेलुक्खेवे कए आहयाओ देवदुर्भीओ अंतरा वि य एं आगासंसि अहो दाणे अहो दाणे पुडे य हत्यिणाउरे सिंघाडग-जाव पहेसु बहुजणो अण्णमण्णस्स एवं आइक्खइ एवं भासेइ एवं पन्नवेइ एवं परूवेइ-धण्णे एं देवाणुप्पिया सुमुहे गाहावई जाव तं धण्णे एं देवाणुप्पिया सुमुहे गाहावई पुत्रे एं देवाणुप्पिया सुमुहे गाहावई एवं - कयत्थे एं कयलक्ष्मणे एं गुलद्धे एं समुहस्स गाहावइस्स जम्जीवियफले जस्स एं इमा एयारुवा उराला माणुसिड्धी लद्धा पत्ता अभिसमण्णगया तए एं से सुमुहे गाहावई वहू यासयाइ आउवं पालइत्ता कालमासे कालं किद्या इहेव हत्यिसीसे नदरे अटीणसहुस्स रण्णो धारिणीए देवीए कुचिंसि पुत्रताए उववण्णे तए एं सा धारिणी देवी सयणिङ्गंसि सुत्तजागरा ओहीरमाणी-ओहीरमाणी तहेव सीहं पासइ सेसं तं चेव उप्पि पासाए विहरइ तं एवं खलु गोयमा सुवाहुणा इमा एयारुवा माणुसिड्धी लद्धा पत्ता अभिसमण्णगया पधूं भंते सुवाहुकुमारे देवाणुप्पियाण अंतिए मुंडे भवित्ता अगाराओ अणगारियं पव्वइत्ताए हंता पधूं तए एं से भगवं गोयमे जाव विहरइ तए एं समणे भगवं महावीर अण्णया कयाइ हत्यिसीसाओ नदराओ पुफकरंडयउज्जाणाओ कयवण्णमालपियजक्खाययणाओ पडिनिक्खमइ पडिनिक्खमिता वहिवा जणवयविहारं विहरइ तए एं से सुवाहुकुमारे समणोवासए जाए-अभिगयजीवार्जीवे जाव पडिलाभेमाणे विहरइ तए एं से सुवाहुकुमारे अण्णया कयाइ चाउद्दस्डमुद्दिपुश्मासिणीमु जेणेव पोसहसाला तेणेव उवागच्छइ उवागच्छित्ता पोसहसालं पमज्जइ पमज्जितता उच्चारापासवण्मूर्मि पडिलेहेइ पडिलेहेता दब्बथंथारं संथारइ संथिरिता दब्बमसंथारं दुख्हइ दुख्हिता अडुम्भंते पगिण्हइ पगिण्हिता पोसहसालाए पोसहिए अडुम्भतिए पोसहं पडिजागरपाणे विहरइ तए एं तस्स सुवाहुस्स कुमारस्स पुव्वरत्तावरत्तकालसमयंसि घम्याजागरियं जागरमाणस्स इप्पेवाल्वे अज्ञात्यिए जाव संकपे समुष्पज्जित्या-धण्णा एं ते गामागर-जाव सण्णिवेसा जत्य एं समणे भगवं महावीर विहरइ धण्णा एं ते राईसर-जाव सत्यवाहप्पभियओ जे एं समणस्स भगवओ महावीरस्स अंतिए मुंडा जाव पव्वयंते धण्णा एं ते राईसर-जाव सत्यवाहप्पभियओ जे एं समणस्स भगवओ महावीरस्स अंतिए पंचाणुप्पवद्यं [सत्तसिक्खावद्यं-दुवालसविहं] पिहिधम्यं पडिवज्जंति धण्णा एं ते राईसर-जाव सत्यवाहप्पभियओ जे एं समणस्स भगवओ महावीरस्स अंतिए धम्यं सुणोति तं जइ एं समणे भगवं महावीरे पुव्वाणुव्विं चरमाणे गामाणुगामं दूङ्गमाणे इहमाच्छेज्जा जाव विहरेज्जा तए एं अहं समणस्स भगवओ महावीरस्स अंतिए मुंडे भवित्ता जाव पव्वेज्जा तए एं समणे भगवं महावीरे सुवाहुस्स कुमारस्स इधं एयारुवं अज्ञात्यियं जाव वियाणिता पुव्वाणुपुव्वि [चरमाणे गामाणुगामं] दूङ्गमाणे जेणेव हत्यिसीसे नपरे जेणेव पुफकरंडयउज्जाणे जेणेव कयवण्णमालपियस्स जक्खास्स जक्खाययणे तेणेव उवागच्छइ उवागच्छित्ता अहापडिल्वं ओणाहं ओगिण्हिता संजमेणं तवसा अप्पाणं भावेमाणे विहरइ परिसा राया निगाए तए एं तस्स सुवाहुस्स कुमारस्स तं पहया जहा पढपं तहा निगाओ ध्यो कहिओ परिसा राया पडिगया तए एं से सुवाहुकुमारे समणस्स भगवओ

पहावीरस्स अंतिए धर्म सोब्बा निसम्म हड्डुदे जहा मेहो तहा अम्मापियरो आपुच्छइ निकद्य-
यणभिसेओ तहे जाव अणगारे जाए इरियासमिए जाव गुत्बंधवारी तए यं से सुवाहू अणगारे
समणस्स भगवां ओ पहावीरस्स तहारूवाण थेराण अंतिए सामाइयमाइयाइ एकूकारस्सअंगाइ अहि-
ज्ञ अहिज्ञिता वहूहि चउत्थछड्डमतवोवहाणेहि अप्पाण भावेता वहूइ वासाइ सामण्णपरियाण
पाउणिता मासियाए सलेहणाए अप्पाण शूरिता सष्टि भत्ताइ अणसणाए ऐत्ता आलोइय-
पडिक्कते समाहिपते कालमासे कालं किद्या सोहम्मे कप्पे देवता एउववणो से यं तओ देवलोगाओ
आउख्खण्ण भवक्खण्ण ठिइक्खण्ण अनन्तरं चयं चइत्ता माणुसं विगहं लभिहिइ केवलं दोहिं
युज्जिहिइ तहारूवाण थेराण अंतिए मुंडे भविता जाव पव्विस्सइ से यं तत्य वहूइ वासाइ सामण्ण
पाउणिहिइ आलोइयपडिक्कते समाहिपते कालगए सणंकुमारे कप्पे देवताए उवविज्ञिहिइ से यं
ताओ माणुसं पव्वज्ञा थंपलोए माणुसं महामुक्के पाणुसं आणए माणुसं आरणे माणुसं
सव्वहुसिष्ठे से यं तओ अनन्तरं उव्वहित्ता महाविदेहे वासे जाइ कुलाइ भवति अह्नाइ जहा
ददपट्टणे सिञ्जिहिइ युज्जिहिइ मुद्धिहिइ परिणिव्वाहिइ सव्वदुक्खाणमंतं काहिइ एवं खलु जंयू
समग्रेण भगवया महावीरेण जाव संपत्तेण सुहविचागाण पठमस्स अज्ञवणस्स अवभद्दे पत्रते ति
देपि। ३१-३३

● बीए सुप्रकृत्यो फटमं अन्तर्गतं समतं ●

-: बी यं अ ज्ञ य यं-म ह नं दी :-

(३८) वितियस्स उक्खेवओ एवं खलु जंदू तेणं कालेणं तेमं समएणं उसभपुरे नयरे
धूभकरंडग उज्जाणं धण्णो जक्खो धणावहो राया सरससई देवी सुम्मिणादंसणं कहणा जम्म बालत्तणं
कलाओ य जोव्यणं पाणिण्यहणं दाओ पासाय भोगा य जहा सुवाहुस्स नवरं-भद्रनंदी कुमारे सिरि-
देवीपामोक्खाणं पंचसया सामीसमोसरणं सावगथम्यं पुव्वभवपुच्छा महाविदेहे वासे पुंडरीगिणी
नयरी विजए कुमारे जुगवाहु तित्ययरे पडिलाभिए मणुस्साउए निवद्दे इह उप्पणे सेसं जहा
सुवाहुस्स जाव महाविदेहे वासे सिञ्जिहिइ जाव अंतं काहिइ निक्खेवओ। ३२-१-३४-१

● बीए सुप्रकृत्यो बीयं अन्तर्गतं समतं ●

-: त इ यं अ ज्ञ य यं-सु जा ए :-

(३९) तद्यस्स उक्खेवओ वीरपुरं नवरं मणोरमं उज्जाणं वीरकण्हमिते राया सिरी देवी
सुजाए कुमारे वलसिरीपामोक्खा पंचसया सामीसमोसरणं पुव्वभवपुच्छा उसुयारे नयरे उसभदते
गाहावई पुप्फदते अणगारे पडिलाभिए मणुस्साउए निवद्दे इहं उप्पणे जाव महाविदेहे वासे
सिञ्जिहिइ युज्जिहिइ मुद्धिहिइ परिणिव्वाहिइ सव्वदुक्खाणमंतं काहिइ निक्खेवओ। ३२-२-३४-२

● बीए सुप्रकृत्यो तद्यं अन्तर्गतं समतं ●

-: घ उ त्वं अ ज्ञ य यं-सु वा स वे :-

(४०) चउत्थस्स उक्खेवओ विजयपुरं नयरं नंदनवणं उज्जाणं असोगो जक्खो वासवदते
राया कण्हा देवी सुवासवे कुमारे भद्रापामोक्खाणं पंचसया जाव पुव्वभवे कोसंवी नयरी धणपाले
राया वेसपणभद्दे अणगारे पडिलाभिए इह जावसिद्धे। ३२-३-३४-३

● बीए सुप्रकृत्यो वउत्थं अन्तर्गतं समतं ●

-: पं च म अ ज्ञ य यं-नि ण दा से :-

(४१) पंचपस्स उक्खेवओ सोर्गधिया नयरी नीलासोगं उज्जाणं सुकालो जक्खो अप्पडिहओ

राया सुकण्णा देवी महचंदे कुमारे तस्स अरहदत्ता मारिया जिनदासो पुत्रो तित्यरागमणं जिणदासो पुव्बभवो मञ्जपिया नयरी मेहरहे राया सुधम्मे अणगारे जाव सिद्धे। ३२-४। - 34-4

● वीए सुपक्खं वं अञ्जयणं समतं ●

-: छ हूं अ ज्ञ य र्ण-प ण व ई :-

(४२) छट्टस्स उक्खेवओ कणगपुरं नयरं सेयासोयं उज्जाणं वीरभद्रो जक्खो पियचंदो राया सुभद्रादेवी वेसमणेकुमारे जुवराया सिरिदेवीपामोक्खा पंचसया तित्यरागमणं धणवई जुवराय-पुत्रो जाव पुव्बभवो मणिवइयानयरी मितोराया संभूतिविजए अणगारे जाव सिद्धे। ३२-५। - 34-5

● वीए सुपक्खं वं अञ्जयणं समतं ●

-: स त मं अ ज्ञ य र्ण-म ह च ले :-

(४३) सत्तमस्स उक्खेवओ महापुरं नयरं रत्तासोगं उज्जाणं रत्तापाओ जक्खो वले राया सुभद्रा देवी पहब्बले कुमारे रत्तवईपामोक्खा पंचसया तित्यरागमणं जाव पुव्बभवो मणिपुरं नयरं नागदत्ते गाहावई इंदपुत्रे अणगारे पडिलाभिए जाव सिद्धे। ३२-६। - 34-6

● वीए सुपक्खं वं तत्तमं अञ्जयणं समतं ●

-: अ हूं मं अ ज्ञ य र्ण-भ ह नं दी :-

(४४) अट्टमस्स उक्खेवओ सुधोसं नयरं देवरमणं उज्जाणं वीरसेणो जक्खो अञ्जुणो राया तत्तवई देवी भद्रनंदी कुमारे सिरिदेवीपामोक्खा पंचसया जाव पुव्बभवे महाधोसे नयरे धम्मधोसे गाहावई धम्मसाहे अणगारे पडिलाभिए जाव सिद्धे। ३२-७। - 34-7

● वीए सुपक्खं वं अट्टमं अञ्जयणं समतं ●

-: न द मं अ ज्ञ य र्ण-प ह चं दे :-

(४५) नवमस्स उक्खेवओ चंपा नयरी पुन्नभद्रे उज्जाणे पुन्नभद्रे जक्खे दत्ते राया रत्तवती देवी महचंदे कुमारे जुवराया सिरिकंतापामोक्खा णं पंचसया जाव पुव्बभवो तिगिंडी नयरी जिगसत् राया धम्मवीरए अणगारे पडिलाभिए जाव सिद्धे। ३२-८। - 34-8

● वीए सुपक्खं वं नवमं अञ्जयणं समतं ●

-: द स मं अ ज्ञ य र्ण-व र द ते :-

(४६) दसमस्स उक्खेवओ तेणं कालेणं तेणं समएणं साएयं नामं नयरं होत्या उत्तरकुरु-उज्जाणे पासामिओ जक्खो भित्तनंदी राया सिरिकंता देवी वरदते कुमारे वरसेणापामोक्खा पंच देवीसया तित्यरागमणं सावगधम्मं पुव्बभवपुच्छा सप्तदुवारे नयरे विभलवाहणे राया धम्मरई अणगारे पडिलाभिए मणुस्साउए निकडे इहं उप्पत्रे सेसं जहा सुबाहुस्स कुमारस्स चिंता जाव पञ्चज्ञा कप्तंरिते जाव सञ्चट्टसिद्धे तओ महाविदेहे जहा दढपइत्रे जाव सिञ्जिहिइ बुञ्जिहिइ मुञ्जिहिइ परिनिव्वाहिइ सञ्चट्टक्खाणामंतं काहिइ एवं खलु जंबू समणेणं भगवया महावीरेण जाव संपत्तेण सुहविवागाणं दसमस्स अञ्जयणस्स अपमडे पत्रते सेवं भते सेवं मंते। ३२-९। ३२। - 34-9 - 34

● वीए सुपक्खं वं दसमं अञ्जयणं समतं ●

(४७) विवागसुयस्स दो सुपक्खं धा दुहविवागो सुहविवागो य तत्य दुहविवागो दस अञ्जयणा एक्कक्षसरणा दससु चेव दिवसेसु उहिसिज्जति एवं सुहविवागो वि सेसं जहा आयारस्स। ३३। - 35

● वीयं सुपक्खं वं तत्तमं ●

एक्कक्षारसमं अंगसुत्तं विवागसुयं समतं

[5]

:- અ-મા-રા- પ્ર-કા-શ-નો :-

- [૧] અભિનવ હેમ લઘુપ્રક્રિયા -૧- સસાહ વિવરણમ्
- [૨] અભિનવ હેમ લઘુપ્રક્રિયા -૨- સસાહ વિવરણમ्
- [૩] અભિનવ હેમ લઘુપ્રક્રિયા -૩- સસાહ વિવરણમ्
- [૪] અભિનવ હેમ લઘુપ્રક્રિયા -૪- સસાહ વિવરણમ्
- [૫] ફૂદન્તમાળા
- [૬] ચૈત્યવન્દન પર્વમાળા
- [૭] ચૈત્યવન્દન સહ્યાહ - તીર્થજિનવિશેષ
- [૮] ચૈત્યવન્દન ચૌવિશા
- [૯] શત્રુજય મક્તિ [આવૃત્તિ-દો]
- [૧૦] અભિનવ જૈન પણાહ - ૨૦૪૬
- [૧૧] અભિનવ ઉપદેશ પ્રાસાદ -૧- શ્રાવક કર્તવ્ય - ૧ થી ૧૧
- [૧૨] અભિનવ ઉપદેશ પ્રાસાદ -૨- શ્રાવક કર્તવ્ય - ૧૨ થી ૧૫
- [૧૩] અભિનવ ઉપદેશ પ્રાસાદ -૩- શ્રાવક કર્તવ્ય - ૧૬ થી ૩૬
- [૧૪] નવપદ-શ્રીપાલ - [શાશ્વતતી ઓળીના વ્યાખ્યાન રૂપે]
- [૧૫] સમાપ્તિમચક્ર [વિધિ-સૂત્ર-પદ-આરાધના- મરણલેટ-સંગ્રહ]
- [૧૬] ચૈત્યવન્દનમાળા [૭૭૭ ચૈત્યવન્દનો નો સંગ્રહ]
- [૧૭] તત્ત્વાર્થ સૂત્ર પ્રભોધટીકા [અધ્યાત્મ-૧]
- [૧૮] તત્ત્વાર્થ સૂત્રના આગમ આધાર સ્થાનો
- [૧૯] સિદ્ધાયતનો સાથી [અવૃત્તિ-દે]
- [૨૦] ચૈત્યપરિપરી
- [૨૧] અમદાવાદ જિનમંડિર ઉપાશ્રય આદિ ટિરેક્ટરી
- [૨૨] શત્રુજય ભઉતિ [આવૃત્તિ-દે]
- [૨૩] શ્રી નવકારમંત્ર નવલાખ જાપ નોંધપોથી
- [૨૪] શ્રી ચાદ્રિત્ર પદ એક કરોડ જાપ નોંધપોથી
- [૨૫] શ્રી બાચત્ર પુસ્તિકા તથા અન્ય નિયમો [અવૃત્તિ-ચાર્ચ]
- [૨૬] અભિનવ જૈન પંચંગ- ૨૦૪૨; [સર્વ પ્રથમ, ૧૩ વિભાગોમાં]
- [૨૭] શ્રી જીનપદ પૂજા
- [૨૮] અંતિમ આરાધના તથા સાહુ સાધી કણધર્મ વિધિ
- [૨૯] શ્રાવક ભંતિમ આરાધના [આવૃત્તિ-ન્યા]
- [૩૦] વીતરાગ સ્તુતિ સંઘર્ષ [૧૧૫૧-ભાવવાહી સ્તુતિઓ]
- [૩૧] (પૂજય આગમોદ્દારકશીના સમુદ્દરના) કણધર્મી સંપર્ક સ્થળો
- [૩૨] તત્ત્વાર્થાધિગમસૂત્ર અભિનવટીકા - અધ્યાત્મ-૧
- [૩૩] તત્ત્વાર્થાધિગમસૂત્ર અભિનવટીકા - અધ્યાત્મ-૨
- [૩૪] તત્ત્વાર્થાધિગમસૂત્ર અભિનવટીકા - અધ્યાત્મ-૩

[6]

- [३५] तत्पार्थीपिगम सूत्र अभिनवटीका- अध्याय-४
- [३६] तत्पार्थीपिगम सूत्र अभिनवटीका- अध्याय-५
- [३७] तत्पार्थीपिगम सूत्र अभिनवटीका- अध्याय-६
- [३८] तत्पार्थीपिगम सूत्र अभिनवटीका- अध्याय-७
- [३९] तत्पार्थीपिगम सूत्र अभिनवटीका- अध्याय-८
- [४०] तत्पार्थीपिगम सूत्र अभिनवटीका- अध्याय-९
- [४१] तत्पार्थीपिगमसूत्र अभिनवटीका- अध्याय-१०



[४२] आयरो	[आगमसुत्ताणि-१]	पदमं अंगसुत्तं
[४३] सूयगडो	[आगमसुत्ताणि-२]	बीअं अंगसुत्तं
[४४] ठाणं	[आगमसुत्ताणि-३]	तइयं अंगसुत्तं
[४५] समवाओ	[आगमसुत्ताणि-४]	चउत्यं अंगसुत्तं
[४६] विवाहपत्रति	[आगमसुत्ताणि-५]	पंचमं अंगसुत्तं
[४७] नायाध्यमकहाओ	[आगमसुत्ताणि-६]	छदठं अंगसुत्तं
[४८] उवासगदसाओ	[आगमसुत्ताणि-७]	सत्तमं अंगसुत्तं
[४९] अंतगडदसाओ	[आगमसुत्ताणि-८]	अट्टमं अंगसुत्तं
[५०] अनुत्तरोबवाईयदसाओ	[आगमसुत्ताणि-९]	नवमं अंगसुत्तं
[५१] पण्हावागरणं	[आगमसुत्ताणि-१०]	दसमं अंगसुत्तं
[५२] विवागसूर्यं	[आगमसुत्ताणि-११]	एक्करसमं अंगसुत्तं
[५३] उववाइअं	[आगमसुत्ताणि-१२]	पदमं उवंगसुत्तं
[५४] रावपसेणियं	[आगमसुत्ताणि-१३]	बीअं उवंगसुत्तं
[५५] जीवाजीवाभिगम	[आगमसुत्ताणि-१४]	तइयं उवंगसुत्तं
[५६] पत्रवण-सुत्त	[आगमसुत्ताणि-१५]	चउत्यं उवंगसुत्तं
[५७] दूरपत्रति	[आगमसुत्ताणि-१६]	पंचमं उवंगसुत्तं
[५८] चंदपत्रति	[आगमसुत्ताणि-१७]	छदठं उवंगसुत्तं
[५९] जंबूहीवपत्रति	[आगमसुत्ताणि-१८]	सत्तमं उवंगसुत्तं
[६०] निरयादलियाणं	[आगमसुत्ताणि-१९]	अट्टमं उवंगसुत्तं
[६१] कप्यवडिंसवाणं	[आगमसुत्ताणि-२०]	नवमं उवंगसुत्तं
[६२] पुष्टियाणं	[आगमसुत्ताणि-२१]	दसमं उवंगसुत्तं
[६३] पुफ्फचूलियाणं	[आगमसुत्ताणि-२२]	एक्करसमं उवंगसुत्तं
[६४] वर्णहेदसाणं	[आगमसुत्ताणि-२३]	बारसमं उवंगसुत्तं
[६५] घउसरण	[आगमसुत्ताणि-२४]	पदमं पईण्णगं
[६६] आउरपच्छक्खाण	[आगमसुत्ताणि-२५]	बीअं पईण्णगं
[६७] महापच्छक्खाण	[आगमसुत्ताणि-२६]	तइअं पईण्णगं
[६८] पत्त परिणा	[आगमसुत्ताणि-२७]	चउत्यं पईण्णगं

(7)

[६९]	तंदुलदेवालियं	[आगमसुत्ताणि-२८	पंचमं पईण्णगं
[७०]	संथारां	[आगमसुत्ताणि-२९	छट्ठं पईण्णगं
[७१]	गच्छायार	[आगमसुत्ताणि-३०-१	सत्तरं पईण्णगं-१
[७२]	घंदाविजय	[आगमसुत्ताणि-३०-२	सत्तमं पईण्णगं-२
[७३]	गणिविज्ञा	[आगमसुत्ताणि-३१	अट्ठमं पईण्णगं
[७४]	देविदत्तयो	[आगमसुत्ताणि-३२	नवमं पईण्णगं
[७५]	परणसमाहि	[आगमसुत्ताणि-३३/१	दसमं पईण्णगं-१
[७६]	वीरस्थव	[आगमसुत्ताणि-३३/२	दसमं पईण्णगं-२
[७७]	निसोह	[आगमसुत्ताणि-३४	पठमं छेयसुतं
[७८]	बुहू कप्पो	[आगमसुत्ताणि-३५	बीअं छेयसुतं
[७९]	ववहार	[आगमसुत्ताणि-३६	तइअं छेयसुतं
[८०]	दसासुवक्तुंदं	[आगमसुत्ताणि-३७	चउत्यं छेयसुतं
[८१]	जीयकप्पो	[आगमसुत्ताणि-३८/१	पंचम छेयसुतं-१
[८२]	पंचकप्पमार	[आगमसुत्ताणि-३८/२	पंचम छेयसुतं-२
[८३]	महानिसीह	[आगमसुत्ताणि-३९	छट्ठं छेयसुतं
[८४]	आवस्यं	[आगमसुत्ताणि-४०	पठमं मूलसुतं
[८५]	ओहनिजुति	[आगमसुत्ताणि-४१/१	बीअं मूलसुतं-१
[८६]	पिंडनिजुति	[आगमसुत्ताणि-४१/२	बीअं मूलसुतं-२
[८७]	दसवेयालिअं	[आगमसुत्ताणि-४२	तइअं मूलसुतं
[८८]	उत्तरज्ञवयं	[आगमसुत्ताणि-४३	चउत्यं मूलसुतं
[८९]	नंदीसूयं	[आगमसुत्ताणि-४४	पठमा चूलिया
[९०]	आगुओगदाराइं	[आगमसुत्ताणि-४५	वितिया चूलिया

नोंधः प्रकाशन १ती ४१ अभिनव शूत प्रकाशने प्रगट करेल छे.

प्रकाशन ४२-५० आगम शूत प्रकाशने प्रगट करेल छे.

● ४५ आगम-सेट ना प्राप्तिस्थानो ●

श्री डी. के. हक्कर १६, अलकानन्दगर, प्रियलक्ष्मी भिल्स पासे ओलेम्बिक रोड, वडोदरा	श्री जगदीशभाई एम. शाळ १-अलकानन्दा सोसायटी, अम्बाद स्वीट्स सामे, आश्रम रोड, पाठ॑४, अमदाबाद
श्रीमती नयनाभेन रमेशचंद्र शाळ २०, गौतमनगर सोसायटी रेसेक्यर्स सर्किल पासे, वडोदरा	डॉ. पिनाकीन एन. शाळ २१, सुभाषनगर, गिरधरनगर, शालीभाग, अमदाबाद

नोंधः- आगमना १-सेट माटे “आगम शूत प्रकाशन” वडोदरा नो ३. १५००/-
-रु. १५०० रुपयां द्वाकृष्ण आपीने ४ सेट भेजवी शक्शो.

[8]

:- परिसिद्ध-निर्दंसण :-

- १- पढ़मं परिसिद्ध - “विसयाणुकूकमो”
आप परिशिष्टमां ४५-[४८] आगमनां विभ्योनी बृहद् अनुकमित्रा हे. जे भाटे अभादु भावि प्रकाशन “४५-आगम बुहत् विसय कोस” जेतुं.
- २- बीयं परिसिद्ध “विसिद्ध सहाणुकूकमो”
आप परिशिष्टमां ४५-[४८] आगमनां विशिष्ट शब्दो कक्षावारी मुजब गोठवापेला हे. तथा जे-ते शब्द जे-जे आगममां आदेलो हे तेनो स्थण निर्देश करेलो हे. तेने आगम शब्द संदर्भ-क्षेत्र पश्च कर्त्ता शक्तय ते भाटे अभादु भावि प्रकाशन “४५-आगम विसिद्ध सहाकोस” जेतुं.
- ३- तद्यं परिसिद्ध - “विसेस नामाणुकूकमो”
४५-[४८] आगममां अपवता भास नामो जेवा के गोयम, सोमिल, ... वगेरे कक्षावारी कममां गोठवी, तेनो आगम-संदर्भ आ परिशिष्टमां रक्तु करायो हे. जे भाटे अभादु भावि प्रकाशन “४५-आगम विसेस नाम कोस” जेतुं.
- ४- चउत्यं परिसिद्ध - “गाहाणुकूकमो”
४५-[४८] आगममां आवती गाथाने अ कारादि कममां रक्तु करेल हे. साथे साथे तेने गाथानो स्थण निर्देश करेलो हे. जे भाटे अभादु भावि प्रकाशन “४५-आगम गाहाणुकूकमो” जेतुं.
- ५- पंचमं परिसिद्ध “सुताणुकूकमो”
४५-[४८] आगममां आवता सूत्रोने अ कारादि कममां स्थण निर्देश पूर्वक रक्तु करवा विचारणा हे. भावि उपयोगिता विशेना तज्ज्ञ-अभिप्रापाधारे हवे पछी तैयार करवा भावना हे.

○—————x—————○

गोष्ठ :- सभग्र ४५ आगममां प्रत्येक सूत्र के गाथाने भंते अंग्रेज कमांकन पड़ी वृत्तिनो अंक निर्देश हे. ते वृत्तियां छ हेद सूत्रो अने घंदपनन्ति सिवायना आगमो भाटे अमे पू. आगमोद्वारक श्री संशोषित संपादित अने (१) आगमोद्य समिति, (२) देवरंद लालबाई कड (३) ऋषभटेव केसरीमल पेडी ए त्रस संस्थाना प्रकाशनो ज लीधा हे.
 - चंद पनन्ति भाटे उस विभित प्रत लीधेली हे, - बुहतकपो - पू. पुन्नविजयग्र
 प. संपादित, निर्सीह-पू. कनैमालालक्ष संपादित, ववहार, पू. मुनि माणेक संपादित,
 जीयकपो. पू. अनविजयग्र संपादित हे महानिसीह नी वृत्तिनथी. दसासुयक्खंड
 नी शुर्लिङ्ग भणी हे. भाटे तेनु कमांकन पट्ठ शेकेल नथी.

ପ୍ରକାଶ ମହାଵିର ଜୀବନଚିତ୍ର

ପ୍ରକାଶ ମହାଵିର
ଜୀବନଚିତ୍ର

୧

ପ୍ରକାଶ ମହାଵିର
ଜୀବନଚିତ୍ର

ପ୍ରକାଶ ମହାଵିର
ଜୀବନଚିତ୍ର